


1670

WILLIS. T. — AFFECTIONES HYSTERICÆ





XVI 3. 63465/B


The Library of the
Wellcome Institute for
the History of Medicine

MEDICAL SOCIETY
OF
LONDON
DEPOSIT


Accession Number


Press Mark

WILLIS, T.



XVI₂





D: Loggan: delin: et sculp:

A. LAITIS SVÆ, 45.

1779
MEDICAL SOCIETY
HONORARY
AFFECTIIONUM

Quæ dicuntur

HYSTERICÆ & HYPOCHONDRIACÆ

Pathologia Spasmodica vindicata,

Contra

RESPONSIONEM EPISTOLAREM

NATHANAEL. HIGHMORI, M. D.

Cui accesserunt

Exercitationes Medico-Physicæ Duæ.

1. *De Sanguinis Accensione.*
2. *De Motu Musculari.*

Studio

THO. WILLIS M. D. Natur. Philoso-
phiæ Professoris Oxon. necnon Incltyti Me-
dic. Coll. Londin. & Societat. Reg. Socii.



LONDINI,

Apud Jacobum Allestry, Societatis Regiæ Typographum,
in Cœmeterio D. Pauli. M DC LXX.

BRITISH MUSEUM
SALE DUPLICATE
I 7 8 7



AMICO LECTORI
PRÆFATIO.

QUOD à pluribus, scripta mea subinde aggressis, impetitus, vindicias antehac nullas, jamq; has ita serò apparaverim, id (Candide Lector) nostrâ utriusq; causâ factum esse scias, ne sc. alienâ patientiâ, proprio utiq; otio abuterer. Magnâ quidem cum pompâ dici solet, veritatem ex disceptantium conflictu, tanquam ignem ex attritis silicibus oriri: Scintillulas fateor aliquas fugaces, & evanidas ita interdum excuti; at si quis lumen, ignemq; expetat, non tam percussu, quam blanditiis, & molli, benignoq; afflatu opus erit, quo cæca flammæ rudimenta jubar induant, seq; leniter explicantia, unâ aspiciant, & imitentur diem. Reverà ingeniosæ aliquæ argutiæ, & captiunculæ non ingratae, sæpe inter disputandum enascuntur; sed frustra quispiam sobria ratio-

num

Præfatio.

num momenta, ac justa rerum pondera speraverit, ubi non veritas, adeò quàm fama, & triumphus spectantur.


Quandoquidem igitur Empirici nonnulli, arreptâ tam quidlibet impunè scribendi, quàm ludendi de corio humano licentiâ, placita mea, quæ non satis intelligunt, passim dilacerant, & convellunt; & quo speciosius merces suas venditent, libellorum titulis me Triumphatum prædicant; hos ego non aliter quàm silentio, & contemptu redarguam, utpote quorum scripta, & responso indigna sunt, & spreta exolescent. Nec majoris illos æstimo, qui Argumentorum loco, tantum opprobria & convitia ingerentes, debacchari potius, quàm philosophari videntur. Interea uti præter spem semper, & votum fuit, hypotheses nostras uspiam omnibus arrisuras, ità non est ut agrè feram, si quisquam circa abditas rerum causas, ubi tantum conjecturis locus est, in contrariâ versatur opinione, aut à nostrâ quavis, dissensum suum apertè profitetur; modò id candidè fiat, & non barbaris rixis jurgiisq; purissimæ scientiæ deturpentur: Quocirca cùm Doctissimus D. Highmorus Pathologiæ nostræ circa Affectiones Hystericas, & Hypochondriacas, suam etiamnum opponat, atq; ad rationes conferendas provocet; lubens in Arenam descendo, eoq; lubentiùs, quòd proinde sperem, Doctrinam nostram Spasmodicam, si post Fortissi-
mi

Præfatio.

*mi Adversarii insultus, & Arietes nequicquam
admotos, obsistere valeat, stabilem prorsus & in-
concussam in posterum permansuram. Verùm ne
solo controversiarum pulvere lectorum oculos exci-
perem, visum est mihi, ex Arenâ ipsos paululum
ad amœniora deducere, & Paradoxa quædam à
me Pridem tradita, nempe sanguinem accendi, &
Spiritus Animales quasi elasticos explodi, jam
demum fusiùs explicata, necnon rationibus, &
experimentis confirmata, Responsioni nostræ ad-
jicere. Reverà exercitationes hæ duæ posteriores,
ad $\Psi\chi\omicron\lambda\omicron\gamma\iota\alpha\upsilon$ nostram, in lucem aliquando forsitan
prodituram, propriè spectant; quia tamen pro-
pter notiones quasdam insolitas, & non receptas,
proles aliquatenus suspectæ habeantur, idcirco has
per se priùs educendas censui.*

Vale.

635



A D

Virum Doctissimum

NATHANAEL. HIGHMORUM, M. D.

Responſionem tuam epistolarem, (*Egregie Domine*) de affectibus hysteriſis, & hypochondriacis ad me datam, atq; adversus me scriptam, eo animo perlegi, ut in quam partem graviora argumentorum pondera deducerent, ad eam inclinarem : neq; enim propriæ ſententiæ tam pertinaciter unquam adhæſi, ut ad veriorẽ à quocunq; oblatam, non lubens transferim ; verũ libratis utrinq; rationibus, (cũ me nondum moveri aut immutari ſentiam), tuiſq; in unam lancem, noſtris in alteram impositis, utra demum pars præponderet, aliis judicandum relinquo. Occurrunt fateor in Pathologiã noſtrã phænomena quorundam ſolutiones conjecturali (prout res ferebant) modo, licet obiter tantũ à me traditæ, quas ſecuriũs cavillari poteris, uſquẽ tamen immota perſtabunt fundamenta ; quæ in veſtrã hypotheſi planè vacillant, & invitis omnibus, quæ nuper ſubſtituiſti, fulcris, proriũs corruent.

Prima inter nos orta eſt controverſia, de *Paſſionis Hystericæ* naturã, cauſis, & ſede primariã ; utpote quam Tu *sanguinis & pulmonum*, egomet *cerebri* potius, & *generis nervoſi* affectum eſſe ſentio : quanquam & ipſe in recitandã huius morbi historiã, prima ac ultima ſymptomata ad caput, & functiones animales retuliſti.

B

Dicis

Pag. 2. Dicis enim paroxysmi prænuntios esse magnos capitis, frontis maximè, temporumq; dolores, aurium tinnitus, & pulsationes, ac cordis tremores : dein quòd paroxysmo

Pag. 3. invasuro, cordis gravitas insignior, & animalium actionum omnium torpor excruciant ; qui revera tum capitis, tum cordis affectus in fibris nervosis, aut nervis ipsis consistentes, ad genus nervosum potius quam ad sanguinem spectant. Insuper paroxysmi catastrophen describens, asseris deliria, convulsiones, cum syncope, spumâ nonnunquam per os profluente, tragœdiæ huic complementum addere. Verumtamen hæc omnia, quasi pro nihilo habenda penitus tibi exciderant; morbum per causam ejus postea te definiturum professus, dicis passionem

Exercit. pag. 22. hanc (hystericam dictam,) esse strangulationem à nimio sanguinis subtilis, ac flatulenti in pulmonum vasibus, cordisq; thalamis infarctu ortam, quo pulmones motum sequi thoracis, ac diaphragmatis inhabiles, ac cor suos sinus ab infarctu illo pleniori, per pulsus licet frequentiores, liberare ineptum, redduntur ; atq; hinc necessario insequitur, primò dyspnœa, & indè suffocatio, quam ut effugiat natura, facultatem invitat animale, quæ ne simul cum vitali pereat, spiritus suos copiosè licet, inordinatè & irregulariter emittit, qui sic profusi motus tales irregulares, quos convulsivos vocant, excitant.

Hypothesin hanc Tuam, (Vir Clarissime) si quomodo licuisset, intactam olim, atq; illibatam reliqueram ; neq; enim aliorum placita, nisi coactus necessitate, unquam attigi. Sed dum propriæ sententiæ viam aperirem, Tuamque, quæ obsepiebat, paululum tantum, & leviter amoverem ; sensi tandem urticas, quo mollius tractantur, eo certius urere, spinasq; non tantum nocere attritas, quàm si tenerâ manu demulceantur : Proinde liceat mihi (prout res nunc postulat) Ætiologiam tuam paulo liberiùs excutere, quàmq; in prioribus scriptis solummodò minus esse verisimilem, modestè

modestè innuebam, tandem diligentius examinatum, non tantum improbabilem, sed & impossibilem prorsus asserere : quod certè satis constabit, ubi *hæc tria* ostendero. *Primò*, sc. sanguinem, utut subtilem, & quantumvis flatulentum, nunquam ita turgescere, ut donec intra vasa continetur, ductus uspiam sanguiferos, multo minus *cordis thalamos*, & *vasa pneumonica* nimis opplendo infarciat, ac penitus obstruat. *Secundò*, Affectiones istas pro pathognomicis à Te habitas, nempe *suffocationis sensum*, & *dyspnæam* in multis hystericis prorsus deesse, & cum adfuerint nec primas, nec præcipuas semper reperiri. *Tertiò*, Prædictas istas in thorace passionès, reliqua morbi hystERICI symptomata, nempe quæ in *abdomine*, in *capite*, ac in *mèmbriis* contingunt, nullo modo producere posse. His solidè ac breviter expeditis, postremò *responsiones*, *objectionesq;* ad vestram pathologiam stabiliendam, nostramq; evertendam à Te allatas, discutiemus.

I. *Sanguinem* particulis activis, aut (si malis) elasticis constare, ultro Tibi concedimus ; hinc ut sponte ad turgescendum aptus, tum circuitu perenni facilius circumagatur, tum in effervescentias febriles, aut alias inordinatas proclivis existat ; dummodò interea pariter concedatur, neq; has, neq; illum unquam fieri sinè cordis & corporum impellentium actione, seu molimine animali. Quinimò sanguis quantumcunq; intra ductus satis apertos effervesceat, nisi aut ipse coaguletur, aut partium à quibus impellitur, virtus motiva deficiat, eos nunquam ita inferciendo obstruit, ut sibi viam præcludat. Enimverò si hoc uspiam omnino contingeret, saltem ubi sanguis maximè turgescit, sc. in febre *Causone*, aliarumque acutarum paroxysmis ; in quibus, sc. tota massa sanguinea velut in flammam acta, & plurimum rarefacta, ductus omnes, qua licet, rapidissimè trajicit, atq; rapido hòc cursu calorem intensissimum

ubique diffundens, vasa valde implet, ac immaniter distendit, ita ut Cerebri claustra sæpe perrumpens, functiones animales perturbet, & non rarò penitus evertat : quapropter si omnino ab ullâ sanguinis turgescentiâ cor, & pulmones periclitarentur, ab istâ sanè non tantùm oppleri, sed planè obrui oporteret ; quod tamen ita evenire observatio communis nunquam testatur : nam cor & respirationis organa, magno labore & nixibus creberrimè repetitis, sanguinis impetuosissimè sese ingerentis circulationem expediunt : si quando autem ab immodico febris æstu deliquium aut mors accidant, id propterea evenit, vel quòd musculi pneumonici, & cor ipsum à vehementi ac diuturno exercitio, fractis tandem viribus fatiscunt, vel quia massa sanguinea insigniter depravata, & quoad crasin exoluta, ad fermentandum ampliùs, sive accendendum inhabilis evadit.

Pag. 2, 3.

Quod verò instas sanguinem multis aliis modis turgescere, prout in hæmorrhagiis, catameniorum fluxibus, subitistumoribus, doloribus, aliorumq; affectuum translationibus, *sinè calore aliquo eminente præcurrente, quas in instanti, & dicto citiùs fieri statuis* ; Haud inficias imus sanguinis fluxiones à parte in partem contingere, & materiam morbificam huc, illuc variè transferre : tamen æquè certum est, hoc nunquam tam citò ac *immediatè* peragi, prout innuisti, sed trajecto priùs corde, & sanguine per multiplicia ejus ostia minutatim, & partitè traducto, non aliter quàm hominum caterva per fores angustas viritim transeunte, adeò ut donec sanguis nondum extravasetur, periculum nullum sit, à subitâ ductuum circa præcordia sitorum infarctione. Si quando autem obstructio circa vasorum extremitates contingit, sanguis arteriosus sese usq; prorsum urgens, primò effluvia vaporosa, dein serum, & quævis aliacrementa exuens, venas ingreditur ; sin amotis istis se expedire

expedire nequeat, sui portionem quandam extra vasa propellit, & seponit, quo reliquus latex in circulatione liberiùs pergat; adeò sanguis, quousq; vegetus, & vigore plenus, ubiq; viam inveniet, aut faciet, neque ulla huic ex propriâ culpâ remora contingit, nisi quando à maligno fermento profligatus subito coagulatur, vel effœtus, aut nimis aquosus ad fermentandum, atq; ad spiritus animales cerebro & nervis suppeditandos, inhabilis evadit.

Sed regeris Tu, *incursum sanguinis in pulmones magis sevirè, quia in partem spongiosam, nimiumq; capacem particulae flatulentæ & elasticæ (in cordis ventriculo quasi accensæ) exploduntur.* Pag. 4. Miror Te hîc causam eandem *fulminantem* pro sanguinis turgescentiâ explicandâ adduxisse, quam à me pro elastico spirituum animalium impetu describendo assignatam, in ipso epistolæ tuæ vestibulo irrifisti: porrò admirari subest quare pulmones, tanquam *nimium capaces, sanguinem autem quod subtilis & flatulentus* sit criminari; quæ conditiones utrosq; ab omni culpâ potius eximere videntur, quàm in ipsos morbi causam transferre; nam quo *hic* magis fluxilis est, inq; *istis* spatium liberiùs, & apertius nactus fuerit, eo constipationi minùs obnoxius evadit. Et profectò cui piam feriò perpendenti *cordis & organorum respirationi* dicatorum actiones, & usus manifestum erit, has partes præ quibuscunq; aliis, immo omnino à sanguinis, modò sit fluxilis, infarctu immunes esse.

Cor, Musculus in toto corpore robustissimus, motu perpetuo, molendini hydraulici instar agitatum, sanguinem duplici circuitu nempe per pulmones ac per totum corpus impellit: in præcordiis quo meliùs cursus ejus regi, atq; tum à stagnationibus, tum ab exundationibus inhiberi possit, ità cautum est, ut cordis *sinus dexter* sanguinem minutis tantùm portionibus & velut

velut cochleatim admittens, in pulmones ejiciat, atq; eodem tempore, pari passu, & ferè dimenso, *sinus sinister* eum ex pulmonibus, cochleatim excipiens, foràs tradat; in utroq; cordis sinu bina constituuntur ostia, quæ vicissim aperta, & statim occlusa, unicâ vice, unicam sanguinis portionem, hîc, illîc inducunt, educuntq; adeoq; semper cavetur, ne istæc aut à tergo, aut à fronte ab alterâ obruatur, aliâmvè obruat.

Cæterùm ob majorem circuitûs sanguinei, intra præcordia securitatem pulmones perpetuò agitati, & spiraculis instructi, sanguinem pertranseuntem succutiunt, ac promovent, simûlq; eventilant, & effluviis deciduorum sarcinâ liberant; quin & ipsum aeris inspirati particulis imbuunt proinde ut rarefactus, magisq; efflagrans, sive fermentescens, eo vegetior & circulationi peragenda aptior reddatur. Enimvero si qua accensio sanguini (utî nostra fert sententia) contingit, omnino intra pulmones, & nequaquam in cordis sinibus peragitur; prout arguere licet ex colore, & consistentiâ sanguinis ibidem, ac minimè in corde immutatis, in quantum scilicet iste dum ex arteriis pneumonicis in venas transit ab atro purpureo, & crassiori, in coccineum, & vividiorum alteratur.

Ex his satîs liquere arbitror, sanguinem (qualis à Te morbificus habetur) nempe subtilem, & flatulentum, atq; intra vasa coercitum, nullo modo in vasis pneumonicis constipari, aut præcordia ad rigiditatem infarcire posse: proculdubio longè magis periculi imminet, quando sanguis, vel extravasatur, utpote in *peripneumoniâ*, vel in corde, & vasis appensis coagulatur, prout in *peste*, & *febris malignis*; vel in iisdem concrevit, utî in *polypo cordis*, vel deniq; effectus in præcordiis minùs, aut non omnino accendi, aut rarefieri potest, prout in *picâ*, *malaciâ*, & *diuturno languore affectis*, aut *moribundis* accidit: Attamen in hujusmodi

jūsmodi casibus, nunquam strangulatio, aut subita præcordiorum oppletio, & immobilitas, sed primo nixus majores, postea crebriores, dein functionis motivæ languor, & fatifcentia, ac ultimò concidentia obtingunt: horum instantias, & exempla quotidianæ ægrotantium observationes abunde suppetunt.

Verùm *secundò præfocationem, & dyspnœam*, quas morbi hysterici proprias passiones habuisti, in quorundam paroxysmis scilicet modò alteram, modò utraq; deesse, cuiuspiam aut diversimodos insultus uterini Typos observanti, aut plures ægrotantes super variis symptomatum ritibus sciscitanti facillimè constabit. Sæpe adverti in nonnullis affectionem cum globi ascendentis sensu in hypogastrio incipientem, infra diaphragma cum subitis hypochondriorum tensionibus, cūmq; magnâ eructatione, rugitu, & non rarò vomitu terminari: novi in multis aliis passionem hanc supra thoracem inchoari, nempe quatenus laborantes imprimis circa guttur aliquid sursum convelli sentiunt, (quod simul deglutitionem, & anhelitum impediens nequaquam ad pulmones inflatos, sed ad gulæ musculos contractos referri debet): præfocatio autem istæc interdum sinè graviore præter vertiginem symptomate transire solet; quandoq; tamen in cerebrum violenter resiliens, primo *ἀναιδνησίαν* & mox membrorum, & totius corporis spasmos, & jactationes horrendas inducit: quot ego fœminas hystericas novi, quæ ex subitâ violentæ passionis occasione statim *ἀπώροι* corruerunt, insultu proculdubio ab eclipsi facultatum animalium incipiente? cui mox respiratio non difficilis & laboriosa quasi à pulmone inflato, & infarcto, sed illico suppressa, & pæne nulla cum *ἀσφυξία*, & aspectu cadaveroso successit; dein post aliquod intervallum spasmi in membris excitari, etiam viscera instar globi ascendentis

dentis inflari, & præcordia immaniter agitari ceperunt; proculdubio materia morbifica ab ἐγκεφάλῳ parte medullari, in nervorum origines decumbente: nec minùs usitatum est (utì priùs ostendi) affectas (paroxysmo ab imo ventre exoriri viso) imprimis circa hypogastrium, *inflatione, seu molis ascendentis sensu* tentari, quæ superiùs lata non nisi post aliquod spatium thoracem invadens dyspnœam, aliáq; præcordiorum pathemata inducit; quæ tamen si abdomine manu compresso, aut fasciis constricto, molis ascensus inhibetur, interdum præcaveri solent; clarissimo certè indicio, istam imi ventris molem nequaquam utì Tu supponis, à pulmone inflato procedere. Enimvero ut daretur tibi sanguinem præcordia αἰθρώως irruentem eadem inflare, ac ad rigiditatem infarcire; attamen reliqua quæ huic catenæ annectis symptomata, minimè cohærebunt.

3. Nam quod ad ventris globum spectat, cùm interdum sinè ullâ dyspnœâ oriatur, ac transeat, ac sæpe etiam prior fuerit, certè huic causæ ascribi nequit. Usitatum est hystericas circa paroxysmi initia postquam in ventre molem ascendentem sentiunt adstantes alloqui, ab iis suppetias atq; ut comprimatur venter rogare donec, affectu ad thoracem delato, cum respirationis organa laborare incipiant plerumq; moles abdominis evanescit: porrò quisquis molem istam cum impetu exilire & quasi aliquid fortiter arietet, manum toto nixu deprimentem attollere sentiet, ipsam à visceribus propter diaphragmatis descensum, conglobatis oriri nunquam putabit.

Nec minùs incongruum videtur, à pulmonibus sanguine infarctis, aut motu impeditis, affectiones spasmodicas, in aliis partibus, aut in toto corpore excitatas, deducere: Quippe advertimus passiones istas solummodo à spirituum animalium, in cerebro aut
nervoso

nervoso genere scitentium, *irritatione* procedere ; atq; ut plurimum aut à materiâ morbificâ intra partes istas aggestâ, aut à vellicatione insigni iisdem inflictâ, pendere ; quorum neutrius pulmones infarcti, & immobiles facti causa esse possunt : Quæcunq; enim pars, per consensum partes alias in motus convulsivos rapit, necesse est ut ipsa primò convellatur ; quod de pulmonibus, dum immobiles perstant, nec ipse statuis, nec fieri potest. Quod autem instas, *naturam, ut præcordiis* *Exercit. pag. 22.* *oppressis subveniat, facultatem animalem ad motus convulsivos invitare* ; id quidem à constanti ejus ritu & consuetudine abhorret, quæ sicubi insultu morbido, aut molestiâ premitur, instinctu quodam quasi divino edocta angustiis sese expedire, & non majoribus implicare solet. Si forsan regeras, spasmos interdum *καταδύσει*, & immensis hæmorrhagiis supervenire, & non rarò moribundis accidere : dico hoc non ex *naturæ invitatione*, sed ex nimiâ tum ipsius, tum facultatis animalis prostratione fieri. Quippe in magnis languoribus, spiritus animales plurimum distracti, aut absumpti, solitum in nervoso genere tensitatis sive irradiationis suæ filum, ac continuitatem sustinere nequeunt, quare ab invicem divulsi, ac quasi in manipulos fracti, dum rursus aduniri quærunt, nixus motivos ubiq; divisos, & quasi per subsultus, ineunt. At verò neq; membrorum nec aliorum viscerum spasmos, ex molestiâ præcordiis illatâ facilè oriri, præter rationes modò citatas, insuper *observationes pathologicae* clarissimè evincunt. Qui *Asthmate, Peripneumoniâ, Anginâ, Pleuritide*, horrendis, aut funestis laborant, inter diros paroxysmorum cruciatus aliarum partium motus convulsivos haud facilè incurrunt. Memini in Adolescensculâ *polypum cordis* post morbillos accretum, & in arterias pneumonicas illapsum, eas ferè in totum, (utî ex cadavere postea dissecto constabat) obstruxisse ; ut

hinc sanguis intra dextrum cordis sinum aggestus, & ultra progredi non valens, maximum illic gravamen & oppressionem, cum respiratione difficillimâ, & maximè laboriosâ intulerit : puella autem postquam tres dies continuo hujusmodi agone afflicta jacuerat, facultate animali sensim fatiscente, & demum attritâ, expiravit ; nec tamen ulla interim ab hâc morbo invincibili præcordia infestante, aliarum partium symptomata quasi hysterica, aut convulsiva oriebantur.

Dum hæc Typis mandarem, Filiolus *Nobilissimi Comitis* circiter decem menses natus, antea satîs sanus, eodem morbo obivit : postquam ille per quatuor aut quinque dies tussi cum febriculâ laborâisset, subito deterior factus, respiratione crebrâ, & laboriosâ, linguâ siccâ, magnâ inquietudine, & jactatione totius corporis afficiebatur ; quibus symptomatis ferè continuò infestantibus, intra biduum extinctus est. Cadavere aperto, viscera imi ventris sinè culpâ, Thorace inspecto, pulmones sanguine stagnante infarcti, discolorés, scilicet purpurei, inque multis locis nigricantes apparebant ; erant tamen abscessu, tumoribus, aut ichoris suffusione satîs immunes, ut illorum affectio, febris productum, potiùs quàm causa videretur : dum verò hanc, & lethi adeò subiti occasionem sedulò rimamur, tandem corde dissecto in sinibus ejus polypi ingentes, concretionibus adiposis similes, inque omnes arterias exportecti, earumque cavitates obstruentes reperiiebantur. Novi insuper ante aliquot annos, puerum alium triennem propter eandem causam morbificam subito, ac ferè improvisò diem obiisse. Quin etiam suspicari fas sit, plurium aliorum morbos, aut mortes, vulgò dentitioni, aut lumbricis imputari solitas, à tali cordis affectione procedere ; in cujus naturam, causas, & curationem non otium erit nunc inquirere : attamen observare est in hujusmodi casibus, *naturam circa præcordia*

cordia, gravissimè licèt afflicta, non propterea functionem animale ad motus convulsivos invitasse. In promptu hîc esset (Vir Doctissime) plures adhuc rationes, & argumenta proferre, quæ hypothese vestram planè erroneam esse demonstrent. Sed tam facili nodo melioribus cuneis non opus est ; nec majore machinarum apparatu structura oppugnanda est, quæ concussis fundamentis, & compagibus solutis, sponte corruit. Itaq; receptui canam, & responsiones tuas, & objectiones contra me intortas, jam proximè discutiam.

Cùm objeceram ego, in hysteris frigidis, atq; etiam picâ, & malaciâ affectis, sanguinem utpote effœtum, & stagnare aptum, tam immodicè in pulmonibus ebullire non posse, sine aliquibus effervescentiæ notis alibi conspicuis. Regeris Tu, sanguinis incursum, & infar- Re p. pag 2.
ctum in pulmone, non à frigiditate, nec calore solummodo dependere, sed à fermentatione, ex salium diversæ naturæ commistione, mutuâq; pugnâ, sine caloris aut frigoris excessu ; & rursus, à succis elasticis & fermentis bilibus sanguini communicatis, æstum & motum inordinatum, & quasi ebullitionem excitari, sine calore aliquo eminenti præeunte. Quanquam hîc satis esset Te Tibimetipsi in sequenti paginâ contradicentem opponere; ubi dicis particulas morbificas elasticas in cordis ventri- Pag. 4.
culo quasi accensas, in pulmone explodi ; (cujusmodi certè causa fulminans absq; calore satis intenso intelligi nequit) ut tamen aliunde etiam appareat, quàm suspecta nobis esse debeat tua ratiocinatio, sponte concedes, (opinor) sanguinem fermentescentem, & cum ebullitione, ac æstu (ut prius denotas) in pulmone irruentem, pervenire illuc omnino non posse, nisi dexter cordis sinus, quo ipsum rapidiùs transmittat, crebriùs ac fortius vibret. Quod si fiat, an non eodem tempore, & pari passu etiam sinister cordis sinus, a què crebrò ac fortiter vibrans, sanguinem in totum corpus cum pulsu vehe-
menti,

menti, & calore aucto ejiciet? Enimverò perpetuâ observatione constat, quodocunq; pulsus sit creber, & vehemens, calorem intendi, (cujus rationem postea subdemus) Quare cùm necessum fuit, Te hujusmodi pulsus pro subito pulmonum infarctu supponere, haud rectè incalescentiam exclusisti. Nec quicquam pro Te facit, quòd nonnunquã in febribus anomalis aliisq; morbis calor internus magis urgeat dum extrema frigent; id enim sanguini dum liberè intra vasa circulatur ascribi non debet, verùm aut ob viscera, (vel membranas) torrefacta, phlegmone obsessa, & non rarò bile aut humore acri suffusa accidit, aut quoniam cor debile & elanguescens sanguinem æstuantem à se longiùs propellere nequit.

Quod spectat ad *sales diversæ naturæ & fermentiscibiles*, à quibus sanguini communicatis, *æstum & ebullitionem ejus excitari putas*, declarasse oportuit, quo transitu, & per quos ductus in sanguinem feruntur, an per vasa chyliifera, aut per venarum oscula excipiantur: utrovis modo aut vis elastica infringetur, aut particulæ fermentiscibiles ab invicem dividuntur, priusquam ad pulmones pervenitur: Porro (quod ad rem præsentem haud parùm pertinuit) cur locum non assignasti ubi sanguis, insiliente paroxysmo hysterico, ebullire incipit? utrùm ante cordis ingressionem, vel intra ejus sinum, vel in ipsis pulmonibus? certè nulli horum Pathologiam tuam accommodare poteris.

Fig. 4.

Quod asseris ob *χρόσμον* *exangues sanguinem fluxilem, elasticum, ideòq; movere, ac in fermentatione immodicè concitari promptiorem, habere*, à vero maximè alienum videtur. Quippe observatione vulgari constat, earum sanguinem maximè aquosum, & particulis activis adeò destitutum esse, ut calori vitali per totum corpus diffundendò vix sufficiat. Quare pro his curandis, medicamenta quæ sanguinis fermentationem promovent,

movent, ac adaugent, uti salina & sulphurea, ac imprimis chalybeata exhibemus; quæ certè sanguini ex se nimiùm fermentiscibili valde officerent. Nec minùs aberras asserendo tales *anhelosas fieri propter copiam sanguinis in pulmones infarctam*: Hoc enim si ità se haberet, copiosa sanguinis missio iis emolumento esset; cujus contrarium semper experimur: quinimo sanus quispiam & robustus, post ingentem hæmorrhagiam, statim anhelosus evadit, indicio quidèm certissimo, hunc affectum non à sanguinis copiâ procedere; sed è contra symptomatis hujus causa in eo potiùs consistere videtur, quòd sanguis depauperatus & proinde copiâ imminutus non facilè rarefieri, aut sponte turgescere aptus existit, quin gravis, & segnis, merâ cordis, & partium impellentium operâ circumducitur: hinc à motu aut exercitio corporis, cùm membrorum muscoli agitati vasa comprimunt, adeóq; sanguinem versùs præcordia paulò citatiùs impellunt, iste ponderosus, ac hebes è cordis sinubus, ubi plùs solito aggeritur, non ità promptè exilit: quapropter & cor ipsum, simùlq; respirationis organa nixibus creberrimis adnituntur, ut lacum hunc semimortuum sinè stagnationis periculo per pulmones traducant.

Quod circa *peripneumoniam* replicas, contra te facit; quoniam ut nodum istum solveres, sanguinem hystericum, quem immodicè ebullire supposueras, usquè intra *vasa pneumonica continere cogeris*, unde hypothesis tua difficultate majori premitur: quippe si ipsum, aut serosam ejus partem ibidem extravasari sineres, exinde pulmonum infarctio minùs improbabilis videretur.

Sanguinem cerevisiæ novellæ lagenis incluse conse- Pag. 51
rens, proximis ferè verbis *particulas ejus in corde accendi, & in pulmones exilire statuis*: Quod si verum esset, quid ad rem tuam faciat non video, nisi ebullitio.

litio sanguinis ad paroxysmum hystericum à Te requisita universalis foret, ipsiq; à frigore incipienti, mox, febris intermittens ritu, calor intensus succederet; cujusmodi omnes affectus superiùs à pathologiâ tuâ penitus exemisti.

Pag. 6.

Nec minùs à proposito est, quòd *sanguinem, æquè ac succum (ut ais) merum nutritium* (puto velles *nervosum*) in motus violentos explodi posse contendis: quippè nullam ego latici huic *vim elasticam*, sed solummodò *irritativam*, assignavi. Ipsi sunt spiritus animales, quibus succus ille tantùm pro vehiculo est, qui impetus motivos, seu potius explosivos, à sanguine quantumvis effervescente, inimitabiles exerunt.

Pag. 7.

Ad *Hystericarum experientiam provocasti*, utrùm in *ipsarum paroxysmis* præcordiorum affectus primarii non sint, atq; præcedant reliqua symptomata? Quæ si fortè se aliis in locis primò convelli fateantur, Tu interim (provisò antè subterfugio) securus, respondes, in *hòc casu morborum complicationem adesse, & affectum hystericum cum spasmo uniri*. Quæcunq; adeò hystericis accidunt, si tuæ non quadrant hypothesei, sub novo morbi genere collocanda sunt, non amplius hystERICA, sed convulsiva appellanda: Sed neq; sic evasurus es (*Vir Doctissime*) Nam ex istis pathematis, quæ hystericorum classi pathologia tua non satis cautè accensuit, sc. *cordis anxietas, palpitatio, pulsûs frequentia, anhelitus gravis, suspiria alta & similia*, ex his inquam pleraq; ad nervosum genus præcipuè spectant, & meritò convulsiva habentur, prout ex sequenti experimento colligere licebit; nempe si in vivo quopiam animali nervorum sc. paris vagi ac intercostalis, ad præcordia pertinentium, truncos ligaveris, statim prædicti affectus cum dyspnœâ & suffocationis sensu, quin & alia symptomata, insultus hystERICI *Typum* imitantia, orientur. *Globi*

Pag. 7.

Globi in abdomine ascensum, à septi depressione non procedere arguebam, ex eo quòd in paroxysmo septum haud semper versùs inferiora deprimitur; sed convulsio interdum versùs superiora contingit, ac pulmones fursum impellens, Thoracis systolen violentam, & diutiùs quàm par sit protractam, inducit. Argumentum hoc cùm diluere nequeas, quo meliùs saltem eludas, occasionem arripis me convitio quodam insectandi, proper diaphragmatis motum minùs rectè (ut innuis) à me expositum, nempe quòd in affectibus spasmodicis, systolen ejus versùs superiora, & diastolen versùs inferiora contingere posse affirmârim; hìc genuinum dentem infigens, simul illudis, & quantum in Te est acriter mordens, nostràmq; inscitiam videris tibi eo falsiùs irrisisse, ubi ignorantiam tuam tam liberè profiteris: in omni motu (inquis) est pars mobilis & altera immobilis, nullaq; sit alicujus contractio, nisi pars mobilis, ad immobilem trahatur. (Quam egregiè, & Axiomaticè hæc, mox ostendetur) Septum autem (ais) infimæ thoracis parti, tanquam ad immobile affixum, ipsum autem in omnibus suis partibus mobile, & quid costis quasi appensum est: cùm verò contrahuntur fibræ, totum ad partem fixam attrahitur, ac tensum magis, ad infimum costarum situm deprimitur, ultra verò metam istam transire nequit, &c. Quomodo igitur (Doctissime Vir) ut juxta Ætiologiam tuam, globi ascensum efficiat, ad inferiora se contrahit, ac se in abdominis cavitatem qualibet contractione altiùs deprimit, prout asseruisti exercit. p. 29. ? Nam si ultra infimum costarum situm, quo quidem in omni systole defertur, transire nequit, certè in Abdominis cavitatem, ut contenta ejus depellat, se minimè deprimit. Nè quid non dicas contra meam hypothefin, hìc planè evertisti tuam.

Verùm ut ad summum controversiæ revertar, vocabula

cabula hæc *systole*, & *Diaстole*, neq; ad *diaphragma* per se, nec propriè ad *cor*, cum sint muscoli, pertinent; attamen usu apud omnes Anatomicos obtinente, ad respirationis organa, quæ talia, applicata; Thoracis ampliationem, & constrictionem denotant: cùm autem reciprocos hosce pectoris situs *diaphragma*, non tantùm exactè observat, sed ad eos excitandos, aut cooperatur, aut ad coagendum rapitur; ecquid absurdi implicat eandem quæ totius *pectoris* est, etiam *diaphragmatis systolen* appellare? idq; potiùs quoniam in pectoris motibus violentis, septum à motu proprio æquabili abreptum, aliorum musculorum, aut viscerum spasmis, aut impulsibus, ultra solitas metas huc, illuc contrahitur, aut abripitur: quod sanè in quopiam animali, vivisectionis torturam diutiùs passo, aut aliàs moribundo, cum respiratio languidè aut inordinatè peragitur, oculis discernere licebit: Enimvero ab inspiratione vehementi, ac diutiùs protractâ, quæ subinde in moribundis contingit, *Diaphragma* primò cum fibris abbreviatis stringi, ac ad planum reduci; dein ultra hoc cum iisdem fibris magis usquè ac magis extentis deprimi, ac versùs intestina valde convexum fieri observamus. Cujusmodi septi motum, à pulmone longiùs inspirante, quid ni *diastolen* ejus appellemus? Deinde verò, ut pulmones ab aëre ità distenti, ad expirandum reduci possint, Septum versùs superiora contrahi, & cum fibris contractis primò ad planum, dein ultra illud, cum iisdem relaxatis, in concavum referri videbimus: atq; ad hunc modum *diaphragma* pro inspiratione, (qualis tunc requiritur) intensiore, sæpius distendi, ac deprimi; ac dein pro expiratione sursum contrahi, ac elevari, sensu percipiemus: Unde minùs admirari subest, quod *Arantius* se in equâ & visu & tactu observâsse ait, *diaphragma* in expiratione constringi:

&

& quidem in affectibus Thoracis convulsivis, septum utroq; modo, sc. modò sursum modò deorsum inordinatè convelli, aut corripì observationes pathologicae extra dubium ponunt. Nam ut nihil dicam de Asthmate, tussi, ac risu spasmodicis, nec ut historias à me olim annotatas, aliàsque plures quæ quotidie eveniunt recolam; puellæ cujusdam, dum hæc scriberem, & alterius olim à me, curatæ, quæ latratu quasi canino afficiebantur, casus oppidò raros inferiùs subjiciam.

Quod autem statuis à diaphragmatis, aut pulmonum ascensu neq; dyspnœam, nec cordis oppressionem induci, & rationi, & communi omnium observationi repugnat: Nam in pectoris systole violentâ, & diutius protractâ, æquè ac in tali ejus diastole laborantes de suffocationis metu, etiam de cordis gravamine, & oppressione magnâ, passim queri advertimus: nec mirum, quia præcordia, si quando aer inspirari, non minùs quàm cùm expirari nequit, pariter rigida, ac ferè immobilia facta, sanguinem è corde non facilè exantlant, aut circulandum trajiciunt.

Ubi nunc triumphus iste, quem ità fastuosè in septilogiam nostram egisti? Te sanè ab hóc temperâsse oportuit, donec quæ ad *motum musculorum, septi fabricam, & actionem* spectant, quorum nulla adhuc intellexisse vidêris, rectiùs didicisses. *Clarissimus Stenon* jamdudum questus erat, vix quidquam rectè in libris Anatomicorum, de verâ diaphragmatis figurâ, & usu traditum fuisse. Expectandum erat, quod *Tu celeberrimus Anatomicus* culpam hanc (quam etiam mihi imputas) ipse aut olim, aut nunc demum *exemisses*: quantum verò ab hóc defeceris ex sequentibus patebit.

In omni motu (diciſ) eſſe partem mobilem atq; partem immobilem, quibus termini fibrarum utriq; ſiguntur, atq; partem mobilem ad immobilem trahunt. Vellem expoſueris quomodo hæc *Cordi* musculorum principi, aut

intermediis septi carnibus applicari possint. Porro si musculorum quorumvis aliorum motus per vivisectiones examinaveras, prorsus contrarium vidisses. Enimverò fibræ carneæ, quæ tantum sunt motrices, neq; versùs partem mobilem, neq; etiam immobilem trahunt, verum ab utrâq; recedentes, in sese, sc. ab utrisq; ipsarum finibus, versùs spatia intermedia feruntur. Quod igitur ita Dogmaticè, & tanquam ex Tripode pronuntias, *Nullam fieri Attractionem, nisi ad partem immobilem*, omninò falsum esse, *ἀποφύκει* patet. Quippe motus omnis muscularis, & *principium & terminus ad quem*, in ipsius medio, nempe in fibris carneis, & plerumq; in mediis ipsarum partibus consistit; Hæ namq; spirituum, ab utroq; tendine accitorum incursum inflatæ, & utrinq;, adeò in spatia breviora adactæ, simul intumescunt, & decurtantur; quapropter dum undequaq; trahunt, partem sequi habiliorē, quæ modò hic Tendo est, modò ille, & non rarò alteruter vicissim, cum parte appensâ versùs se ducunt.

Pag. 8.

Cæterum, *si nulla sit attractio nisi ad partem immobilem*, edicas velim, quomodo animal se totum movere, & penitus de solo sublevare possit: quippe motus totius, sequitur motus singularum partium motricium. Quamobrem si hæ tantum una versùs aliam trahi, & non virtute quâdam elasticâ, se totas efferre, & elevare queant; fateor me non intelligere quâ ratione, & quibus præterea Technis, Animal se totum humo attollere, & huc illuc proflire valeat. In mechanicis observamus, machinas elatere destitutas, uti sunt peritrochium, horologia ponderibus actuata, & similia; meris tractionibus nihil admirandū præstare, quin & motore extrinseco semper indigere. Verum Automata, quæ sponte partes suas huc, illuc proferre, & non rarò se tota proripere, & exilire solent, præter contractionum motus, organa quædam elastica aut explosiva, à quibus attra-

attractiones omnes dependent, necessario requirunt. Pariter quoad functionem motivam Animalem, ex eo quòd viventia, interno motûs principio donata, non solum progredi, at se tota efferre, ac ad distans proficere valent, arguere licebit, ad partes motrices actuan- das, nixus expansivos, sive explosiones quasdam exigere, & non meras contractiones sufficere.

Porro quod asseris *utrosq; fibrarum terminos parti* Pag. 8. *immobilem figi, atq; septi fibras non nisi ad partem immo- bilem, sc. ad costas aut infimum thoracis terminum attra- here*, nullatenus verum est: quia fibræ motrices, quæ, sc. contrahi ac abbreviari aptæ, solummodo sunt car- neæ, rarò admodum immediatè, sed sæpissime tendi- num, aut membranarum interventu, parti immobili fi- guntur; quod etiam Ingeniosissimus *Stenon* de *septo* jampridè observavit, *ejus nempe carnes posteriores membranarum & non fibrarum interventu reliquis ad- herere denotans; in quantum tota, radios ejus inter & costas intercepta, peripheriæ portio, si pleuram separave- ris, & peritonæum, omnino libera sit conspicienda, lib. de muscul. pag. 9.* Hoc cuivis septi fabricam intuenti, ejusq; in zootomiis motum observanti primo aspectu apparebit: nempe quòd cùm musculo huic composito, plures insint fibrarum carnearum series, harum duæ in- teriores ex utroq; *œsophagi* transeuntis latere consistæ, nullâ ex parte quâ carneæ sunt, *infimum thoracis termi- num* attingunt; insuper dum in motu sunt, non ad ipsum, velut *partem immobilem* contrahuntur, sed in sese, nem- pe versùs medium, in utroq; fine contractæ, breviores, simulq; tumidiore evadunt, proindèq; ad *musculi are- am*, velut *Tympani velum*, arctiùs stringendam condu- cunt. Ex his planè constat (*Vir Egregie*) Te *musculi motum*, nec non *diaphragmatis conformationem & usum*, in quibus me erudiendum suscipis, nondum didicisse.

Insuper hinc colligitur, quàm invalidè ex eodem

Pag. 9.

falso supposito, circa *membranarum motus* contra me arguis; namq; *viscerum abdominis, intestinorum, & mesenterii motus, tantum contractiones esse, quas ad centrum immobile, nempe ad dorsum, cui affiguntur, fieri contendis*: itaq; supponere vidêris spiritus motores juxta extremitates fibrarum consitos, ipsas, quasi totidem funes, versùs se convellere, adeóq; partem movendam cui appenduntur attrahere; aut si spiritus intra ipsas fibras scatere sinas, illis solummodò *depressionis*, sive ad centrum tendentiæ, & non omnino *expansionis* motum concedes: quod quomodo illorum, quos postea *igniculos spiritales, ac Æthereos* vocas, naturæ congruat, fateor me non intelligere: Verùm enim vero è contra statuendum erit, *spiritus motores*, cùm non sint *organici, nullam tractionem per se efficere*; verùm in membranis, non secus ac in musculis fibrarum nixus motivos, omnino à spirituum illos subeuntium expansione quâdam procedere.

De *membranaceorum motu*, alibi speciatim dicemus: in præsentiarum verò advertimus, istorum fibras, non uti musculares duplicis esse generis, sc. partim *carneas* & partim *tendineas*, sed per totum homogeneas, & texturæ ab utrisq; illis nonnihil diversæ. Porro fibræ membranaceæ non semper rectæ, aut parallelæ incidunt, sed plerunq; aut radiosæ sunt, aut spirales sive tortuosæ; cæterum non unicâ serie, sed duplici, & non rarò triplici disponuntur, quæ multifariam tendentes, se variè intercussant.

Ex hujusmodi fibrarum in membranis apparatu, varii illarum usus, & officia designari possunt. *Primò* enim, multiplici serie disponuntur, quia motus diversi generis, sc. modò sursum, modò deorsum, modò contractionis, modò expansionis, eadem membrana obire debet. *Secundò*, Fibræ istæ per totum sunt homogeneæ, quoniam omnes ubiq; pariter sunt motrices, ut non opus sit, spiritus

spiritus motores recondi, seu asservari in unâ parte, unde profilientes expatiari, seu explodi possint in aliâ; quamobrem & visceris membranacei motus non ita subito ac simul in toto peragi, sed à parte in partem successivè traduci solet. Ultimò visceris cujusq; cavi fibræ ideo sunt spirales sive tortuosæ, ut dum paulatim contrahuntur, intestina cava, velut manicam colatorium intorquendo, constringant, adeóq; ipsorum contenta, à parte in partem lentè promoveant.

Enimverò juxta solennem naturæ ritum, spiritus animales intra prædictas fibras blandè scatentes, lenes aut *contractionum*, aut *vermiculationum* motus ferè constanter obeunt: sin verò iidem spiritus plurimùm incitati, in fibras istas *adgessus*, aut tumultuariè insiliunt, ita ut densius aggesti, statim progredi, & pertransire nequeant, eas valde distendunt, à se mutuò divellunt, proindèq; membranas quibus intexuntur dilatant; quin & ipsas, quasi à vento concluso inflatas, attolli & anteriùs propelli faciunt: hinc ut mesenterii plicæ, à spiritibus elasticis agitatae, extumescant, immo & cum subsultibus exilire, ac intra abdomen arietare videantur: nec minùs ventriculi, ac intestinorum tunicae à spiritibus eo ritu expansis, ac impetum facientibus elatae, in varias distentiones, ac inflationes urgeri solent; ac ita potiùs si juxta utramq; visceris cavi extremitatem, spasmus inceptus simul utriusq; generis fibras, se mutuò intercussantes occupabit: tunc enim propter ipsas adeò utrinq; inflatas, & ab invicem divulsas, necesse erit membranæ cavitatem, secundùm omnes suas partes exterius propulsam extumescere.

Quod autem objicitur, spiritus perturbatos, membranarum sæpe *corrugationes*, & *contractiones* violentas, potiùs quàm *distentiones* inferre, quod equidem molestiæ sensus planè indicat: Dico horum utrumq; inter-

interdum accidere, sed cum manifesto discrimine, cumq; diverso effectu: nimirum in *passionibus dolorificis*, cum spiritus perculsi fugantur, ac subito versus fibrarum principia resilire coguntur; ipsas ideò fibras corrugari, atq; viscera cum doloris sensu contrahi faciunt: è contra autem, in *affectionibus spasmodicis*, ubi spiritus velut æstro perciti, aut explosi, in fibras motrices impetuosè irruunt, ipsasq; adeò immaniter inflant, aut distendunt, viscerum intumefactiones, aut subsultus inducuntur. Propter hujusmodi subitos, & violentos spirituum *insultus*, aut *recessus*, etsi membranæ *tendinibus* careant, adsunt tamen iis, *plexus nervei* hîc, illic passim dispositi, qui satis idonea spirituum promptuaria existunt; è quibus nempe dum spiritus inordinatè in *fibras* motrices profiliunt, *affectus convulsivi*, dumq; *ex his* in *istos* tumultuariè resiliunt, *dolorifici* inferri videntur.

Et quidem viscera membranacea præternaturaliter affecta, non solum contrahi, & corrugari, sed interdum immaniter distendi, ac instar vesicæ inflatæ extumescere, adhuc clariùs per observationes pathologicas, quæ infra subdentur, evincemus.

Quod itaq; spectat ad Argumentum Tuum Herculeum, cujus unico velut ictu Te hypothesein nostrum prorsus dejecisse consideras, quàm facilè ad nihilum decidit? Nam quod assumpseras, *tantum duas motuum differentias in fibris omnibus esse, sc. contractionem & relaxationem*, verum non esse vel ipse fateberis: e. g. Cum ventriculi parietes, sive à vapore intus concluso, & magis magisq; rarefacto, sive ab aliâ causâ plurimùm inflari, ac ità ut totum attollatur epigastrium intumescere advertis, utrùm hîc fibras motrices contrahi, aut relaxari dices? Non prius, quia longiores evadunt; non alterum, quia in maximam tensitatem urgentur: Quin verò planè constat hîc *fibras*

bras plurimum distendi, ab invicem divelli, totumque proinde viscus in majorem capacitatem ampliari, sive expandi. Porro cum *Diaphragma*, nè suo deesse officio videatur, *fibras suas vehementius, ac creberrime* Exercit. pag. 3. *stringere, & se in abdominis cavitatem quâlibet contractione altius deprimere* finxeras: An commentitium hunc septi motum Tuum, ejus *contractionem*, aut *relaxationem* appellabis? Certè hîc patellæ Tuæ operculum nimis angustum finxisti: quippe nec *relaxari* hîc septum dicas, quia motu contrario urgetur, nec etiam contrahi; quia si quâlibet strictione altius ac altius deprimitur, tandem fibræ ejus ultra solitam tensitatem depressæ, & versùs abdomen convexæ, longiores evadent.

Sed forsan inquires, hos fibrarum motus præternaturales, & violentos esse; quinetiam, ita sunt illarum, dum *spasmodicè* afficiuntur: & quidè si fibris violenter distentis, ac in majorem amplitudinem dilatatis, illi-
eo spirituum incolarum major expansio, & velut rarefactio obsequitur; quid ni etiam spiritibus à causâ morbificâ expansis, & velut explosione quâdam rarefactis, etiam fibrarum dilatatio sive extensio succedat? Enimverò motus animales tum naturales tum præternaturales, respectu spirituum agentium, potius quàm fibrarum patientium habito, determinare oportet; atq; illo respectu dicantur omnes esse *spirituum* aut *excursus* sive emanationes, aut *recessus*; à priori corporis motivi tum *contractio* tum *extensio* sæpe procedunt, à posteriori autem ejusdem *relaxatio*.

Hæc uti clarissimè in perfectiorum Animalium *Aviopsicis*, ita non multum obscure etiam in motibus imperfectiorum, sc. *vermium*, aliorumque reptilium cernuntur. Quæ licet se tota simul efferre, & loco movere nequeunt, tamen partes unâ plures, non modò contrahunt, & relaxant, verum & procul emit-
tunt.

tunt atq; longè extendunt: etenim observare est, de *hirudinibus & lumbricis*, quòd dum progrediuntur, anteriora corporis priùs contracta educunt, eadèmq; interdum summè extensa de plano elevant & longissimè exporrigunt. Cujusmodi certè motus non est *relaxatio*, quia cum maximo nixu & tensitate peragitur; nec quidè est *contractio* ad partem immobilem, quin potius ab illâ discessus est, & corporis extenti *elongatio*; quæ reverà propter contractionem postea habendam instituitur, nempe ut capite ad solidum affixo, posteriora corporis versùs ipsum ducantur.

Pag. 13.

Argumentum Tuum à *levamine*, quod ex *sanguinis missione*, *hystericis* nempe, *contingere* asseris; petitur, & ita crebrò inculcatum, nihilo foelicius succedet. Nam ingenuè profiteor, mihi *phlebotomiam* in *hystericis* sæpius experto, successum istum, tam confidenter à Te promissum defuisse. Urgente paroxysmo, haud minùs quàm instante febris crisi, sanguinis missio rarò indicatur: quippe natura cum hoste suo acriter decertans, quo minùs perturbatur, & citiùs, & meliùs se expedire solet. Semel cùm accessio *hysterica* diutiùs perdurâisset, memini me venam incidisse, è cuius orificio satìs largo sanguis effluxit, non tenuis, & flatulentus, sed crassus, & antequam frigeret, in pelvi concrescens; nec tamen paroxysmus illico transiit, aut *serenitas universalis*, quam ità gloriosè spondes, omnino inducta est. Ex hòc remedio, si juvenem aliquod contigerat, aut forsàn aliquando contingeret, quid ni materiam morificam, à *cerebro*, aut ab *origine nervosâ* per *phlebotomiam* evocando, interdum in hòc morbo, prout in *æcoria* & *epilepsiâ* assolet, profuisse dicatur? Extra paroxysmum, multis *hystericis* sanguinem detraxi, at solummodò præcavendi gratiâ, ne faculentus iste, & nimium turgescens materiam spasmodicam *cerebro*, & *nervoso generi* suffundat,

dat, at nihil interim minus metuens, quàm pulmonum ab incurſu ejus ſubito inſarctum. Deniq; quamvis hoc remedium alicubus temperamenti calidioris, non rarò emolumento fuit, ex eo tamen non in omnibus æquè, nec conſtanter ullis juvamen expectare licuit, quin frigidis, hydropicis, & valde cacochymicis ferè ſemper nocuit. Plures ego novi invaletudinarias, quæ cùm affectibus hystericis primò tantùm leviùs, & rariùs obnoxia fuerint, poſt copioſas aut phlebotomias aut hæmorrhagias ſpontaneas, ſtatim iſtius morbi paroxyſmis graviſſimis, & crebrioribus inſeſtari cœperunt.

Quæ fuerat noſtra ſententia de liquore cerebrum & appendicem nervoſam irrigante, aut non ſatis intelligis, aut nimis callidè diſſimulas, eùmq; prorsus alium quàm ego ſtatueram finxiſti: Quippe liquorem iſtum cum ſucco nutritio confundis, quem ego ſemper à nervoſo Pag. 13. diſtinguens, omnino per arterias deferri aſſerueram. Quare quod objicis contra *doctrinam iſtam novam, de ſucco nutritio per nervos diſtribuendo, & cruoris oceanum, quaſi magnificam & opulentam penum, inviſibilium nervorum vectigali, & copiae umbratili, quâ partes nutriuntur & creſcunt, præfers*, prorsus noſtram extra cauſam eſt. Proximo in loco pariter *Ἀεγομαχέϊς*, larvámq; umbratilem ipſe erigis, quam faciliùs dejicias, ubi me dicentem introducis, *impetum & exploſionem non à le-* Pag. 13. *niore illo inviſibili ſucco nutritio ſolùm, ſed præcipuè à partium heterogenearum cum illo commiſtione, & eliſione violentâ dependere.* Quæ verba à me nullibi dicta, à te autem excogitata, nihil miror ſi improbabilia eſſe facile oſtenderis. Objicis motus convulſivos interdum ab irritatione ſolùm, ut in nervi puncturâ, lumbricis, &c. excitari poſſe, ergo non opus eſſe alterius cooperatoris, ſc. copulae heterogeneae: Dico in ejuſmodi caſibus, ubi cauſa evidens fortis motum convulſivum per ſe excitat, alterum cooperatorem nec requiri, nec ſem-

per adesse ; sed cùm sinè illo, spasmi immanes, non rarò statis temporibus, & juxta peculiare symptomatum typos oriuntur, aut à copulâ elasticâ, aut malo quodam Dæmone eos induci fateberis. Olim, hanc objectionem præoccupans, ostendi sub quo discrimine *causa evidens solitaria*, & quo ritu, cum, vel sinè hac, *causa procatartica* affectiones spasmodicas excitare solet. Tu planè hîc nodum priùs solutum nectis, & denuo solvendum opponis.

Pag. 16. Verùm insuper contra succi nervosi existentiam arguens, dicis *spiritus animales tali latice in quo fundentur non indigere, quia nimirum sunt igniculi spirituales, subtiliores multo, magisq; Ætherei, quàm ut liquore aliquo implicari possint* : quinimò sicut lux, Æther, ventus, aut flatus in nullo latice fundantur : Dico hanc ipsam ob causam, quia spiritus animales adeò subtiles sunt, idcirco latice, seu vehiculo, in quo subsistant, potissimum egere. Secus enim quî possibile est eos ità Æthereos, & avolare aptos, intra corpus ubiq; pervium, & poris innumeris apertum manere, quin citò erumpentes, *tenuës evanescerent in auras* ? Spiritus vini summè rectificatus de vase in vas, quin ferè dispereat, transfundi nequit, ex eodem vase cui includitur, nisi firmè obturato, erumpit, & brevi totus evaporat : Quare ut spiritus animales, animæ corporeæ hypostasin constituentes, intra corpus animatum subsistent, & operentur, eos vinculo quodam frui, seu potius vehiculo aquoso dilui oportet.

Ultimò quod instas, Te non videre quomodo *spiritus explosione jam factâ ad animi nutum in instanti revocari possint* : si explosionem spasmodicam hîc intelligis, fateor quidem nec me hoc videre, quoniam spiritus cùm explodi incipiunt, non in instanti, immo non nisi post aliquot horas ac interdum dies, ad animæ nutum revocari solent, quin invitis omnibus, & voluntatis, & naturæ

naturæ dictatis, inordinationes suas continuant, aut subinde repetere coguntur, donec materiâ penitus elisâ, plurimi spiritus absumantur, in quorum loca è promptuariis passim confitis novæ statim copiae eliciuntur : Quòd si de spiritibus pro motu regulari explosis hoc dubium proponis, inferiùs, ubi de functione motivâ animali agemus, solutum habebis.

Jámq; affectuum, qui dicuntur *hysterici*, Pathologiâ *Pag. 8.* spasmodicâ, contra responsiones, objectionésq; Tuas omnes, vindicatâ, ut doctrinæ hujus veritas, quæ satis ad Aliorum, adhuc clariùs ad Tui intelligentiam luceat ; ejus illustrandæ gratiâ, libet hîc, coronidis loco, Historias quasdam, & observationes pathologicas subjungere : Atq; imprimis, ut contra Te appareat, Diaphragma, nonnunquam in paroxysmis convulsivis sursum rapi, & propter violentam pectoris systolen, diutiùs protractam, aut crebriùs iteratam, à libero descensu inhiberi. Illud casus sequentes oppidò rari, planè ostendunt.

Virgo in ætate 15 annorum *εὐχρηστος* & *εὐσαρκος*, convulsionibus admirandis laborans, sub curâ nostrâ, dum hæc scriberem, tenetur. Hæc à mensibus diu suppressis malè habens, primò de crebrâ vertigine, item de inflatione circa ventriculum, & hypochondria, conquesta, ad motum quemvis anhela, & *Νευροσ* evasit, postea in hypochondriis subsultus, & laterum versùs superiora contractiones, cum respiratione difficili, infestantes, perpeffa erat : tandem hujusmodi paroxysmis ingravescentibus, illa expirare sæpiùs, ac longiùs quàm inspirare potuit, coacta, sonitum stridulum, & acutum, latratui canino simillimum edere, & subinde crebrò iterare solebat : hînc ut parentes & amici, eam beneficio læsam suspicarentur : At verò timor iste, intra paucos dies evanuit, quia morbus se latius explicans, speciem planè hystericam induebat : nam

præter hypochondriorum subsultus, & pulmonum quasi latratus, qui ipsam ferè continuò exercebant; bis aut ter in die, in paroxysmos quasi uterinos incidebat, sc. post molis in Abdomine ascensum, suffocatio cum respiratione impeditâ, dein ἀναιδησία, ac ultimò membrorum spasmi oriebantur; Unde concludere licebat symptomata hæc omnia convulsiva fuisse, atq; materiam morbificam ab ἐγκεφάλῳ in nervos delapsam, ab initio tantùm, eos qui Thoracis systoli efficiendæ inserviunt, occupâsse; quare muscoli Abdominis aliq; cooperatores spasmodicè affecti, dum sursum convellerentur, & septum, & pulmones unâ corripere, adeóq; propter subitam & violentam pectoris systolen, ejulatio istæc, quasi latrantis edebatur: postea cum plures alii nervi eâdem labe afficerentur, spasmi graviores, in plerisq; totius corporis partibus, quales sunt qui hysterici perhibentur, successere. Puella hæc remediis Antispasmodicis juxta methodum nostram utens, intra duas septimanas multò meliùs habuit, & jam vix mense elapso, planè convaluit.

Ante biennium, Virgo alia 12 annos nata, latratu simili, sed crebriori, acutioriq; laborans, mihi curanda tradebatur: Hæc plures quotidie paroxysmos habuit, in quibus per horæ semissem & amplius ἐμπνοήν vehementem, & solito crebriorem obire coacta, quâq; vice ejulatum valdè stridulum gannitui similem edebat; interim de gravi dyspnœa, & cordis oppressione maximâ, quasi deliquio jamjam imminente conquesta; paroxysmo dein sensim transeunte, duarum aut trium horarum intervallis mediocriter habere solebat; alio mox, & subinde aliis latratûs paroxysmis ordine succedentibus. Postquam remedia Antispasmodica per unam aut alteram septimanam huic exhibueram, latratus omnino cessabat; attamen paroxysmi convulsivi, & quasi hysterici tum in visceribus, tum in capite & in membris

membris succedentes, ipsam quotidie semel aut bis affligebant : ejusmodi verò medicamentis, addito crebro epispasticorum usu, diutiùs assumptis, intra sesquimensem perfectè convaluit, & etiamnum integrè valet. Profectò in his casibus aut pectoris systolen violentam, cùmq; septo & pulmonibus sursum correptis, & non rarò aliquandiu suspensis, accidere concedes, aut symptomata istæ Dæmonis cujusdam præstigiis ascribere induceris.

Quod autem spectat ad globi in abdomine ascensum, crebròsq; ibidem, aut subsultus, aut inflationes, facile hìc esset historias & instantias medicas, quæ pathemata istæ omnino esse convulsiva, atq; viscera affecta extumescere, ac inflari potius quàm contrahi ostenderent, quamplurimas proferre. Ne Tædio fuerim, tantùm pauciores quasdam selectas hìc breviter annotabo.

Olim pro Fœminâ Illustri quinquagenariâ consulēbar, quæ à frigore suscepto, circa imum dorsi ejusq; viciniam, paralyti spuria, cum musculorum spasmis, quasi intertextis afficiebatur ; nempe illuc loci, stupor & formicationis sensus, quasi in artubus incubatis, continuò infestabant ; cæterùm aut contractiones dolorificæ, aut subsultus aut inflationes subinde oriri, & illinc in coxas & crura excurrere solebant, ità ut juxta partes istas, modò aliquid convelli aut corrugari, modò exilire, modò huc illuc instar vivi animalis prorepere, atq; toto tractu carnes quasi Tetano affectas extendere videretur. Hic morbus, non obstante remedium cujusq; ferè generis usu, indies ingravescibat, demum ut spasmus circa lumbos incepti, haud tantùm in musculos crurales, sed etiam in viscera abdominis translati, crebros in imo ventre subsultus, inflationes, & extumescencias quasi hystericas producerent : quod proculdubio evenit propter eandem causam morbifi-

cam à nervis lumbaribus ad intercostales, cum quibus communicant, & exinde in plexus mesentericos propagatam : Nam sicut materies spasmodica primò circa spinalis medullæ finem, & nervorum cruralium origines defixa, ibidémq; spiritibus accrescens, musculis omnibus, ad quos nervi isti pertingunt, diathesin convulsivam intulerat : ità cùm ejusdem materiæ, se latius explicantis, portio quædam in nervos intercostales irrepererat, propterea item, pares affectiones spasmodicæ Abdominis viscera occupabant. Hinc ut constet ventris inflationes, aliáq; istius regionis symptomata hystericis usitata in nervoso genere consistere, per nervos huc illuc traduci, & propagari, proindéq; omnino convulsiva existere.

Ut verò constet viscera membranacea præternaturaliter affecta non solùm contrahi, & corrugari, sed interdum subsilire, immaniter distendi, quin & instar vesicæ inflatæ extumescere ; non opus erit privatas quasdam Historias citare ; quinimo hinc densa laborantium agmina, qui illud ferè quotidie in seipsis perferunt & experiuntur, in medium proferre licebit. Usitatum est in *hystericis*, & *hypochondriacis*, passiones, vulgò *flatus* dici solitas, excitari, quæ revera nihil minus quàm viscerum distentiones convulsivæ esse possunt. Sæpius adverti à perturbatione in Abdomine, aut hypochondriis inceptâ, ventriculi regionem in tantum subitò extumescere, ut necesse foret vestimenta accingentia statim laxari aut aperiri ; interim licet stomachus quantum extendi potest extensus, magnos subindè ructus, aut rugitus edat, à flatu tamen copiosè emissio nihil levaminis succedit ; donec spirituum expansione irregulari sedatâ aut demùm finitâ, ista visceris inflatio sponte cessat ; dùmq; omnia derepente adeò in flacciditatem concidunt, haud major ructus aut venti eruptio à ventriculo subitò subsidente, quàm ab eodem prius

priùs ad summum inflato, ac quasi rigido erumpebat, emittitur : indicio sanè luculento, stomachi intumescientiam istam non à vento incluso & parietes ejus distendente, sed à fibris subito inflatis, proindèq; ab invicem divulsis, inq; majorem capacitatem adactis, excitatam fuisse.

Sæpius observavi, quibus intestina admodum tenera, & nimis facilè irritabilia fuerunt, ab enemate, licèt tantùm lactis saccharati injecto, primò ventris tormina excitari, mox abdomen intumescere, demùmq; ventriculi inflationem cum rugitu, ac vomitu immani succedere. Cujusmodi symptomata impossibile videtur aut humores fermentiscibiles, aut flatus sese huc illuc proripientes excitare posse : quia nimirum ab intestinorum cavitate inferiori (ubi Clyster operari incipit) ad superiorem rarò admodum transitus patet : Quare affectio spasmodica fibris membranosis impressa, solummodò illarum ubiq; continuarum ductu per tota intestina, sive ab unâ illorum regione ad alteram communicatur. In promptu hìc esset similes intestinorum, ventriculi, ac œsophagi inflationes spasmodicas nonnunquam à pharmaco cathartico, aut emetico excitatas ; etiam in singultu, oscitatione, & quibusdam aliis affectibus ; eas interdum sponte contingentes ostendere. Verùm ad rem ità suâ claritate conspicuam, argumentorum plures hìc faces accendere, penè idem esset ac soli lumen inferre.

Hactenus.

H Actenus *pulmones*, & *sanguinem* ab *affectûs hy-*
sterici labe immeritò ipsis aspersâ vindicavi-
 mus ; jam proximè incumbit, *passionem hypo-*
chondriacam *ventriculo* haud minùs iniquè imputari
 ostendamus ; quod quidem facilioris negotii res erit,
 in quantum ipse nunc in primo *responsionis* tuæ aggres-
 su locum cedere, sive tergiversari vidêris : quippe
morbi hypochondriaci causam immediatam, & sedem
 non uti priùs *stomacho* alligâsti, verùm ipsi vitio ver-
 tis, quòd *sanguini* *acorem*, *calorémq;* *alienum communi-*
cat ; dein quòd *sanguis* è *particulis chyli acidis*, *fla-*
tulentis, *elasticis constitutus*, in *secundâ coctione* non ità
 corrigitur, ut *suas qualitates in ventriculo acquisitas ex-*
ere queat. Profectò hæc eadem causa, morbis ferè
 quibuscvis aliis assignari poterit, quippè vulgo dicitur,
primæ coctionis vitia, *non emendari in secundâ*, sed
sanguini, & *visceribus* modò his, modò illis noxam affi-
 gere : quin & ipse superiùs eandem prorsus rationem
 assignas, quare picâ, & malaciâ affectæ, interdum mor-
 bo hysterico laborent ; dicis enim à *cibis præter natu-*
ram alienis, & *pravis avidè semper petitis*, *succos ejus-*
dem naturæ elasticos, & *fermentescibiles sanguini com-*
municari, à quibus *cùm æstus*, & *motus inordinatus*, &
quasi ebullitio excitentur ; profectò incertum est, utrùm
 hæc causa hysterica, an hypochondriacam passionem
 parturiet. Nam illuc talem sanguinem *pulmonum in-*
farctum minari, atq; hinc à *fermentatione concitatâ cordis*
tremores, *palpitationes*, *deliquia*, & *lipothymie metus*
supervenire statuis.

Interim mirari subest, Te *cordis tremores*, *palpitatio-*
nes, & *lipothymie metus fermentationi sanguinis attri-*
buere ; cùm pathemata istæc solummodo ad *motum*
cordis (qui merè animalis est) impeditum, aut depra-
 vatum pertinentia, omnino ad *cerebrum*, & *nervosum*
genus referri debeant. A

A dolore, & inflatione, quæ versùs latus sinistrum, hy- Pag. 19.
 pochondriacos excruciat, translatâ ad *ventriculum* cul-
 pâ, lienem eximis ; quoniam *etsi lien sinistrum occupet*
latus, stomachi tamen fundus (ut ais) *usq; ad latus sini-*
strum, immo usq; ad lienem, & pæne ad umbilicum pro-
tenditur ; quasi verò id unum ventriculi condemnatio-
 ni sufficeret, quòd in loco suspecto inveniatur, cùm
 interea innocentissimum hoc viscus, nisi reatu vacaret,
 culpam suam celare omnino non potuerit ; neq; enim
 cavitas ejus ad sinistrum latus inflari, nec fibræ illic
 vellicari possint, quin ab utrîsq; per totum continuis,
 utrîq; affectus tum in medio, tum in latere opposito
 sentiretur.

Quòd Bibones, aliósq; ventriculi debilitate, flatu- Pag. 20.
 lentiâ, & vomitione crebrâ laborantes, *ideò quoniam*
sæpius vomunt, à reliquis istius morbi symptomatis ab-
 solvis : miror Te non idcirco, *vomitum quotidianum*
 pro hypochondriacis uti remedium certissimum præ-
 scripsisse: attamen effectum hujus contrarium observa-
 tiones medicæ passim testantur : porrò si materies
 morbifica constanter in ventriculo gigneretur, nulla
 vomitio præcavebit, quin propterea chylus aut crudus,
 aut labe ejus infectus, sanguini transmittatur.

Circa *lienis officium*, quem *ventriculi calori fovendo*,
 natum olim asserebas, minùs jam confidens vidêris ;
 quin mihi tandem concedis *potissimùm* fortè *ipsius mu-* Pag. 20.
nus, *illud non esse*, & *sine fermento activo concoctio-*
nem fieri non posse fateris. Usq; tamen calorem conjun-
 ctum moderatum requiris, quoniam *usum, & necessitatem*
ejus in digestionem, & fermentationem opera chymica de-
monstrant. Verùm enimvero ut daretur Tibi, ven-
 triculi actionem nonnihil à calore juvari ; annon *hepar*,
 quod multo calidius est, & stomachum ferè totum ar-
 ctius complectitur, aut etiam *pancreas* quod & substra-
 tum, huic usui magis accommoda videntur ? nec quis-

quam tamen hæc viscera solummodo in eum finem condita, nempe ut ventriculum calefacerent, pronuntiabit; quanto minus *lienem*, quem & ipse fateris, in multis animalibus, quoad maximam ejus partem, procul à ventriculo amoveri? porrò cum *pisces*, & multa *reptilia* actu frigida, *liene* donentur, in his, certè alium ejus usum, quàm pro calore, quo prorsus destituuntur, exhibendo, denotare oportebit.

Pag. 16.

Quod attinet ad *colorum* differentias, & ipsarum rationes *Hepati*, *Lieni*, & *Pulmonibus* à Te assignatas, licet me non posse ignorare supponis: attamen hac in re, & incitiam meam, & dissensum fateri cogor: nam quod dicis, *humoris biliosi colorem flavum hepatis parenchymati magis floridam conciliare tincturam*, mihi quidem, ut nè quid asperius dicam, paradoxum videtur: quia nempe passim videmus, maximè floridum vultus & cutis rubore nitentis colorē, ab humore bilioso, in ictero suffuso protenus deleri, ejusq; loco turpem flavedinem induci: quoad *pulmones*, cum postea ostendetur sanguinem intra ipsos accendi, & maximè efflagrare, quanto verisimilius erit, colorem quo præditi sunt subalbidum, ab ipsorum elixatione, potiùs quàm *ab aere particulis membranaceis intertexto*, deducere? dein quòd *lienem* ex puro puto sanguine cum omnibus suis partibus coagulato constituis, & propterea nigrescere affirmas, hallucinatio non simplex, sed errorum complicatio videtur: Nam imprimis *lien* haud in omnibus nigrescit, quippe pueri, & impuberes eo sæpius florido, & rubicundo præditi sunt; in adultioribus temperamenti sanguinei, quos, uti in adagio est, *splen videre facit*, colore etiam vivido imbuitur; in melancholicis, senescentibus, atq; invaletudinariis, maximè nigrescit: quo sanguis impurior est, eo majorem lieni atredinem fæculentiis suis impertit: quòd verò in omnibus *lienem* ex puro puto sanguine coagulato constitui asseris, satis mirari non possum,

sum, quoniam & sanguis purus putus, dum calore vitali imbuitur, coagulationi minimè obnoxius est; insuper à sanguinis coagulatione, quam Tu lienì naturalem statuis, natura plurimùm abhorret, utpote à qua sanguinis præpeditur circuitus, & crasis depravatur.

Circa *lienìs officium* differens, non invitè concedis, *Pag. 23.*
fermentationem hìc aliquam sanguinis fieri, quæ ipsum
forsan quorundam quadam inspiret: utinam innuisses cujusmodi *fermentum* hìc stabulari fines, quia quod ego statueram, nullo modo approbas; quare valde prolixâ, & non minùs obscurâ argumentatione, opinionem nostram de lienìs usu refellere laboras, cùm multo compendiosius egisses, hypothèsin tuam meliorem (si modò talem habueris) suggerendo.

Itaq; imprimis me carpis, quòd *fermentum lienare* ex *portione sanguinis fæculentiore*, scilicet ex *materia terrestri*, & *sale fixo* constitueram: in hunc usum Tu *puriores sanguinis partes, magisq; spirituosas*, ut citius in *fermenti naturam degenerent, seligeres*; cujus rationem *Pag. 18.*
à pane, & vino in fermenta alteratis petens, contra vulgarem, & quæ de trivio est, experientiam, *fermentum farinaceum magis acutum*, ex pane puriori, & qui *furfuris minus habet, confici*: etiam *vina quo fertiora, ac subtiliora, magisq; spiritu abundant celerius fermentationem inire*, & cùm *acescunt aciditatem insigniorem acquirere*: Si panificos, & œnopolas consuluisses, illi Te prorsus aliud docuissent: aut si Rationem audire digneris, ipsa Te longè aliter instituat: quippe, ut *massa farinacea* in fermentum, & *vina* in aceta trans-eant, requiritur, ut spiritu depresso, partes salinæ exaltentur; quod certè, ubi sunt majores spirituum copiar, & tardiùs, & minùs succedit. Dum spiritus præpollent, & reliquæ particulae subjugantur, fermentatio cessat; lis oritur cùm inter particulas dissimiles pro dominio certatur; porrò spirituosà vix omnino fermenti

naturam induunt : etenim spiritus ardentes, & vina generosa massæ cuiuspiam, vel liquori fermentandis commissa, nullum orgasmum cient. Attamen *levum*, austerum, atq; vini, aut cervisiæ fæces, aut flores, particulas alias activas, in fermentationis motum citò exuscitent.

At verò ζύμωσις, quam modò lieni concesseras, eidem mox iterum detrahis, nullumq; in eo fermentum reconditum latere asseris, quoniam à *poris lienis* haud
 Pag. 24. *satis strictis nec separari partes sanguinis sæculentiores, nec (si discerni queant) diu contineri posse contendis,*

Pag. 22. *quin perpetuis cruoris fluctibus eluantur.* Miror Te qui suprà *lienem è sanguine coagulato* constitutum scripseras, mutatâ sententiâ tuâ hic statuere, sanguinem ità rapidè per ipsum traduci, ut nihil ibidem in transitu exuere, ac nè tantillum commorari permittas : verum enimvero quisquis *lienis fabricam* perpendet, argumentum tuum non magni esse ponderis facilè advertet : quippe in *liene* vasa sanguifera non sunt per totum clausa, & sibi mutuò continua, verum in lateribus cum sint plurimis foraminibus pertusa, & circa extremitates valdè dehiscentia (prout D. D. Glissonius observavit) sanguinem in ipsius parenchymatis poros ubiq; passim emittunt, ab iisq; excipiunt : quare sanguis lienem trajiciens, non uti in aliis visceribus, & carnibus, simul totus continuato filo, in hos ductus ab illis immediatè transfertur ; sed veluti rivus lacum percurrentes, utrinq; ad latus divertit, ac intra cavitates licèt minores, se insinuans aliquandiu stagnat ; interim pari ferè dimenso, ac una portio sanguinis per arterias intrat, altera propulsa per venas exit ; hinc facile erit concipere, sanguinis partem sæculentiores, extra flumen faciliùs protrudi, ac intra porositates diutiùs hærrere, donec ipsius visceris fermento (quod nempe à cruore stagnante recipit) inspirata, & mobilior facta, cruoris usq; recentis appulsu sensim promota, demum
 in

in alveos venosos illabitur, ac paulò dein citatiùs effer-
tur ; certè hìc minimè timendum erit, nè aut sanguis
fermentandus, aut fermentum ipsum à perpetuis cruo-
ris fluctibus eluantur ; siquidem intra penitiores lienis
recessus, sanguinem à stagnatione vix securum esse
liceat. Hinc constat (Egregie Vir) quàm temerè,
atq; incautè hypothesein tuam extruxisti : cui ut ser-
vias, coactus es inverſis Naturæ legibus, sanguinem
intra Pulmones torpidum, & stagnantem effingere, per
quos ipsa voluit rapido, & pleno torrente decurrere ;
contrà in Liene, ubi cruorem Natura jussit morari pau-
lulùm, & lenè fluere, hìc Tu cursu violento, & flucti-
bus omnia secum rapere, statuisti.

Porro, ex eodem ut opinor supposito, negas *pulsatio-* Pag. 155
nem in sinistro hypochondrio, à sanguinis intra arteriam
cœliacam regurgitatione procedere, porro talem sanguinis
arteriosi regurgitationem, aut impossibilem, aut ma-
lorum, quæ in lienis viciniâ excitantur, insontem pro-
nuncias.

Quoad prius vel ipse fateberis, pulsationem istam,
quia cum corde rythmum observat, arteriæ cujusdam
inſignis esse ; qualem in isto loco præter cœliacam
nullam invenies ; hanc autem propterea tantùm ; ità
vehementer pulsare concedes, quia sanguine supra
modum turgescente impleta distenditur, (quippe vasa
sanguifera utpote partes membranaceas, proprio motu
tantùm contrahi, aut relaxari, & non omnino distendi,
aut ampliari posse superiùs statuisti) quòd igitur sanguis
in privato loco turgescens, arteriam cœliacam disten-
dat, ac immaniter pulsare faciat, unica causa esse po-
test, nempe quòd in obicem quendam alicubi impingit,
ac proinde cursu obstructo, plenius aggeritur, & qua-
dantenus regurgitare cõgitur : ob eandem rationem in
phlegmone cùm sanguis obstruitur, immanis arteriæ
pulsatio circumcirca percipitur : ostenso igitur arte-
riam :

riam coeliacam, quatenus obstruitur, sanguine uberiùs aggesto impleri, & distendi, proindèq; vehementiùs pulsare; nullus dubitabit, quin obstructio ista in *liene* fuerit, ad quem scilicet præcipui, & *maiores* istius vasis ramī feruntur, ac in quo, præ quibuscvis aliis partibus stagnare aptus, sibi transitum præcludere solet: quòd autem curiosiùs requiris, *quo tempore*, ac *utro arteriæ motu*, sanguis regurgitare possit, dico circa *finem diastoles*; nam quoad naturalem sanguinis *posar*, ac projectorum violentam, pariter habet, motus scilicet directus quantum impeditur, tantum in reflexo compensatur. Quare cùm iste, pleno uti soleat alveo, lienem subire nequit, ex parte resiliens arteriam distendit, & quā data, per alios ejusdem vasis distenti ramos, via, in partes vicinas irruit, inq; iis, partim quatenus fibras nerveas violento incurſu divellit, ac irritat, & partim quia fæculentias lieni destinatas illis affigit, affectus spasmodicos, & dolorificos per totam lienis viciniam parit.

Pag. 26. Tacitè Me sugillas quòd lienem à plurimorum morborum abditorum culpis, & immeritò passim imputatis, vindicans, etiam ipse illum multis affectibus hypochondriacis, aut causam, aut fomitem præbere insinuem: quasi nihil inter hæc duo, scilicet lienem, aut mali omnis, aut prorsus nullius authorem esse, intersit; atq; perinde sit ipsum causā indictā, aut palām ostensā reum arguere.

Pag. 27. Porro quod ob sanguinis labem à liene acceptam, atq; ad cerebrum, & nervosum genus translatam, symptomata spasmodica interdum excitari statueram: *urges Tu, propterea morbum ità productum, non esse convulsivum, sed à sanguinis dyscrasia dependere. Quasi nihil discriminis inter morbum ipsum ejusq; causam conjunctam, atq; causam ejus procatarticam, sive remotam fuerit: si quis ab immodico vini, aut aquæ ardentis*

dentis potu, primò in vomitum cum ebrietate, deinde in febrem, ac ultimò in lethargum, aut apoplexiam lethalem inciderit, dicésne hunc à nullo cerebri affectu, sed tantum à crapulâ interiisse?

At verò rem totam, argumento invincibili, & *apo- Pag. 27.*
deictico tandem esse Te confecturum suscipis : nempe ostendendo *sanguinem, in hypochondriacis, aciditatem, à ventriculo potius acquirere, quàm à liene, quia talis aciditas in liene non generatur, verum in stomacho gignitur* : porrò *quicquid acescit, non ob salis fluorem* (utì nostra ferebat sententia) *sed ob salis acidi dominium, produci asseris.* Quâ ratione hæc assumis, aut probas, & quid indè sequitur paululum expendamus.

Primò igitur hìc supponis, *morbum hypochondriacum* cum toto symptomatum ejus apparatu, omnino ab *aciditate* provenire : quod tamen frequenter secus habere, observatio vulgaris, & quotidiana experientia clarissimè evincit : nam præter effectus qui in toto corporis habitu, materiæ aut humoris modò atribilarii, modò acris, falsi, aut amari præpollentiam denotant ; cujusmodi sunt vultus luridus, cutis subflava & quasi icterica, sudor falsus, & incrustari aptus, sapor oris modò falsugineus, modò amaricans, & non rarò vitriolicus, aut aluminosus, urina modò lixivialis, modò aquosa, & insipida ; insuper ructus, & vomitiones humorem non semper acidum, at sæpenumero acrem, aut amaricantem, immo interdum mirè dulcescentem, & quasi saccharatum in ventriculo progigni, aut in eum suffundi testantur : hujusmodi humores, sive materiam in hypochondriacis morbificam, sicut in multis aliis præter stomachum locis, progigni constat, (in quantum scilicet cruoris degeneris, plusquam chyli recrementa, sanguini, & visceribus majorem noxam imprimunt) ità lienem, præcipuum quendam materiæ hypochondriacæ focum, sive mineram esse, rationes à nobis
suprà:

suprà alligatæ ac insuper Authorum cujûsq; seculi suffragia testatissimum reddunt.

Nec minùs à vero aberras, dicendo *aciditatem in ventriculo potissimùm*, aut solummodo progigni; quippe ut nihil dicam de liquore pancreatico, cujus acori nimis fermentiscibili, nuperi Authores plurium morborum causas probabiliter imputârunt : advertere poteras salivam à totâ massâ sanguineâ, in glandulas oris dimissam, valdè acidam esse, in tantum ut pro hydrargyro in minutias dissolvendo, menstruum satî idoneum existat; quinimo & fermentum est pro cibis masticandis, & aliquatenus dissolvendis, fermento stomachali prævium, adeò ut ipse ventriculus à ductibus salivalibus aciditatis suæ prima rudimenta accipiat : porrò sæpe numero observavi, propter materiæ morbificæ, à capite, à membris externis, ipsîsq; interdû visceribus quibusdam metastasin, in oris emunctoria factam, circa palatum, & gulam, immo in toto œsophagi ductu, inq; ipso ventriculo succum acidissimum, cum ingenti catarrho suffusum fuisse; nonnullos hujusmodi casus in pathologiâ nostrâ spasmodicâ olim annotavi, plurésq; alios ejusdem generis hîc adjecisse poteram; adeò ut ventriculus ipse ab aliis partibus humorem acidum mutuari, potiùs quàm talem iis impertire videatur. Tantum abest ut eum credamus vel solam vel præcipuam illius Humoris scaturiginem existere. Quin & ipse in pathologiâ tuâ priori, licèt viscosam pituitæ saburram in ventriculo aggestam acescere statuas; attamen illam, ut gravem, & ponderosam, usq; ibidem relinquis, ac interea chyli partes solùm tenuiores & spirituosas in vasa lactea citò corripis, è quibus sanguinem non acidum, sed tenuiorem, & flatulentum, & nimis spirituosum generari dixeras : nunc autem quasi veteris hypotheseos haud satî memor, sanguinem à ventriculo aciditatem acquirere statuis.

Quod

Quòd verò *aciditatem omnem non à salis fluore, sed* Pag. 28.
à salis acidi dominio provenire statuis, non solum entia,
 sed & entium principia sinè causâ multiplicas: quippe
 non unum elementum salis, cujus salina omnia parti-
 cipant, sed totidem, quot sunt salium genera, scilicet
acidum, nitrosum, salinum, vitriolicum, ammoniacum,
& perplura alia supponere velis; unde in scientiâ physicâ,
 doctrina omnis de corporum naturalium compositione
 ac resolutione prorsus corruet: quo tamen jure non
 otium erit hîc inquirere. Attamen super hac re, quo-
 niam ad artis Chymicæ experimenta provocâsti, Illicet
 per hæc controversia decidatur.

Statueram egomet, aciditatem omnem à principii
 salini fluore, hoc est, à sale sui juris factò, sive supra
 alias particulas elementares evecto, aut ab iis quadam-
 tenus separato procedere: Hujus probationem ab in-
 ductione amplissimâ, scilicet corpora omnia tum natu-
 ralia, tum artificialia complectente, institueram; nam
 de singulis ipforum observatio hæc constans, & perpe-
 tua habetur, in quolibet subjecto quando spiritu, ac
 sulphure depressis, aut evaporatis, particulæ salinæ ve-
 hiculo aquoso potitæ sese reliquorum jugo expedire,
 iisq; præpollere valent, acorem sive aciditatem induci:
 hujusmodi versùs aciditatem mutatio, in liquidis, ac
 corporibus minùs compactis, aut sponte, aut levi
εγχερίσει facilè succedit, prout observare est in vino,
 lacte, mulso, herbarum succis, aut infusis, vegetabi-
 lium, aut carnum decoctis, in cremoribus, & pultaceis
 omnibus, quorum sapes cùm priùs varii, & multi-
 plices fuerint, postea omnes in acorem transeunt:
 porrò subjecta solidiora, quæ sale abundant, uti sunt
 ligna ponderosa, & pleraq; mineralia, quoties per de-
 stillationem ab igne resoluta, particulas salinas copio-
 sas emittunt, idem stigma acidum constanter exhibent,
 ac interim in capite mortuo, levi admodum factò,
 G parum,

parum, aut nihil salis relinquitur : indicio quidem certissimo, & quasi apodictico, idem esse in quibúsque mixtis elementum salinum, quod variâ licet in singulis sub larvâ obscuretur, quamprimum suæ potestatis fit, eandem omnibus communem aciditatis suæ indolem fatetur.

Pag. 28. At verò generali huic observationi refragaris, quia *non intelligis quomodo separatio elementorum ab invicem, saporem illum specificum proprietate naturali inherentem, alterare in diversum poterit.* Parcas (Vir Egregie) ignorantiaæ meæ, si Te in Chymiâ versatissimum, hîc non intelligo ; nec quidem concipere datur, quomodo mixti sapor specificus, qui omnino à plurium elementorum crasi dependet, quando illa ab invicem separantur, conservari possit, nisi forsan accidens sinè subjecto, aut illud idem numero manens, ex uno in aliud migrare posse contendis.

Pag. 28. Verùm instas *particulas salinas ab invicem solutas magis salsas existere* : Sed qualem hîc salis analysin designas ? Illam puto quæ fit solvendo in aquâ fontanâ, & dein evaporando, ubi idem usque mixtum à fæculentiis liberatum perstat. Vera salis resolutio, quæ tantummodò per destillationem ab igne perficitur, ipsum omnino in stigma acidum reducit.

Dicis in *salium omnium extractione ex herbis, terris, &c. saporem salinum conservari, & quo perfectior fuit separatio, eo puriores, acutiores, magisque salsos fieri sales* : Unquàmne igitur deprehendisti eundem saporem, salinum scilicet lixiviale, qui in sale fixo reperitur, in plantâ unde extrahitur præfuisse ? Quin sapor tuus salis, à *specifico misti sapore* multo magis alienus est, quàm noster acidus : porro ipsius elementi salini, in salem fixum resolutio, nec perfecta, nec ultima est ; quia nimirum sal fixus, sive alchali, destillatione violentâ propulsus in acidum transit, & deinde ulterius resolvi nequit.

Verùm


Verum enimverò non unicum salis elementum, sed plura, & diversimoda statuens, censum eorum nobis egregium tradis : *nempe salia alia sunt salsa, uti sal commune, & herbarum salia* (quæ, cum toto genere differunt, nescio quo jure copulasti) *alia sunt acida, ut Vitriola & Tartarum* (miror quo palato sapis, qui vitriolum acidum denuncias) *alia sunt dulcia ut saccharum, alia austera ut alumen, nonnulla etiam insipida, quæ tamen ut salia coagulantur & solvuntur* (quid per salia insipida intelligis divinare non possum) *aliâq; innumera nobis non ignota.* Pag. 29.

Qualem modò, & quanto sale conditam halographiam nobis apposuisti, alii dijudicent : Mihi interim Te interrogare liceat, annon rerum naturalium principia, quo pauciora, & simpliciora assignantur, eo melius naturæ instituta, quæ regulariter, & compendiò semper agit, explicare, & scientiæ physicæ, quæ circa corporum syntheses, & analyses tradendas potissimum occupatur, plus conducere videntur ? cum itaq; de corporibus sale copioso refertis evidentissimè constat, quòd à particulis salinis, aut intra idem subjectum dominio potitis, aut resolutione ultimâ illinc depulsis, & quantum resolvi possunt, resolutis, aciditas perpetuò inducatur ; ecquid probabilius affirmari possit, quàm saporem acidum elemento salino essentialem, ejusq; propriam passionem esse ? nec mea tantùm ita fert opinio, verum & Mounseur de Claves, æquè in philosophiâ, ac chymiâ peritissimus, nuper idem statuit. Sed Tu contra experimenta logicam apponis, *nihil dat quod in se propriè non habet, sal nihil dare potest præter falsedinem* : modò negaveras omnia salia esse salsa, verum alia acida, vitriolica, & quædam alia insipida esse dixeras ; utrùm & hæc falsedinem dare concedes ? quomodo Te Tibi hîc reconciliem, me nescire fateor.

Experimentum de salium destillatione à me annotatum falso supposito fundari asseris, etenim verum est (inquis) quòd liquor iste violento igne à sale propulsus, valdè acidus evadit, sed illud quòd caput mortuum vocas, à quo liquor iste propellitur, saporem suum salsum non amittit, hoc linguae testimonio evincis; immo salsedinem ejus in canterii naturam exaltari, porrò totum ab aere humido rursus salsum evadere, & salem per vasis parietes terreos, in strias oblongas erumpere, non solùm propriâ, sed plurimorum experientiâ didicisti. Super his ut paulò certior fias, digneris modò ab experientiâ meâ aliquid amplius addiscere. Cum à sale quopiam ab igne reverberii destillato, stigma acidum emanavit, & tamen caput mortuum salsum remanet, signum est destillationem nondum satis peractam fuisse, quin plures relinquuntur particulae salinae, quae si igne intensissimo diutiùs urgerentur, omnes propulsae in recipiens acidæ evaderent, capite mortuo insipido prorsus relicto: sal verò à destillatione partiali relictus, acrior existit, ob particulas mitiores quibus demulcebatur, abactas, earumq; in loco igneas subingressas; dein aer humidus accedens, rursus igneas abigit, atq; salis cum terrâ conjugium redintegrans, eundem ac prius salem resuscitat; at verò non totum indè caput mortuum, sed tantum partes quaedam sale, & sulphure residuis imbutæ, prioris concreti formam recuperant: hîc cuiquam advertere licebit, cum post imperfectam vitrioli destillationem colcothar aeri expositum, ex parte in vitriolum redit, quippe non totum sed hîc, illîc calchanthi glomeres quosdam reperies: sin verò, ut semel expertus fui, destillationem vitrioli communis igne violento aliquandiu continuaveris, cum aquâ, & spiritu, oleum rubicundum acidissimum, & causticum extillabit, & caput mortuum elegantissimè purpureum prorsus insipidum, quòdq; non omnino ab aere deliquescit, nec
ab

ab aere humido, aut aquâ affusâ, in vitriolum redit, habebis.

Quod autem (quasi oppidò rarum esset) Te, & alios observâsse innuis, à *destillatione salium strias oblongas vasis terrei parietibus accrescere*, satîs tritum est, & Tyronum quorumcunq; observationi quotidie obvium, nempe stigmati acidî vi ignis propulsi particulae quaedam, retortæ poros subeunt, ac inter penetrandum densius aggestæ, in chrystallos mixto appropriatos coagulari incipiunt, adeóq; dum ab ipso vase particulas quasdam terrestres, & ab aere humidas sibi conciscunt, prioris concreti formam aliquatenus assument, attamen sal ita concrescens, & terrâ minori contentus, & sulphure penè orbatus, purior existit, & in acorem vergit.





D E

SANGUINIS INCALESCENTIA

S I V E

A C C E N S I O N E

Exercitatio Medico-physica.

JAm diu est, quòd circa reliquam *cerebri*, & *ner-
vosi generis* pathologiam, meditationes meas Ty-
pis destinârim: Sed cùm plures istius generis
morbi, *spiritus animales*, & non rarò integram
animæ corporeæ hypostasin, immediatiùs quàm
humores, aut *partes solidas* afficiant: idcirco necessa-
rium duxi, de istius *animæ naturâ*, & *subsistendi modo*,
nec non de *partibus*, & *potentiis* ejus disquisitiones
præmittere; ut ex istis ritè præcognitis, demum *pa-
themata* ejus *præternaturalia* meliùs innotescant. Super
his autem, velut summè arduis, & extricatu difficilli-
mis, cùm *Theorias* probabiles ac (ut opinor) rationales
condere cœpisssem; fatìs vidi, eas utpote insolitas,
& paradoxas, alicubus non arrisisse; quod equidem
haud decet Me ægriùs ferre; quinimo unicuiq; semper
liceat, suo sensu abundare, ac in omnibus, judicium
usq; liberum, ac in nullius placita seductum habere: è
multis verò conjecturaliter (ubi non aliter licuit) à
me propositis, imprimis contra *hæc duo* præcipui in-
stituuntur Elenchi; nempe quòd *sanguinem* pro vitâ
proxi-

prorigandâ *accendi*, atq; *spiritus animales* propter actus motivos *explodi* statueram : quæ vocabula, etsi asperius forsan, aut impetuosius sonare videantur, quam ut *œconomiae Animali* applicari debeant; attamen si rationes, & *argumenta* quæ utriusq; sententiæ veritatem suadent, perpendat quispiam, nullus dubito, quin aut assensum suum præbebit, aut mihi met meum facilè condonabit. Imprimis igitur, quia de *sanguinis incallescantiâ* tam variæ feruntur opiniones, quatenus nimirum, alii hunc effectum *calido innato*, alii *cordis flammulæ*, nonnulli eum, *massæ sanguineæ fermentationi*, aliq; ejus *accensione* attribuunt, idcirco rem penitiùs introspicere, ejusq; causam genuinam, tametsi valde abstrusam, ratiocinio, quo, licet certiori eruere adnitar.

Olim de *Animâ* istâ, quæ *Brutis* perfectioribus, cum *hominis* subordinatâ sive inferiori communis est, differentes, eam revera *corpoream* esse, atq; binis constare partibus ostendimus; harum *unam* in *sanguine* radicatam, *flammeam*, atq; alteram in *Cerebro*, & *nerroso genere* gliscentem, *lucidam* appellavimus. Cùm de priori tantùm, hîc loci sermo instituitur, puto non difficile esse, ejusmodi rationes, ac instantias proferre, quæ verè aut saltem verisimillimè concludent, *primò*, *sanguinem Animatum* esse, dein *secundò*, *Animationem* istam in ipsius *accensione*, aut in affectu huic maximè Analogo consistere.

I. Sanguinis animationem, non solùm placita Philosophorum, sed indubitata Sacræ Scripturæ testimonia planè asserunt : nimirum in lege Mosaicâ sanguinis usus interdicebatur propter hanc rationem, quia *sanguis est vita*, sive *anima*; quod etiam ex observatione Clarissimi Harvei sensui constat, utpote cujus motus oculo discernendus, indicat ipsum primò vivere, & ultimò mori. In ampliorem hujus probationem

nem satis vulgo notum est animalia tantum, quousque sanguis in debitâ copiâ & motu perstat, vivere, hujus autem si aut nimia detrahatur quantitas, aut motus supprimatur, protinus interire.

Quoad secundum verò propositum, nempe *sanguinis efferventis animam*, sive *vitam* ab incendio ejus pendere; satis hoc probabile videbitur, si ostendero, *primò*, Sanguinis liquorem in perfectioribus animatis plurimum incallescere debere. *Secundò*, Incallescenciam istam nullo præter accensionem modo in sanguine produci, aut conservari posse. *Tertiò*, Præcipuas quasdam affectiones, sive *proprias*, *ignis*, *flammæque* *passiones*, *soli*, prætereà *sanguinis incallescencis vitæ* competere. *Quartò*, Denique his clarè ostensis, accidentia & proprietates quædam aliæ minùs insignes, quibus *flamma vulgaris*, ac *vita* communicant, subdentur, tum etiam quatenus, & quo respectu, inter se differunt explicabimus.

Quoad prius, advertimus sanguinem, in cunctis animalibus perpetim *moveri*, insuper in perfectioribus, *æstuarè*, sive actu incallescere: Revera *motus* ejus indiscontinuus requiritur, tum propter ipsius sanguinis crasin conservandam, cujus liquor alioqui stagnationi, & putredini obnoxius foret, tum prætereà, ut in toto corpore circumactus, tributa singulis partibus debita erogare possit. Quippe sanguinis munia, saltem in perfectioribus animalibus, diversimoda & multiplicia existunt; sc. materiam pro spiritibus animalibus cerebro, & nervoso generi instillare, succum nutricium in partes quascunq; solidas dispensare, copulam elasticam partibus motivis suggerere, insuper recrementa quæq; & particulas effætas secernere, ac in emunctoriis idoneis deponere.

Quamquam autem in minùs perfectis animalibus, merus sanguinis motus, aut saltem modica ejus turgescentia,

scientia, qualis in vino, aliisq; liquoribus in fermentatione agitatæ cernitur, naturæ œconomiam sustentare, & exequi valet; quatenus nimirum è cruoris licet frigidi rivo, in singulas totius corporis partes jugiter affluente, & nutrimentum crudius ubiq; suscipitur, atq; spiritus pauciores, crassioresq; velut percolatione secreti, cerebrum & nervosum genus eâ copiam subeunt, qualis pro motu locali, & sensuum pauciorum organis ruditer actuandis sufficiat: attamen sanguis animalium perfectiorum corpora irrigans, quo longè præstantius istiusmodi munia exequatur, non tantum motu perenni, & rapidiori circumagi, sed plurimum turgere, immo actu effervere, seu incallescere debet: eum nempe ob finem, ut compage ipsius valde laxatâ, particulas respectivas varii generis, à se ubiq; deciduas, copiosius emittat, & hinc, illic, juxta naturæ usus & indigentias disponat.

Imprimis verò, siquidem spiritus animales, copiam ingenti è massâ sanguineâ jugi suppeditari, & particulas elasticas ad functionem locomotivam requisitas, exinde in musculos omnes perpetim suffundi opus fuerit, perquam necesse videtur, liquorem è quo supplementa hæc multiplicia, & generosa decedunt, actu incallescere, seu potius deflagrare; nempe ut prædictæ particulæ è liquoris compage, non nisi per calorem, aut incendium, satis reserandâ, liberrimè se foras proripiant: Quod equidem liquet, quoniam è vino, atq; etiam ex ipso liquore sanguineo, aliisq; quibuscunq; spirituosis, humor subtilis & spirituosus, non nisi per destillationem, calore aut igne peragendam, copiosè prolicitur. Quinimò particulæ sulphuræ, quamvis è liquore quovis ad exhalandum minùs aptæ fuerint, attamen per subjecti accensionem promptissimè erumpunt: Ex his propter functionis animalis, atq; etiam vitalis perfectionem, sanguinis incallescendi necessitas apparet; Cæterum

Cæterum ut constet quo ritu hoc fiat, sc. utrùm per *accensionem*, aut *fermentationem*, aut alio quopiam modo; primò in genere inquirendum erit, quot modis, & quibus de causis *liquida quævis incallescere solent*, dein considerare oportet, cuinam ex istis *sanguinis incallescencia* attribui debet.

Super his advertimus, esse *tres* tantum *modos*, sive totidem causarum genera à quibus liquida fervorem concipiunt, sc. *primò*, à *calido admoto*, ut cùm aqua super ignem æstuat, aut ebullit, vel à solis, balnei, aut æstuarii cujuspiam calore, aut calcis vivæ dissolutione effervet, quorum omnium instantiæ satis vulgo notæ sunt. Propter eandem rationem *Aquæ Thermales* æsturare videntur. Nam ut de nostris *Bathonianis* instemus; illæ nimirum, nec sulphure, nec sale fixo imprægnantur, prout eas destillando, evaporando, & liquores præcipitatorios infundendo, planè expertus sum; quinimò cum sulphurea dissolvendo, & multiplici alio respectu, *Aquæ calcis* simillimæ existunt, illas pariter ab eâdem causâ, sc. corpuscula ignea alicubi intra tellurem recondita imbibendo, incallescere putamus. Super his, ni *παρεργον* esset, disquisitionem ampliorẽ, alibi forsan tradendam, hîc inserueram. *Secundò*, cùm *salina corrosiva*, quæ diversæ indolis sunt, aut *invicem*, aut *sulphureis* commissa in se mutuò agunt, cùmq; ingenti particularum luctâ, & agitatione, non rarò calorem, immo aliquando fumum, & incendium excitant; uti cùm *spiritus*, & *butyrum Antimonii*, vel cùm *aqua stygia salibus lixivialibus deliquatis*, vel cum *oleo Terebinthinæ* aliisve destillatis confunduntur, porrò cùm liquores corrosivi corpora metallica exedunt, sæpe incallescunt. *Tertius*, ac solus præterea (ut opinor) quo *liquidum incalescit*, *modus* est, quando humor quispiam sulphure, aut spiritu plurimo imbutus, à flammâ admotâ incendium concipit, adeóq; defla-

grando effervet : Hoc passim cernitur in liquoribus oleosis, aut valde spirituosus accensis, & inflammatis.

Restant alii quidam calefactionis modi, scilicet *fermentatio*, *putrefactio*, & *attritio*, à quibus corpora *crassiora*, aut *solida* non rarò fervorem concipiunt, in *liquidis* verò talem effectum minimè producant: Dum massa farinacea fermentatur, particulæ activæ in motum concitæ, sese quaquaversus explicant, & subjecti molem attollunt; interea quatenus particulæ sulphureæ simul agitatae se mutuòprehendunt & combinari incipiunt, calor quidam, licet remissus, excitatur; pariter à *putrefactione* fimus aut foenum madidum, ardorem concipiunt; in quantum sc. particulæ sulphureæ intus conclusæ, densius agglomerantur, dein simul combinatae, turmatim foras erumpunt: attamen nulli uspiam *liquores*, sive tenues, sive crassi, utut *fermentescentes*, aut *putrescentes* propterea incalescunt: Etenim *vina* dum fermentescendo dolii latera diffringunt, aut cum ingenti strepitu & ebullitione vasis ora exundant, non actu effervescent, immo nè minimùm intepescunt: *Sanguis* corpore educus, ac in vitris idoneis quovis modo ad fermentandum aut putrescendum dispositus, calorem actualem non omnino adipiscitur. Revera sanguinem in viventibus fermentari, & fermentando depurari, quin & alia quædam œconomiae animalis munia obire concedimus: porrò olim ostendimus à fermentatione ejus impeditâ, aut nimis auctâ, vel aliàs depravatâ, diversa morborum genera produci: Attamen sanguinis calorem per fermentationem excitari negamus. Quia nec frigidorum animalium sanguis, nec vina, nec quivis alii liquores utcunq; summâ fermentatione exagitentur, propterea actu incalescunt. Et quidem ratio satis evidens videtur, nimirum quia in subjectis crassioribus particulæ sulphureæ exuscitatae, licet se mutuòprehendunt, & densius agglomeratae calorem cient: Attamen
in

in liquidis ejusmodi particulæ quantumvis concitæ, aut agitæ, ab aquosis semper intervenientibus disjunguntur prorsus, ac à mutuo amplexu aut combinatione prohibentur, adeò ut per se fervorem actualem producere nequeant : Propter eandem rationem corpora dura invicem affricta, aut violenter attrita, non modò calorem, sed & ignem sæpè producunt, cùm tamen liquida, utut plurimùm concussa, & agitata, haudquam intepefiant. Cùm itaq; sunt tres tantùm modi quibus calor actualis in liquoribus quibuscvis progigni possit, inquirendum erit cuinam ex istis incallescencia sanguinis ascribi debeat.

Primò, Quoad primum, ex sententiâ tam veterum, tam recentiorum quorundam, sanguis ob *rei calidæ ad-motionem* incallescere perhibetur, nempe dum illi *calidum innatum*, atq; hi *flammulam in corde* stabulari, & sanguinem pertranseuntem excalfacere statuerunt ; verùm utraq; harum opinionum facilè concidit, ex quo liquet *Cor merum esse musculum*, nec in se fomitem ullum pro flammulâ, aut calido (nescio quo) implantato perennandis idoneum, continere : Nam licèt fatendum sit à continuo hujus visceris motu, (qui tantùm animalis est) sanguinis circulationem dependere, calorem tamen *cor* omnino à *sanguine*, & non *sanguis* à *corde* mutuatur.

Secundò, Quod spectat ad secundum liquidi excalfaciendi modum, quo, sc. à salinis corrosivis invicem, aut etiam oleosis, vel corpori metallico corrodendo commissis, fervor ingens excitatur ; neminem opinor esse qui seriò asseret, à tali causâ sanguinem effervere ; utpote cujus liquor in statu naturali semper homogeneus existit, & quanquam sale copioso, tamen eo volatili tantùm, miti, ac benigno refertur : Cæterùm neq; in *corde*, nec in alio quopiam foco *mineram salinam*, aut aliàs heterogeneam detegere licebit, in quam liquor
sanguis

sanguineus agendo, vel corrodendo fervorem concipiat : nempe istiusmodi aut mineram, aut corpus corrodendum perpetuò renovari oporteret ; quoniam ebullitio, & fervor à salium luctâ excitatus cessat, quamprimùm sales combinantur, aut corpus corroditur : Si quando in corpore nostro humorum particulæ salinæ à rectâ crasi desciscunt, atq; enormes & efferationes evadunt, propterea sanguis, quoad calorem & motum, anomalias quasdam subit, attamen impossibile videtur, ipsum à salium congressu, & colluctatione, aut corrosione originaliter, & perpetim effervere.

Tertiò, Quoad *tertium*, quo liquida effervent, modum ; licèt durus videatur sermo *sanguinem accendi*, attamen cùm nulli præterea possumus, quid vetat huic causæ incalescentiam ejus attribuere ? idq; eo magis, quòd *proprie ignis, flammæq; passionis, soli* præterea *sanguinis vitæ* competant.

Enimvero præcipua, & maximè essentialia, ad flammam perennandam requisita sunt hæc tria. *Primò*, sc. Ut huic quamprimum accenditur, libera & continua aeris accessio concedatur. *Secundò*, ut pabulo sulphureo constanti fruatur. *Tertiò*, ut recrementa ejus tum fuliginosa, tum crassiora perpetim amendantur. Proinde si ostendero hæc eodem ritu *flammæ*, ac *vitæ*, iisdémq; *solis* competere, extra dubium habendum esse arbitror, *vitam ipsam flammæ speciem quandam esse*.

Primò igitur ut flamma accendatur, maneatq; accensa, libero, & indiscontinuo aeris accessu opus est, idq; non solùm ut effluvia vaporosa, flammæ suffocationem minantia, foràs convehantur, & perpetim decedant, attamen longè potiùs, ut *pabulum nitrosum* propter cuiusvis rei incendium necessariò requisitum, ab aere suppeditetur : Enimvero omnis *ignis* sublunaris, ac potissimùm *flamma* omnino conflatur à *particulis sulphureis*,

phureis, è corpore combustibili confertim erumpentibus, atq; *nitrosis*, quæ ubiq; in aere scatent, iis in occursum datis : Quando *sulphuris* particulæ tardè, aut impeditè erumpentes, *nitrosas* pauciores tantùm, propè confitas sibi consciscunt, *ignis* qualis in carbone vivo conspicitur, produci solet : Cùm verò priores impetuosius, aut sponte emanantes, aut afflatu abacti, statim plurimas *nitrosas* in toto ambitu scatentes, apprehendunt, oritur *flamma* : Profectò universa hæc aeris regio *corpusculis nitrosis* abunde refertitur, quæ ubiq; ad *ignem*, vel *flammam* constituendam præstò sunt, iisq; ubivis accensis, fluidorum more occurrunt, licèt non pari semper more, aut mensurâ ; quippe observare est, quibusdam temporibus, præsertim in frigore brumali, quando aer plùs *nitro* abundat, *ignem* aut *flammam* intensius ardere, & calorem *longiùs* diffundere : è contra autem in pluvioso cœlo, etiam cùm solis radii æstivi focum illuminant, adeóq; aeris vicini nitrum dissipant, *ignem* adeò retundi, ut vulgò dicatur, *ipsum à sole extinguì* : Si quando *nitrosæ* aeris particulæ, subjecti cujuscvis, *sulphureis*, inter accendendum erumpentibus præcludantur, & *flamina* & *ignis* citò dispereunt ; quod exinde constat, quoniam hic, aut ista vitro imposita, post aerem exuctum vel exclusum, citissimè expirant : porrò in aere aperto, licèt *ignis* nudus, *ignem* in re cremabili mero contactu propaget, attamen *flamma*, vix sinè *flammâ* admotâ, aut igne valdè intenso accenditur : quia, sc. ad flammam excitandam plurimæ aeris *nitrosæ* particulæ circumcirca confitæ simul accendi debent ; veruntamen si *nitrum* & *sulphur* commune simul trita commisceantur (quoniam *ambo incentiva* convenerunt) vel minima scintillula, tali mixturæ incidens, flammam maximè impetuosam gignit ; quæ insuper pabulum nitrosum haud ulterius desiderans, in quovis loco, nempe subter aquas, in spatio aere vacuo,

æq;

Experim.
Phyſi. mec.
10.

Experim. 13.

æq; liberè ac ſub dio accenditur. Pariter ſi nitro in crucibulo ignito, ac fuſo, res minùs ſulphuræ, utpote ligni ponderoſi fruſta injiciuntur; eadem primo ſtatim contactu flammam concipiunt, eandemq; donec penitus conſumuntur continuant: Quòd autem ignis & flamma ſpatio aere vacuo incluſa, propter *ſubductum nitri pabulum*, potiùs quàm à propriâ fuligine ſuffocati, expirant, Vir Illuſtriſſimus D. Rob. Boile plurimis experimentis clariffimè demonſtravit. Namq; *lucerna accenſa globo vitreo capaci immiſſa, & vaſe obturato, quamprimum aer per antliam exugebatur, flamma expirabat*: Porro, quod pro hypotheſi noſtrâ concludit, obſervavit ille *flammam à primâ factâ exuſione, ſecundum omnes ſuas diſenſiones ſe contraxiſſe; dein poſt aeris exantlati, ſecundum aut tertium hauſtum, flammam, extremâ ſummitate exceptâ, cæruleam admodum apparuiſſe, ac à ſebo magis, magiſq; reſeſſiſſe; donec tandem ſummum ellychnii cacumen attingens, expiraret*: eadem rursus *lucerna accenſa, & recipienti incluſa, expertus eſt vir Doctiſſimus, uſq; quo aere non exhauſto, poſſit lucem ſuam ſuſtinere, & comperit multo diutiùs, quàm priùs perdurâſſe lucidam*. Ex his manifeſtò liquet, flammam incluſam non tam propriâ fuligine ſuffocatam, quàm nitroſo aeris pabulo deſtitutam, expirâſſe: nam in priori experimento, ab aere exhauſto, plus ſpatii, fumo, ac fuligini, nè mox flammam obruerent, concedebatur; & tamen hæc citiùs in recipienti vacuo, quàm in eodem aere pleno interibat; porro flamma *interiens cærulea evaſit*, quatenus ſc. plùs ſulphuris, quàm nitri particeps fuit; inſuper *ſebum relinquens, juxta ellychnii cacumen expirabat*, in quantum, hæc pabulum ſuum maximè neceſſarium, ſc. nitroſas aeris particulas, quo- uſq; poterat inſequuta eſt: Idem experimentum in *carbonibus vivis*, factum pariter ſucceſſit; *nudus ſc. ignis, poſt ſubductum nitri pabulum citò diſperit*: huc etiam facit,

Experim.
78.

facit, quòd lucernæ flamma in cryptis subterraneis, ubi aer nitrosus aut deficit, aut dispellitur, primò contractior, & cærulea evadit, dein paulò postea expirat.

Hoc argumentum ideò fusiùs prosequutus sum, quoniam ad *sanguinis vitam* sustinendam simili prorsus ritu, atq; ad *flammam* continuandam, par utrobiq; sit aeris hauriendi necessitas: calidiora enim animalia, si respiratione prohibentur, citò expirant; quare maxime vulgaris & promptissima eadem interficiendi ratio est, spiritum præcludere, quo penitus obstructo, *vita*, uti flamma, perit: Quòd si objiciatur, suffocatos interire, quia fuligines retentæ massam sanguineam inflant, & intumefaciunt, quæ proinde, mole aucta, & ferè immobilis facta, cordis sinum opplet, ejusq; motum inhibet; dico hoc improbable esse, quoniam si arteriæ ubiq; in artubus, & circa collum ligaturis constringantur, ut sanguis, quoad circuitûs sui ambitum, coarctatus, circa præcordia plurimùm constipetur (plùs certè quàm à merâ fuligine retentâ evenire potest) propterea tamen neq; statim mors, neq; lethalia symptomata insequuntur: hinc ut constet, respiratione prohibitos interire, quia *sanguinis flamma vitalis, nitroso aeris pabulo destituitur*, potiùs quàm quòd eadem à propriâ fuligine detentâ obruitur: Quod etiam *Clarissimus Boilius* experimentis, extra dubium posuit. Namq; observavit ille *calida animalia globo vitreo im-* Exp. 41.
posita, & occlusa, longè citiùs ab aere extracto, quàm ab eodem intus relicto expirare; licèt in priorica sù, plus spatii pro fuligine, nè retenta sanguinem citiùs constipet, suscipiendâ relinquatur. Utcunq; tamen, si calor, & incalescentia sanguinis, à *fermentatione*, aut particularum dissimilium congressu, aut ab ebullitione propter calidum admissum, aut à quavis aliâ causâ, præter accensionem, oriretur: profectò tantum abest, ut effectus iste propter aerem exclusum inhiberi, aut suppressi posset,

ut potius è contra multo indè intensior evaderet. Namq; observatione maximè vulgari constat, liquores maximè fermentiscibiles, quo strictius vasi occluduntur, plùs effervere, & ab aere per foramen apertum admissio, mox ab orgasmo cessare : porrò *experimenta Boiliana* clarissimè ostendunt, *effervescentias è particularum dissimilium ebullitione, aut corrosione excitatas, item aquæ ferventis ebullitionem in spherâ vitreâ, post aerem exuctum supra modum augeri.* Experimentor. Physico-mechanicor. 41, 42, 43. Ingeniosissimus iste prædicti Authoris Tractatus, multa experimenta suppeditat, quibus abunde constat, *intestinos particularum istarum, cujusvis ferè rei, præterquam ignis, & vitæ motus, intra spatium aere vacuum plurimùm intendi ; horum verò actus illico post aerem subductum extinguï ; hinc ut rectâ cum ratione concludere liceat, animalis vitam esse aut ignem, aut aliquid ei valde analogum :* Horum affinitas adhuc clariùs observatur à mineralium fossoribus, qui passim experiuntur, in cryptis subterraneis, ubi vel nitrum deficit, vel à vapore quodam alieno abigitur, si quando animi deliquium imminet, vel planè urget, eodem tempore lucernæ flammam diminui, cæruleam evadere, & demum expirare.

Secundum *flammæ sustinendæ* requisitum, est *constans pabuli sulphurei*, quod continuo depascatur, *supplementum*, quo subtracto, aut propter incongruam mixturam depravato, flamma extinguitur; uti cernitur in Lampade, quæ, oleo denegato, aut si aqua vice ejus suffundatur, expirat : porrò prout sulphureum pabulum istud magis aut minùs, utq; modò uberiùs, modò parciùs suggeritur, flamma magis aut minùs intensa, etiam modò clara, modò fumosa producitur ; interea pabulum incendio continenter absumptum, partim in effluvia vaporosa abit, partimq; in cinerem, qui terræ, salis, & sulphuris aliquot particulis constat: Sed multò
secùs

secus habet, in liquoribus ad fermentandum expositis, quibus si novæ particulæ continuò suggeruntur atq; veteres decedunt, fermentatio inhibetur, aut perturbatur.

Eodem planè, quo *flamma*, ritu, *calidorum animalium sanguis* (& è cunctis naturalibus, præter ignem hic unicus) *pabulum sulphureum*, constans, & copiosum exigit, illudq; brevi atterens, magnâ ex parte in effluvia vaporosa absomit, capite mortuo terræ, salis, foetidique sulphuris relicto; interim è pabulo suo per accensionem attrito, particulas quasdam in alios usus necessarios disponit. *Sanguinis vitam*, sive *flamman* alimento continuo egere, nullus est quin quotidie in seipso experitur: Nam si aliquandiu illud denegatur, sanguinis vigor minuitur, quin & partes solidas atterens, eorum ramenta, aliosq; corporis humores, quibus depascatur, in sinum suum rapit: Si nutrimentum ab assumptis, quotidie suggestum, tenue nimis, & aquosum fuerit, sanguinis fervor instar flammæ jejunæ remitti solet; sin pabulum valde sulphureum, ac spiritu vinoso turgidum, copiosè ingeritur, cruor statim inflammatur, ac non rarò in *febrem*, quasi apertius incendium erumpit: interim ex isto sanguinis pabulo, uti videtur per *accensionem* attrito, effluvia calida cum fuligine, & vapore copiosissima decedunt, quæ juxta Sanctorii computationem cætera quæq; totius corporis excrementa longè superant, &, quod ipsorum indolem planè igneam testatur, non rarò linguam, & fauces torrefaciunt, &, velut caminum, atredine inficiunt; porrò sanguine conflagrante, fæces adustæ instar *capitis mortui*, in *vesicam fellis*, *lienem*, & alia forsan emunctoria amandantur.

Tertiò, Ut flamma accensa aliquandiu permaneat, jugi *eventilatione* opus est, nempe ut effluvia ejus fuliginosa continenter avolent, quæ secus in viciniâ den-

fius aggesta, & detenta ignem suffocant, in quantum sc. corporis accensi poros obstruendo, materiæ sulphureæ inflammandæ eruptionem impediunt: Quamvis hæc conditio cum alterâ potentiori, sc. *pabuli nitrosi* ab aere hauriendi necessitate, sæpius coincidat, ut vix ab ea distingui possit: attamen planè cernimus, à fuligine detentâ, & circa ellychnium accretâ lucem extinguere: quam ob causam lampas, cujus ellychnium *alumine plumoso*, aliâve materiâ incombustibili constat, non (ut promittitur) longo tempore durabit; quia sc. fuligo ellychnio adhærens, olei ad flammam accessum inhibet: propter hanc rationem, ab aere, ventiq; afflatu, fuligines abstergente, flamma non modò redditur clarior, sc. fumo, ac vapore crasso magis libera, sed & pabulo satîs concessa, durabilior evadit.

Pariter ac *flamma*, etiam *sanguinis vita*, *eventilationem* continuam exigit; in quem finem præter majora *tracheæ* spiracula, minora innumera, sc. *pores cutis*, ubiq; per totum corpus hiantes, effluvia à sanguine æstuante decidua, copiosè emittunt; quos si constipari, ac nimis occludi accidit, propterea sanguis, quasi fumo & vapore oblitus, inordinatè effervescebat: porro necesse habet, circuitum suum corripere, ut crebriori vice pulmones pertransiens, illac totam, quâ licet, fuliginem suam dispellat: Cum flagrante cœlo, aer quasi immotus stagnare videtur, circa præcordia plurimùm æstuaræ solemus, in quantum sc. cruor pabulo nitroso parciori relictus, non tam clarè ardescit, sed incendio magis intrinseco, & suffocativo gliscit: porro in quantum aeris particulæ minùs agiles, quando inspirantur, expiranturq;, vaporosa sanguinis effluvia haud ita promptè foràs convehant; hinc est quòd flabello auram ventilamus, ut mobiliior facta, è præcordiis nostris fuliginem uberiùs, celeriusq; educat.

Restant adhuc aliæ quædam *ignis*, & *flammæ* considerationes

derationes inferiores, utpote nontam *essentiam*, quàm *productionem* & *extinctionem* utriusq; respicientes; quæ insuper an, & quatenus, *sanguinis vitæ* conveniant, breviter disquiremus.

Ignis, aut *flamma*, duobus modis produci solet, nimirum, aut ab alio igne, vel flammâ succenditur, vel ab intestino particularum sulphurearum motu progignitur: utriusq; species, & fiendi modos in Tractatu nostro de Fermentatione fusè ostendimus (excepto tantum quod pro ipsis sustinendis, necessarium *pabuli nitrosi* accessum illic omisimus): pariter ac *flammam* etiam *sanguinis incalæscantis vitam* duplici modo produci observamus, nempe aut ab aliâ vitâ sive animâ succenditur, uti in *viviparis*, vel particulæ intrinsecæ ad animationem prædispositæ, à diuturno caloris externi fotu, demum cum sanguine in vitam suscitantur, prout in *oviparis*.

Quod si amplius inquiritur, quando, & quomodo *flamma vitalis* in sanguine primò accenditur? Dico hujus parva quædam initia, ab ipso conceptu, in humore genitali deponi, nempe tunc *animæ corporeæ* rudimentum, à parentum animis delibatum, velut scintillula à flammis istis excussa, in materiâ idoneâ reconditur, quæ deinceps à calore materno exuscitata, parum gliscere, & micare incipit, atq; postea cum sanguine producto, & sensim aucto indies dilatata, corpori, quod actuat, & animat, coextenditur: attamen quamdiu foetus *ovo*, aut *utero* includitur, *ignis vitalis* pabulo aereo pauco admodum, aut vix omnino potitus, nondum in flammam apertam erumpit, verum instar titioniscinere obvoluti, tardè ac minutè solum ardet, & calorem vix ullum dispergit: quapropter embryonis tum formatio, tum accretio, à caloris materni, aut alius analogi fotu plurimum dependet, quo destitutus perit: quamprimum verò foetus, partu tempestivo in
lucem

lucem editus spirare incipit, *ignis vitalis* pabulum nitrosum illicò accipiens, se latè explicat, ac per totam massam sanguineam effervescentiâ excitatâ quandam quasi *flammam* accendit; & quia sanguis tum primò in pulmones irruens, ibidémq; aeris accessu potitus, exardescere incipit, visceris istius caro prius rubicunda, mox in subalbidam, instar carnis elixæ, mutatur, atq; sanguis ipse insignem alterationem subit; nam qui è dextro cordis sinu vasa pneumonica *atropurpureus* influit, indè statim è pulmone redux, *colorem coccineum* & quasi *flammeum* induit, adeóq; rutilans sinistram cordis sinum, & arterias appendices pertransit.

Profectò, quòd in recens natis, *pulmonum color* tam subito mutatur, sanguini illic primò apertiùs accenso, eorúmque carnes velut elixanti aliquatenus deberi arbitror, quanquam insuper mera pulmonum inflatio, in embryone mortuo, similem effectum producat, in quantum sc. pulmonum membranæ, & parenchyma distenta & in majorem capacitatem aucta, sanguinem stagnantem discutiunt, adeóq; in rivulos minores, & vix conspicuos distrahunt.

Quod autem spectat ad *colorem sanguinis*, inter circulandum ab *atropurpureo*, in *coccineum*, & ab hóc in illum, tam variè immutatum: dico hujus *causam* immediatam esse, *aeris nitrosi cum sanguine admixtionem*: quod certè constat, quia mutatio in coccineum ibidem loci incipit, ubi sanguis aeris accessu maximè potitur, sc. dum ex arteriis pneumonicis in venas transfertur: nam in *istis atropurpureus*, in *his* per totum *floridus* apparet; prout Doctissimus D. D. Lowerrus observavit: Porro hanc coloris alterationem, ab aere admixto procedere, adhuc amplius liquet, quoniam iste *color coccineus* in superficie cujuscunq; sanguinis extravasati, propter aeris occursum succedit; & si flos unus eximitur, mox suboritur alter; insuper sanguis

sanguis è venâ extramissus, & virgulâ plurimùm agi-
tatus, per totum coccineus evadit : pariter & *viven-*
tium sanguis primò intra venas pneumonicas, scilicet
mox ab aeris per tracheam influxu rutilat ; & ex-
inde propter easdem aeris succensi particulas, adhuc
retentas, omnes arterias usq; floridus pertransit : in-
terim ab aeris nitro, particulis sulphureis admisto,
cùmq; iis conflagrante, sanguis valde rarefactus, &
revera in flammam expansus, intra totos venæ pneu-
monicæ, & magnæ arteriæ ductus impetuosè turgescit,
halitus copiosos, & effluvia calida, à se dimittens ; ad
fines verò arteriarum delatus, & versùs cor redux, ut
strictiora venarum oscula subeat, particulas aereas
adeò turgidas, & efflagrantes deponit, statimq; seda-
tior factus, & semiextinctus, proindèq; tum vigore,
tum etiã colore mutato, per ductus venosos regreditur,
ut denuò pulmones incurrens, incendium suum redin-
tegret; juxta hunc modum, ut sanguis accensus flammâ
perenni, & æquabili per totum corpus deflagret, ac
in omnibus suis particulis accensionem successivè re-
novet, ab accensionis foco, in partes omnes, & ab his
in istum perpetuâ vice circumferri debet : Propter
hunc finem cordis machinâ, tanquam embolo aut sy-
phone opus fuit, quod sc. duplici sinu instructum, san-
guinem recens accensum, à toto pulmone in se recipiat,
quem adhuc flagrantem, mox in singulas totius cor-
poris partes propellat, simùlq; sanguinem deflagratum,
& semiextinctum, à toto corpore reducem, suscipiat ;
quem succo novo inflammabili imbutum, pulmonibus
reaccendendum tradat.

In hoc munere exequendo, licèt *cor merus sit muscu-*
lus, & motu tantùm animali exercitus, solummodo
sanguinis circulationi inservire videtur ; intereà ta-
men ad moderandam sanguinis accensionem, ejùsq; in-
cendium juxta passionum *ògmâs*, aliâq; corporis animati
opera

opera & usus dirigendum, tantum confert, ut vitalem, sive flammeam animæ partem, in corde & pulmonibus sedem præcipuam, & quasi imperialem habere putemus : In omni affectu, ut *doloris, gaudii, timoris*, & similium, porro in morborum paroxysmis, cor vario modo disponitur, atq; hinc efficit ut sanguis influens æstu diversimodo fluctuet, & accendatur ; de quibus alibi, cùm de passionibus agetur, erit opportunior dicendi locus.

Interim advertimus *sanguinis incendium*, proindèq; *vitalem*, sive *flammeam animæ corporeæ partem*, non eodem modo aut mensurâ semper, aut in omnibus vigere ; attamen juxta varias ipsius sanguinis constitutiones, prout nempe plùs aut minùs *sulphureus, spirituosus, salinus*, aut *aquosus* existit, quinimo juxta diversas tum *pabuli*, quo hæc flamma nutritur, tum *spiraculorum*, quibus eventilatur, ac insuper ipsius *cordis*, quo huc, illuc corripitur, & agitur constitutiones, & conformationes, nec non propter alias accidentium quorundam rationes, *accensio sanguinis* in singulis variat ; nimirum ut flamma ejus modò sit magna, clara, & expansa, modò minuta, contracta, aut nebulosa, modò æquabilis, & ordinata, modò inæqualis, ac sæpe interrupta, quin & multis aliis mutationibus obnoxia evadat ; propterea item ipsamet *anima* variam indolem nacta, diversimodas affectiones, & mores concipit, de quibus postea dicemus : quippe haud minimum est, quod à massæ sanguineæ temperamento, ejusq; accensionis gradu, & modo, totius animæ dispositio pendeat.

Ignem, & vitam pluribus modis pariter interire, sive extinguere ex superioribus satis liquet, nempe de utrovis actum est ; si aut pabuli nitrosi accessus, aut effluviorum decessus inhibentur, vel si alimentum oleosum, sive sulphureum utriq; requisitum absumitur, nimis subdu-

subducitur, aut ab indole inflammabili pervertitur ; de singulis ità clarè liquet, ut explicatione ulteriori non opus fuerit.

Ostenso hætenus *sanguinis vitam*, sive animæ partem in eo gliscentem, *flammæ* speciem quandam esse, jam porrò videamus, quo ritu ad efflagrandum disponitur, & quatenus ad *lucernæ*, sive *lampadis* ardentis similitudinem accedit.

Lampas vulgaris, sive ad *calfaciendum*, sive ad *illuminandum* destinatur, ut plurimùm eodem modo conformari solet ; nempe oleum ellychnio perpetim affluens, pabulum flammæ continuum suppeditat, quare cùm sit unicus sive *lucis*, sive *caloris focus*, utriusq; actio loco tantùm uni limitatur, proindèq; quoties plura simul loca, aut diversas ejusdem spatii aut corporis partes, aut illuminare, aut calfacere opus fuerit, plures lucernas simul accensas hìc illic disponimus : Verùm enim verò si instrumentum summo artificio elaboratum (cujusmodi quidem est corpus animatum) unico liquore intus contento, per totum excalfacere, & semper calidum servare incumberet, liquorem istum, haud in ellychnio tantùm, sed in totâ superficie leviter accensum, per Tubos idoneos ad universas machinæ partes derivari oporteret ; dein siquidem liquor ardens secundùm omnes suas partes, aeris nitrosi accessu frui, effluvia, aliâq; recrementa deponere, quin & constantis impendii supplementa resumere debet ; cuiusmodi munia non passim ubivis, sed tantùm in stasis quibusdam locis obiri possint ; idcirco liquor efflagrans, perpetuâ vice per totum circumferri debet, ut singulæ ejus portiones, singulis istis privilegiis successivè fruerentur, simùlq; machinæ continentis totam capacitatem, sc. tum interiores, tum exteriores recessus calfacerent : profectò hujusmodi Thermautometon artificiosè fabrefactum, circuitus sanguinei, & quæ in ipso

K

ardet,

ardet, *biolychnii mechanicen* planè divinam, satìs aptè repræsentaret.

Quod autem objicitur, *sanguinem* ex suâ naturâ minùs inflammabilem videri, porrò cùm nulla hujus efferventis flamma oculis conspicitur, meritò dubitari, antalis reverà subeat, necne : Dico imprimis *cruoris Analysin Chymicam* plures sulphuris, ac spiritûs particulas, quinimo olei inflammabilis uberem satìs penum exhibere, cui tamen alia crassiora elementa, utpote nimix accensionis fræna, in justâ proportionè commiscentur ; nempe ut liquor iste minutim, & per partes tantùm pauciores, pro *vite lampade* benignâ & mitiori constituendâ, deflagraret ; quare sanguis è venâ eductus, & igni candenti affusus, aliquatenus ardescit, licèt non uti spiritus vini, aut terebinthinæ oleum, totus in flammam agitur ; porrò haud tota *sanguinis massa*, uti *lampadis oleum* cremari debet ; quinimo incendium ejus in eum finem instituitur, ut dum particulis omnibus mixtione liberatis, quædam sulphuræ, & spirituosæ efflagrando absumuntur, plures aliæ subtiles, pleno agmine manumissæ in necessarios regiminis animalis usus erogentur, simûlq; aliæ crassiores, & nutritiæ, velut coctæ aut assatæ in partes omnes alendas dispensentur, insupèr effoctæ omnes, & recrementitiæ per idonea emunctoria amendantur, aliis in eorum loca per nutritum constanter substitutis.

Interim verò, quòd *flamma vitalis*, quam tot muniis destinatam, in sanguine accendi supponimus, (secus ac *flamma vulgaris* quæ maximè conspicua est) non omnino appareat, ratio saltem probabilis assignari potest, quòd eadem tenuissima cùm fuerit, ac in corde, & vasis appensis, quasi in receptaculis ferè clausis ardeat, non clarè efflagret, sed forsan sub fumi, seu vaporis, aut halitûs specie permaneat ; quinimo etsi sanguis apertè efflammaret, tamen fieri posset, fulgorem ejus, utpote
tenu-


tenuissimum, à visu nostro haud percipi; prout sub clarâ diei luce, nec *ferrum ignitum candens*, nec *cicendulas* micantes, nec *ignes fatuos*, nec *ligna putrida*, nec multa alia noctu lucentia, conspiciere possumus; cur non *ignis vitalis*, vel istis tenuior, visum nostrum omnino fugiat? Quamvis interdum calida animantia ignem, sive flammulam quandam noctu solummodò conspicuam emittere solent: Quippe novimus in quibusdam sanguine calido & vaporoso præditis, cùm vesperi cubitum ituris vestes interiores prope ignem, aut lucernam exuerentur, flammam pertenuem & candentem emicasse, quæ totam inferiorem corporis regionem occupaverit. Cujus affectus ratio prorsus eadem videtur, ac cùm tedæ recens extinctæ, fumus evaporans, à levi quovis succendiculo in flammam reducitur, & manifestò arguit flammam aliam hujus extrinsicæ radicem, intùs in corpore latere: Propter hanc itidem causam est, quòd ex equorum jubis, felium, aliorumq; calidorum animalium pellibus succussis, scintillulæ, quasi ignis exiliunt, & non rarò flammæ in tenebris solùm conspicuæ accrescunt. Insuper hìc advertimus in febre causo, item ab immodico vini, aut aquarum ardentium potu, sanguinem, quasi flammâ ejus plurimùm adauctâ, supra modum effervere, halitus siccos & effluvia caloris acerrima, qualia reverà neutiquam è liquore ebulliente, aut fermentante, sed tantùm ab accenso procedere solent, emittere: quid quòd nonnulli febricitantes ignes ardentes flammâsq; omninò oculis obversari imaginantur? quod quidem arguere videtur, sanguinis flammam valde intensam, etiam in Cerebri claustra penetrare. Novi quendam calidioris cerebri ingeniosum, qui assererat se à pleniori vini potu, etiam sub atrâ nocte literas clarè perlegere potuisse; hinc etiam colligitur, *sanguinis* pariter ac *liquoris* ardentis accensionem, iisdem prorsus modis intendi ac augeri, sc.

partium agitatione, & à pabulo sulphureo uberius affuso.

Cæterum quòd in calido viventium sanguine, *ignis* seu *flammæ* proprietates, affectiones, aliâq; multa accidentia, absq; *formâ* aut *specie* ejus manifestâ reperiuntur; quid si dicamus in causâ esse, quòd *sanguinis flammæ vitalis*, *formæ* alteri, sc. *animæ corporeæ* subjugatur, sive subordinatur? Quare licet flammæ vulgaris qualitates præcipuas, & affectiones retinet, attamen flammæ, aut ignis speciem amittit: Nam in omni mixto naturali, forma superior in particulas quascunq; inclusas, utut ex se efferas, & indomitas jus, & principatum exercet, easq; specie propriâ exuens, in actiones isti concreto peculiare ordinat & disponit: Quando *ignis forma* præpollet, iste cum fulgore ardens, ut fines suos latè propaget, objecta quævis inflammabilia destruit, & consumit: Sin verò igni intra sanguinem accenso, *animæ corporeæ forma* superinducitur, hinc sinè fulgore, aut subjecti destructione efflagrat, ejusq; flammæ invisibilis, & quasi subjugata, pro vitâ & muniis ejus sustinendis, ordinatur: enimverò corporum naturalium formæ providentiâ divinâ, ab ipsa mundi creatione prædestinari videntur, nempe ut totidem quasi Typi extiterint, juxta quos unaquæq; portio materiæ concretionem subeuntis, sive animata, sive inanimata, modificari possit: ità nimirum ut massæ, juxta seminum latentium virtutes, hòc aut illo modo dispositæ, forma lapidis, plantæ, aut bruti, aut alterius cujusquam speciei accedat; dein formam ipsam, actus, & affectiones tali speciei appropriatæ, consequantur. Cùm itaq; vita, sive anima perfectiorum animalium, in ejusmodi functiones destinatur, quibus peragendis, sanguinem, ritu liquorum ardentium, perpetuò incallescere, & velut accendi oportebat; quid vetat, quin vitæ sive animæ istius corporeæ actus (particularum subtilissimarum, & maximè

maximè agiliū motu, & agglomeratione constans) *massæ sanguineæ incendium* quoddam, sive *ignis* perennis dicatur ? Cui licet ignis vulgaris accidentia, & qualitates præcipuæ insunt, tamen forma ignis obscuratur, utpote formæ nobiliori, sc. animæ corporeæ, subjugata : non multum absimili ritu, veluti cum *aqua in glaciem*, aut *nivem* congelata, aquæ speciem ad tempus deponit, atq; ad usus longè alios, & à fluiditate diversos, applicari potest.

At verò licet *Animam corpoream*, *sanguini* inhærere, haud tamen huic adæquatam, & limitatam esse statuimus : quippe dum crassior ejus portio, tanquam Arboris ejuspiam radices telluri affixæ, *massæ sanguineæ* inseruntur, pars ejusdem animæ nobilior, veluti rami altiores, in *cerebro* ac *systemate nervoso* expanduntur ; seu, quod prius innuimus, cum pars animæ vitalis, sive flamma in *sanguine*, ejus portio *animalis* sive *lucida* in *ἐγκεφάλῳ*, ejusq; appendice continetur ; quo utriusq; sphaera justo limite definiatur, nec flamma vitalis regionem animalempetuosè perrumpat, ei frigidior, simulq; translucida *cerebri* substantia, tanquam obex glacialis, aut vitreus opponitur ; cujus interiorē compagem sanguinis non nisi exiles & minutissimi quidam rivuli, caloris fovendi gratiâ, subeunt : at verò è latice ejus juxta cerebrī oram ubivis aggesto, ibidemq; quasi ad extillandum deposito, particulae spirituosæ copiosissimæ dimanant, quæ quidem *ἐγκεφάλῳ* ubertim immersæ, magisq; exaltatæ, materiam suggerunt, è quâ procreantur spiritus Animales per nervos in varias corporis regiones derivandi.





D E

M O T U M U S C U L A R I

Exercitatio Medico-physica.

Cum duæ primariæ sint animæ corporeæ facultates, nempe *sensitiva* & *motiva*; utriusq; generis, potentias quasdam *exteriores*, quæ potissimum in nervoso genere, atq; alias *interiores*, quarum exercitia intus in *Cerebro* peraguntur, quales nempe sunt *imaginatio*, *memoria*, *appetitus*, &c. assignavimus. De *sensibus* tum *internis*, tum *externis*, quæ olim publicè disseruimus, aliquando forsan in lucem edenda, publici juris fient: interea temporis, quoniam de *motu* tum *naturali*, tum *convulsivo* in melites inferuntur, in præsentî opportunum erit, quæ de *potentiâ motivâ* meditatûs fueram, quâmq; hypothesein de re tam arduâ, summèq; intricatâ conceperam, hîc in medium proferre.

Facultas motiva, aliûsmodi *animæ corporeæ* gestu ac *sensitiva*, sc. cum diverso spirituum animalium aspectu, & tendentiâ exerceri solet. Quippe omnis *sensus* est *passio* quædam, in quâ Anima, aut quædam portio ejus exterius perculsa, nutare, atq; spirituum undulatione introrsum factâ, versûs ἐνέφαλον respicere cogitur; è contrâ autem *motus* omnis quædam *actio* est, in quâ anima se totam, aut sui partem exerere, atq; spirituum πῶς, seu fluctuatione extrorsum factâ systasin educere, & quoddam quasi membrum suum extendere videtur:

Porro

Porro dum anima se, aut quandam sui partem, ita exeret, ut designata tunc opera exequatur, spirituum animalium aggeries, ubiq; in partibus motivis dispositas, nunc unam, interdum plures exuscitatur, qui proinde cum impetu quodam expansi, ac velut explosi, corpora continentia inflant, adeoque eadem quoad crassitiam aucta, & quoad longitudinem decurtata, membra appensa attrahere, & motu locali ciere faciunt.

I. In omni motu hæc tria considerari debent; scilicet *primò actionis origo*, sive prima motus obeundi designatio; quæ semper fit in *cerebro*, aut *cerebello*; *Secundò*, ejus *instinctus*, sive incepti ad partes motivas transmissio, quæ spirituum intra *nervos* scatentium comitatu perficitur; ac *Tertiò*, ipse *impetus motivus*, seu spirituum partibus motricibus insitorum, in vim sive contractivam, sive elasticam exertio: Ex hoc triplici fonte, nimirum prout in singulis istorum, res vario modo geruntur; plures motuum species, ac differentiae deducuntur.

I. Quoad *motus originem*, seu principium, annotamus, quod iste qui à *cerebro*, appetitu conscio, ac auspice, procedit, *spontaneus* appellatur; qui autem à *cerebello*, ubi *lex naturæ* præsidet, excitari solet, cujusmodi sunt, *pulsus*, *respiratio*, cum multis aliis, merè *naturalis*, seu *involuntarius* vocatur: uterque horum vel est *directus*, qui ab hoc, aut illo principio, per se, & primario cietur, uti nimirum, quoties appetitus ex propriâ quadâ, & ut ita dicam, *intestinâ deliberatione* hoc, aut illud, expetit, ac motus respectivos elicit; pariter item quando juxta solennem *naturæ ritum* functionis naturalis, ac vitalis munia ordinaria perficiuntur; vel motus utriusque generis est reflexus, qui scilicet à sensatione præviâ, tanquam causâ evidenti, aut occasione immediatiùs dependens, illico retorquetur; ita blanda cutis titillatio, ejus fricationem ciet, & præcordiorum æstus, pulsum, & respirationem intensiores accersit. 2. Quoad

2. Quoad *instinctûs vehiculum*, quod omnino per nervos fieri supponimus, quatenus illud per nervum singularem aut simul per plures perficitur, dicitur *motus* aut *simplex*, aut *complicatus*; dein quatenus nervi alii, aliis plûs, aut minûs, priûs, aut posteriûs ciendo motui operam conferunt; dicitur hoc, aut illud membrum *primûm*, aut *per se*, atq; aliud *per consensum*, moveri: quinimò & consensus iste cum partibus vicinis, aut remotis, idq; cum diversimodo respectu peragi solet: Sed varias hujusmodi *motuum sympatheticorum* instantias, nec non singularium causas, & fiendi modos alibi fusè ostendimus.

3. Subest altera, eaq; insignis motuum distinctio, à *variâ partium motricium constitutione* desumpta: nimirum partes fibræ nerveis præditæ, ac in quibus spiritus motivi scatent; aut sunt *musculi*, qui *motus locales* exequuntur; aut *corpora membranacea*, quorum motus in seipsis terminantur, quos ideo *intestinos* dicamus: Quod spectat ad *motum localem*, de quo solummodò in præsentia agimus, licet apud omnes in confesso sit, actioni huic *cerebrum*, aut *cerebellum*, atq; *nervos*, simulq; *musculos*, unum, aut plures, junctis quasi viribus contribuere; quanquam etiam satis intelligatur, motûs ob-eundi incoptionem in *cerebro*, aut *cerebello* designari, ejûsq; *instinctum* omnino per *nervos* convehi; attamen qua ratione *musculi* longè supra virtutem quamvis mechanicam, illud opus peragunt, explicatu difficillimum videtur.

Motum localem tractione perfici, ac à *musculi contractione* pendere, non tantum vulgaris opinio est, sed etiam *avroliæ* patet; attamen de *contractionis modo*, & *causâ efficiente*, plurimum ambigitur, & inter Authores variè controvertitur; nonnulli satis dixisse arbitrantur, ipsam *animam* præsentia suâ, musculum actuare, & fibras ejus tanquam retia protensa, huc, illuc contra-

here, aut deducere : Verùm enimvero hoc esset *animæ sensitivæ* virtutem supernaturalem , & quasi divinam attribuere : Nempe quòd eadem mero afflatu suo, corpora gravia ac mole prægrandia , quo libitum erit, deflectere, aut cogere posset : Porro quem ob finem *organa motiva* tam miro artificio , & multiplici discrimine fabricantur , nisi ut machinarum ritu , concinnâ partium structurâ, & apparatu quasi mechanico, operationes suas perficiant ? Profectò, non difficile erit *musculi*, immo totius *functionis* exercitia, ad mechanicæ leges revocare, & juxta regulas, & canones ejus explicare ; quod priusquam aggredior, non abs re fore arbitror, de ipsius *musculi fabricâ, conformatione, ac usu*, in genere quædam præmittere. Veteres Anatomici, uno ferè omnes consensu, *musculi corpus* in *caput, ventrem, & caudam* diviserunt ; accipientes pro *capite*, musculi extremitatem parti ad quam fit contractio connexam ; pro *caudâ*, musculi finem seu portionem, parti movendæ insertam ; pro *ventre* deniq; partem musculi intermediam, quæ carnum mole tumidior conspicitur ; dein pro motu obeundo, supponebant musculum, circa caput, & ventrem intumescere ; & proinde quoad longitudinem decurtatum, partem appensam sibi propiùs attrahere : attamen quo ritu, & quam ob causam, musculi venter intumescit, nullus adhuc clarè explicavit.

Porro licèt *myologia*, ab *Anatomicis* cujusq; ævi exercitatissimis, in tantum excoleretur ; ut musculis omnibus totius corporis (uti creditum fuit) exactè recensitis, & officia assignarentur, & nomina iisdem exprimendis planè monstrosa adaptarentur ; attamen vera musculi fabrica ab aliis nondum perspecta, nuper ab ingeniosissimo D. D. *Stenone* primò tradi cœpit : hic in *omni musculo*, *duos tendines oppositos*, in quos fibræ utrinq; abeunt, comperiit, quin easdem omnino fibras, quæ

quæ arctè invicem connexæ *tendinem* componunt, laxius junctas *carnem* constituere edocuit; ita tamen, ut aliæ aliis superimpositæ, *musculi crassitiem*, sive *profunditatem*, aliæq; alias juxta positæ, ejus *latitudinem* componant: priores fibras *ordines*, alteras autem *versus* appellat; dein musculi partibus, & compositione ad hunc modum detectis, *figuram* ejus ad *matheseos* regulas aptè reducit; & juxta canonas indè desumptas actionem explicandam innuit: Quippe animadvertens ille, in musculo simplici rectilineo, *fibras carnosas* omnes, inter se *parallelas*, & plerumq; æquales, ab uno tendine obliquè in alterum deferri; ipsosq; tendines in oppositis carniū finibus, aut angulis conseri; perquam ingeniosè describit musculus esse *fibrarum motricium collectionem*, ita *conformatam*, ut *mediæ carnes parallelo-pipedum obliquangulum* constituent, *tendines* verò *oppositi*, *duo prismata tetragona* componant: Hujus figuram in plano delineatam, accommodè repræsentat instrumentum, quo pictores, in describendis simul pluribus ejusdem rei exemplaribus, utuntur: Quippe styli angulis oppositis affixi, *tendinum* insertiones; ipsūmq; *parallelogrammum*, musculi partem carneam, expriment: Quando enim angulis oppositis, ab invicem ad maximam distantiam diductis, & acutioribus factis, duo latera propius accedunt, areamq; longiorem, sed angustiore reddunt, *musculus non contractus* denotatur: Sin verò iisdem angulis, propius adductis, & obtusioribus factis, duo latera longius abscedant, *pro-*ndèq; musculi aream breviorē, sed & latiorē efficiunt, *musculus contractus* repræsentari videtur; interim in utroq; prædicti *parallelogrammi* situ, laterum quantitas, sive longitudo non mutatur; sed tantum eorum positio, & *angulorum amplitudines* variantur: Utrū ita in musculo etiam habeat, inferius patebit. Interim ex ejusdem Doctissimi *Stenonis* observatione

annotamus, *musculum* esse vel *simplicem*, qui *unico ventre*, & *binis tendinibus* constat, cujusmodi plures in brachio, & crure, qui sunt digitorum motores, quin & ferè ubiq; passim in aliis partibus corporis prostant; vel *compositum*, qui plures habet ventres, quorum singulis duo tendines oppositi appenduntur; ità tamen ut cùm ipsi tendines compositi, sc. duo simul conjuncti fuerint, unus *tendo compositus medias carnes ingrediatur*, ac *alter medias utrinq; amplectatur carnes*: Hoc in musculo *Massetere*, *Deltoide*, & quibusvis aliis evidentissimè cernitur, in quibus omnibus, pariter ac in musculo simplici, dum fibræ carneæ (ad quas solas potentia motiva spectat) contrahuntur, anguli oppositi, juxta tendinum insertiones, ampliantur, proindèq; ventres breviores, simulq; crassiores facti, intumescunt.

In *musculo simplici*, juxta quod tendo unicus, vel simul uterq; vel alteruter vicissim attrahi debent, porrò juxta quod pars attrahenda tenuis, aut lata, etiam propè, vel procul confita fuerit, & propter alios quosdam respectus, *venter carneus* diversimode conformatur; eumq; figura ejus maximè regularis sit *Rhomboides*, illa tamen prætereà, modò *triangularis*, modò *trapezialis*, *pyramidalis*, *spiralis*, *semilunaris*, aut aliùs speciei irregularis existit: Verùm in ejusmodi musculis quibuscunq; fibræ carneæ juxtà positæ omnes, dum simul contrahuntur, intumescunt, & ab utroq; fine, versùs medium corrugantur, licèt in musculis omnibus, non pari semper modo, & dimensione; nam si uterq; *tendo* simul attrahendus sit, contractio ab utròq; *fine carneo* plerunq; æqualis est; sin eodem tempore, unicus attrahitur, ab altero immobili, contractio fit minor, ac interdum, sc. ubi caro sinè tendine notabili, ossi immediatè cohæret, ferè nulla.

Musculi compositi varietate longè majori distinguuntur; nam præter diversimodas illorum figuras, quas
singul-

singulas enumerare operis immensi esset ; insuper juxta quod magis, aut minus compositi sunt, atq; *ventres* plures, aut pauciores serie multiplici, cum *fibris* modò ejusdem, modò diversi ordinis, huc, illuc protensos habent, plurimùm discriminantur.

Musculus tenuior, ac *minus compositus*, cùm *ventres* forsan duos aut tres, in eodem plano dispositos, fortitur ; fibrarum carnearum series, plerunq; diversè spectantes, *tendines* quosdam *exteriores* musculi finem unum amplexantes, aliòsq; *intermedios*, circa finem alterum immersos habet ; adeò ut singulæ cujusq; ventris fibræ carneæ, *tendinem* unum *extremum*, aliùmq; *intermedium* parallelæ interjaceant : *musculus* crassior, & *magis compositus*, ut motus pernices, simùlq; arduos, ac diuturnos perficiat, *ventres* plures, in *planis* diversis confitos, atq; fibrarum carnearum, (quæ omnes brevissimæ sunt,) series multifariam spectantes obtinet : Horum compages, etsi valdè intricata fuerit, ut *ventres* omnes vix enumerare, multo minus eorum ad se invicem habitudines, mutuas dependentias, & connixuum rationes observare liceat ; attamen ad hanc normam plerisq; communem, quodammodo reduci possunt ; nimirum in magnis *musculis compositis*, quales sunt torosi illi, qui mediis brachiis, & cruribus, robur ingens, & vires elasticas contribuunt, advertere licebit, in uno fine, *duos vastos tendines* exteriores, totam ferè musculi superficiem obtegentes, qui statim in plures fissuras divisi, intra latum unguem ad musculi extremitatem alteram protenduntur ; dein ex opposito, circa hunc finem alterum, *tendo ingens medias ingreditur carnes*, qui etiam mox in plures laminas, per totum musculi ventrem interiorem distributas, finditur : Cùmq; hæ laminæ interiores exterioribus occurrentes, & ferè ad finem oppositum protensæ, multifariam spectant, atq; superficies quaquaversus obversan-

tes habent, aliæ ubiq; aliis oppositis destinantur, ac per intervenientes fibrarum carnearum series committuntur : Talem muscolum, cujus plurimi ventres, in diversis planis confiti, multifariam spectant, nullo modo, quin aliquæ fibrarum carnearum series in medio disrumpantur, findere, aut divellere licebit : *Musculi* ità valde *compositi* ventres, etsi multiplices, attamen prætenues existunt ; utpote quorum fibræ carneæ brevissimæ, cum laminis tendineis, angulos semper æquales, sed obliquos habent, proindèq; attractionem validissimam efficiunt : Quippe numerosæ fibrarum carnearum series, videntur quasi totidem distincti *vetes*, ad pondus quoddam movendum simul adhibiti ; seu potiùs, in quantum utrèq; magnus *Tendo*, mox in plurimas laminas ità scinditur, pariter habet, ac si *funis* ingens *ductarius* corpori adducendo appensus, statim in plures funiculos, quibus multi homines simul attrahant, dirimatur : Namq; dum singulæ carniarum series simul corrugantur, laminarum tendinearum simul omnium angulos oppositos ampliant, proindèq; totius musculi ventre intumefacto, finem utrùmq;, aut eum qui mobilis est, versùs medium fortiter adducunt.

Unicuiq; *musculo*, & *simplici* & *composito*, integumentum membranaceum quaquaversus obtenditur ; porrò cujusq; *fibris* carneis *directis* motricibus, *fibrillæ* aliæ *transverse*, sc. *membranaceæ* intertexuntur, quæ illas singulas investiunt, ac unà compingunt, quinimo (utì probabile videtur) tum fibris omnibus carneis, eundem motûs obeundi instinctum communicant, tum spirituum influorum copias à nervo exceptas, ad tendines deferunt.

Arteria, & *vena* cujusq; musculi medio insertæ, furculos quaquaversus, fibras motrices obliquè secantes, emittunt, è quibus propagines minores, per carniarum interstitia dispersæ, eas omnes sanguinis affluxu, & refluxu

refluxu ubiq; irrigant : *Nervus* autem cujúsq; ventrem carneum subiens, surculos quosdam minores tantum in viciniâ distribuit, quasi tantum actionis imperatæ symbolum deferens, illius executionem inferiori fibrarum carnearum, fibrillarúmq; membranacearum satellitio mandaret.

Musculorum cujúsq; ferè generis *Iconas*, juxta naturales ipsorum *quædam*, exarandas destinâram : Sed cum, Typographo festinante, cadaveris humani disseccandi copia non statim daretur, musculos tantum pauciores quosdam, crure bovino exemptos, ad vivum delineatos, infra exhibebimus : Quamvis & hoc pensum *Clarissimus Stenon* jamjam satis accuratè perfecit : Cujus figuras, si quis ad matheseos regulas nimium deflexas suspicatur, facili negotio, eandem musculi, qualem Ille descripsit, conformationem in ipsis carnibus intueri possit : Nam si musculus simplex, regularis, è quocunq; animali exactus, ita collocetur, ut tendinibus hîc, illic ad latera conspectis, fibræ carneæ inter ipsos, angulis obliquis & æqualibus interceptæ, ad planum horizontale deprimantur, carnes parallelo-pipedum Rhomboides exactissimè referent : Dein si ejusdem musculi situ mutato, atq; tendinibus sub & suprâ positis, tendinem inferiorem per longum secabis, partésq; ab invicem divellens, totum musculum lacerando in binas portiones divides, videbis statim elegantissimo spectaculo, fibras omnes carneas unicâ serie dispositas, quin & inter se parallelas, ac ejusdem longitudinis, ab uno tendine in alterum procedere, & utrinq; angulos semper obliquos, & æquales facere; etsi musculos compositos, quorum ventres multiplices diversa obtinent plana, hoc modo diffindere haud licet, tamen eos, aut crudos aut coctos curiosè disseccanti, facilè constabit, singulis carniū parallelogrammis binos adaptari tendines.

Quod spectat ad *musculi actionem*, in vivisectionibus,
(quæ

(quæ solummodò hanc detegunt,) planè cernimus, eam *contrahi*; non ità tamen prout vetus opinio ferebat, nempe ut fibris à fine versùs principium contractis, una musculi extremitas versùs alteram ducatur; verùm *fibræ* tantùm *carneæ*, earúmque fines versùs medium contrahi videntur, *tendinibus* usque immutatis, & nec quoad longitudinem, aut crassitiem alteratis: Quod etiam Doctissimus *Stenon* jamdudum primus observavit. Hoc in *Diaphragmate*, & musculis respirationi dicatis, qui sc. vice constanti moventur, clarè percipitur: Quoties enim musculus contrahitur, fibras omnes carneas, in utrâque extremitate simul convelli, & quasi semetipsas utrinque subièrint, propiùs adigi, profundèque breviores, ac unà crassiores evadere, dein à constrictione istâ solutas, ad solitam longitudinem, & tenuitatem redire intueberis: Dum hæc ità fieri conspicias, facilè opinaris aliquid, sc. *spiritum*, aut *materiem subtilem* è *tendinibus* in *carnes* profluere, quæ ipsas utrinque subièns inflet, simulque in sese propiùs compellat, propterea statim ut fibræ singulæ decurtentur ac intumescant; dein cùm materies ista è *carnibus*, in *tendines* recedit, fibræ depletæ & à corrugatione laxatæ ad pristinam longitudinem restituuntur, ac ità vicissim: Utrùm ità revera fiat, necne infra disquiretur.

Interim ut ad alia *motûs muscularis* phænomena pergamus, si membranâ musculi detractâ fibras quasdam carneas, fibrillis quibus connectuntur dissectis, ab aliis separabis, & prorsus solutas reddes, in omni motu illas ità singulares, ac liberas, paritèr ac alias simul compactas corrugari videbis.

Porrò adverti, ex his fibris ità solutis, ac liberis, quasdam in uno extremo abscissas, ac à tendine separatas, adhuc ad musculi motum unà cùm cæteris fibris, circa finem alterum, integrum, se contraxisse, sine abscisso interim flaccescente: Posthæc *musculi* tenuioris, portio-

portionem quandam carneam cum forcipe, tribus aut quatuor scissuris transversis, ad latitudinem pollicis divisi. Quo facto, portiones in utroq; sine abscissæ, corrugationes quasdam leves, & inordinatas, brevi tantum spatio inibant, mox immobiles factæ: Alteræ muscoli ita discissi, portiones extremæ tendinibus cohærentes, multò vegetiùs ac diutiùs contrahi, sed irregulariter & convulsivè, sc. cum fibrarum intortione quâdam pergebant: Profectò in fibris ita abscissis contractionis vestigia quædam parumper manebant, partim ob motûs instinctum per fibrillas membranaceas, quibus adhuc cum carnibus integris cohærebant, traditum, & partim quatenus spiritus animales fibris carneis insiti, jam à reliquis divisi, & sine influxu derelicti, nixus suos ultimos solito more contractivos exerebant: Propter hanc rationem nonnunquam in corde exempto, inq; mucrone ejus abscisso, etiam in aliis musculis post nervos & vasa sanguifera resecta, contractio & relaxatio aliquandiù perstant. *Fibræ* alteræ tantum *discissæ*, ob spirituum è tendinibus accessus, & recessus adhuc aliquatenus contrahi, & relaxari poterant.

Cùm in *diaphragmate* fibras plures singulares ab aliarum nexibus liberaveram, quid ligaturæ variis illarum locis injectæ efficerent tentavi. Nonnullæ igitur circa medium ligatæ, pariter ac fibræ integræ contrahebantur, sed cum aliquali circa ligaturam intumescentiâ: Cùm alias circa fines, ubi tendinibus cohærent, modò unum, modò alterum filo constrinxeram, motus præcipuè ac ferè tantum, circa finem liberum peragebatur: Porro in fibris circa utramq; simul extremitatem ligatis contractio prorsus cessabat.

Contractio, & relaxatio, non tantum in corde, verum in *septo*, aliisq; musculis respirationi dicatis, & quidem probabile videtur, quòd in omnibus juxta naturæ in-

stinctus agentibus vicissim, ac ut plurimum æqualiter (licet non paria sint in omnibus motuum intervalla) peragi solent: Quin & musculi functioni voluntariæ inservientes, sæpe contractiones spontaneas ineunt, nisi ab Antagonistis suis inhibentur; uti constat in quantum *spasmus* unius musculi, alterius *paralysi* supervenit. Contractio, & relaxatio celerius in corde, quam in respirationis musculis, ac ita forsitan in his, quam in quibusdam aliis iterantur: In moribundis illarum vices *panniculus carnosus*, subsultibus innumeris ubiq; tremulus clarissimè exhibet.

Quod spectat ad *humores*, quibus musculi fibræ omnes, sc. carneæ, tendineæ & membranosæ, illarúmque intercapedines, aut irrigari, aut impleri, aut inflari videntur, eos reverà saltem binos (nempe *sanguinem*, & *liquorem nervosum*) si non plures assignare licebit: Et primò *sanguinem* fibras omnes carneas, & quæ his intertexuntur, membranaceas perluere, sensu indice manifestò liquet: Quippe si arteriæ ad musciculum quemvis pertinenti spiritus vini atramento tinctus injicitur, venâ interim constrictâ, fibrarum omnium carnearum, fibrillarúmque transversarum superficies atredine inficientur, tendinibus interim vix omnino in colore mutatis; hinc ut constet sanguinem carnes omnes, easque ferè solas ubiq; exterius irrigare: Utrùm verò sanguis fibras carneas penitus subeat, aut liquorem subtilem à se deciduum ipsis instillet, etsi posterius hoc maximè probabile videatur, nullo adhuc certo indicio comperimus; at verò fibras omnes, sc. *carneas*, *tendineas*, & *membranosas*, in quantum à spiritibus animalibus, aut insitis, aut influis, perpetim, & copiosè actuantur, eas itidem liquore nervoso, qui spiritibus vehiculo est, constanter imbui statuimus: Quatenus verò, aut quantum, prædicti humores ad facultatum animalium exercitia conducunt, haud facilè constat; quoniam

quoniam absq; liquore nervoso spiritus animales consistere nequeunt, & à crassi ejus plurimum dependent, ipsum potentiae motivae actuandae nonnihil inservire concludamus ; idpropter etiam perennem sanguinis affluxum nihilominus requisitum esse, experimentum ab Ingeniosissimo Stenone citatum, & nuper ab aliis probatum, planè confirmat. *Observavit Ille quòd in cane vivo, ligatâ Aortâ descendente, sinè præviâ sectione, posteriorum omnium motus voluntarius cessaret, quoties vinculum stringebat, iterumq; tot vicibus rediret quot nodum laxaret.*

Hæc sunt præcipua Phænomena circa musculi Fabricam, & Actionem in Zootomiis tum viventium, tum etiam mortuorum, aut moribundorum factis observanda : Equibus tamen juxta positis, ac inter se collatis, quàm difficile sit functionis motivae Animalis Ætiologiam constituere, vel hinc constet, quòd Ingeniosissimus Stenon, postquam myologiæ suæ elementa à se primò inventa perquam accuratè tradiderat, ab hypothesi tamen ex iis condendâ prorsus abstinuit ; utpotè qui etiamnum dubitat utrùm musculi per *rectangulum explicatio in omnibus naturæ conveniat* ; quare cum multi *contractionis muscularis modum à fibrarum repletione*, & nonnulli ab *inanitione*, aliq; *ad utrumq; confugiunt*, de hujus causis veris ipsi non liquere ingenuè profitetur.

Et quidem de materiâ hæc abstrusâ, etsi me quicquam certiùs quàm alios indagare aut proferre posse minimè confidam : Attamen sicut in mechanicis, cum Automati cujuscumque motus observare, ipsamq; machinam in partes dirimere, & singularum artificium perpendere licebit, de phænomenon ejus causis & modis, si non omnium, saltem præcipuorum eruendis, haud dubitare solemus : Pariter cum musculi structuram & partes, fibrarum motricium conformationes, dùmq; in

motu sunt gestus, & alterationes oculis intueri ac animadvertere datur; quid est cur de functionis motivæ rationibus, aut veris, aut quæ veris proximæ sunt, extricandis desperemus? Quamobrem liceat mihi super hâc re conceptus & notiones meas, haud temerè quidem, nec quòd priori nostræ *ἐποθέσει δαλίειν*, aut alienam quamvis oppugnare vellem, assumptas, hîc in medium proferre; quæ si non omnibus satisfaciant, saltem aliquos, ad meliora invenienda excitabunt.

Hîc verò imprimis repetendum erit, quod superiùs innueram, sc. potentiam, sive virtutem, quâ musculus movetur, à *cerebro* proficisci, per *nervos* convehi, ac à *fibris carneis* contractis, proindèq; abbreviatis perfici: Posterius hoc, *αὐτοψία* comprobatur, quinimo, vim motivam, etiam à prioribus istis pendere, ac ità longo ductu transferri ex eo patet, quòd spirituum influxu, in origine suppresso, aut in viâ intercepto, propterea motus designati exercitium inhibeat: Porro advertimus impetum motivum, longè majorem esse in musculo, sive termino, quàm in principio, aut medio: Quippe cerebrum, ac nervi appensi, cùm tenerâ, & fragili substantiâ constent, nihil fortiter convellere, aut attrahere possunt; musculus autem vim contractivam validè exerens, ferè vectis, aut trochleæ vires adæquare videtur: Quandoquidem igitur *motus localis*, sit *actio composita*, à pluribus organis, quæ in diversis locis consistunt peragenda, cùmq; *virtus ejus longè robustior sit in fine, quàm in principio, aut viâ*; inquirendum erit, quâ ratione velut mechanicâ, impetus motivus ità in progressu augeri, seu multiplicari possit, dein quid à singulis organis, ad motum conferatur.

Quoad prius, in Artificialibus, cùm ad motum facilitandum, atq; vires motrices augendas, plurima excogitata sint instrumenta, cuncta illorum, aut saltem præcipua, ad duo hæc capita reduci possunt; sc. *primò*,
aut

aut eadem vis, five impressio, sinè cuiusvis novi impetûs additione, ab uno termino ad alterum; five à primo motore, ad mobile continuatur; quæ tamen in viâ plurimùm augetur, prout *gravitatis centra*, aut *elongantur*, aut *multiplicantur*; etenim quò longiùs à primo gravitatis centro, motus incipitur, eò fortiùs procedit, uti cernitur in vecte, aliisq; ad vectem reducibilibus: Dein si ultra primum gravitatis centrum alia successivè, ante motûs terminum disponuntur, sicut in *peritrochio*, eadem vis motiva plurimùm augeri solet: Attamen ad hoc requiritur, ut motûs instrumenta, toto ipsorum tractu, satîs robusta, ac tenacia fuerint; nam secùs impetus motivus adauctus eadem disrumpens intercidit, priusquam actio designata perficitur. *Secundò*, Subest alter impetûs motivi in immensum, etiam ad magnam distantiam multiplicandi modus, qui cum virium novarum, five copiarum recentium additione peragitur: Nempe cùm particulæ elasticæ, five impetum facientes, in privatis locis, ac velut cellulis dispositæ, & conclusæ, postea pro datâ occasione, per levem agentis remoti contactum, aut afflatum, in libertatem motûs, quem impigrè perficiunt, mittuntur: Hâc ratione aer compactus, & conclusus, cùm dato exitu foràs se proripit, glandem plumbeam, aliudve objectum impetuosè adigens, longè propellit: Satîs notum est quàm ingentes & sæpe horrendos impetus pulvis pyrius circa finem explosus edit, cùm in primo succendiculo, vis per funem ignarium transmissa, admodum imbellis; levi manûs pressione restingui poterat: Sunt & alia varii generis corpuscula explosiva, quæ in thecis idoneis recondita, cùm à fomite, vel irritamento in motum suscitantur, vim sæpe incredibilem exerunt. Proindè hîc demùm inquiramus oportet, utro ex his modis evenit, vim motivam in musculis tam longè excedere impetum, à cerebro per nervos transmissum, five utrùm

motus

motus muscularis sit actio merè contractiva, an potius elastica, aut quadantenus *explosiva* ?

Super his imprimis manifestò liquet, *musculos attrahere*, sc. abbreviatis, tendinem cum parte appensâ versùs se ducere ; porrò in quantum opus est tractionis munera nunc fortiùs, interdum debiliùs, ab ipsis perfici, gravitatis centra, modò propiùs, modò longiùs à principio motùs habere consita ; hinc muscoli qui femur extendunt, aut flectunt, præsertim psoæ, ac glutæi fibras carneas motrices altiùs intra corporis truncum recondunt : Qui verò circumagunt femur, juxta ossis Tibiæ aut foramen, aut tuberculum, aut alicubi in vicinîâ constituuntur ; pariter observare est, in cæteris quibusq; membris muscoli ventrem, ab articulo, seu motùs cardine, pro ratione motùs aut fortioris, aut debilioris obeundi, situm remotiorem, aut propinquiorem obtinere : At verò hoc minimè tenet, quoad reliquas partes motrices, nempe *cerebrum*, & *nervos* ; quæ cum *musculis* in actu motivo cooperantur : Quippe licèt vis motiva longo ductu per cuncta hæc organa feratur, tamen impossibile videtur, *contractionem* ità fortiter à *musculo* peractam, à *cerebro* tenero, ac immobili inchoari, pérq; *nervos* exiles, & fragiles continuari, quin necessariò supponendum erit, particulas quasdam motivas, in *musculo* recondi, quæ pro datâ occasione, juxta instinctum à *cerebro*, per *nervos* traditum, velut *explosione* quâdam in motum concitantur : Quales verò illæ particulæ fuerint, quo ritu in motum instigantur, & quomodo muscoli contractionem inducunt, explicatu difficillimum videtur.

Profectò in *musculis*, particulas elasticas, & se movere aptas contineri, ac ubiq; intra fibras recondi, ab effectu concludere licebit ; quia sc. viventium Anatome, non rarò motum in musculo separato, quinimo in fibris ejus ab invicem divisiss detegit : Animalium quorun-

quorundam corda avulsa diù pulsant, muscoli interdum abscissi contractionum motus obeunt : In jumentis mactatis aut moribundis, corde, ac cerebro licet exemptis, *panniculus carnosus*, plurimas contractionum & relaxationum vices, aliquandiu peragit. Ex his manifestò liquet, intra musculum particulas quasdam agiles, & *αυτοπόρως* congeri, quæ licet œconomiâ animali valde perturbatâ aut eversâ, suâ sponte motum ineunt, in statu tamen tranquillo, nullas actiones, nisi à cerebro aut cerebello imperatas, & per nervos traditas, perficiunt.

Dum musculus contrahitur, vivisectio ostendit *fibras* tantum *carneas*, per se motum inire, sc. tumidiores, asperiores, simulq; breviores factas, muscoli ventrem ampliare, ac interea *tendines*, ex se quasi immobiles, sc. nec quoad longitudinem, aut crassitiem alteratos, solummodò quatenus à fibris carneis convelluntur, moveri, partemq; movendam secum adducere ; unde constare videtur spiritus animales, sive particulas elasticas, qualescunq; fuerint, dum motum muscularem perficiunt, intra fibras carneas solummodò aut potissimum agitari : Porro hinc quispiam fortè putârit, tales particulas in fibris tendinosi, aut non omnino contineri, aut prorsus otiosi ; nam siquidem advertimus *tendinem*, in actu motivo non immutari, suspicari fas sit, eum instar *unci* tantum habere, quo mediante, fibræ carneæ contractæ, membrum movendum ab ipsis distitum, versùs se ducant.

Verùm enimverò, spiritus animales, sive particulas elasticas, intra *fibras tendinosas*, & quidem longè uberius, quàm intra *carneas* hospitari, indiciis satis luculentis constat ; hoc imprimis sensus, nimirum tactus, qui multò acutior, & longè præstantior est, in *tendine* quàm in *carne*, manifestò indicat. Quinimo irritatio quævis, aut solutio continui in istâ parte contingens,

non

non modò sensum molestissimum, sc. dolorem valde atrocem infert, verùm insuper in carnibus vicinis tumorem, & non rarò convulsiones gravissimas excitare solet; unde necessariò concludimus, spiritus animales copiâ ingenti fibras tendinosas incolere; quid verò illic agunt, & quo ritu functioni motivæ inserviunt, jam proximè disquiramus.

Quoties musculi viventis motum intuitus, quo ritu fibræ omnes carneæ vicissim contrahuntur, ac relaxantur, adverterem, ac mente perpenderem, nihil hinc colligere aliud, aut animo concipere potui, quàm in singulis contractionibus, spiritus, sive particulas quasdam elasticas, ab utroq; tendine fibras carneas irruere, easq; intumefacere, ac in se propiùs adigere; dein iisdem mox particulis, è *carne*, in *tendines* recedentibus, musculi relaxationem contingere: In musculo nudato, cùm modò fibram carneam singularem, modò istarum manipulum toto ductu ab aliis separârim, microscopio adhibito, tumorem utrinq; à carniū finibus inceptum, velut à spiritu hîc, illîc simul ingresso, versùs medium deferri, apertissimè deprehendi; porrò (quod superiùs innui) fibra singularis circa medium ligata, adhuc quasi libera, & cum aliis compacta, contrahebatur; sed ligaturâ pariter finî alterutri injectâ, supra locum constrictum flacciditas constanter accidebat: Verùm super hâc re ne ampliùs dubitare possem, circa eundem fibrarum carnearum fasciculum, ligaturas binas à medio, & extremis æquidistantes adhibui; quo factò, utrinq; ab extremo carneo ad loca constricta contractio, & intumescencia, statim assurgens, non ultra pergebat; parte interim intermediâ immotâ prorsus & flaccidâ manente; unde concludere liceat, in omni contractione musculari, spiritus animales, sive particulas elasticas è fibris tendineis, in carneas proflire, & vicissim in relaxatione, ab his in illas recedere.

Attamen,

Attamen, hoc licet probato atq; concessio, plurimæ adhuc circa motum muscularem difficultates restant, primò n. inquirendum quomodo spiritus animales, qui tacite, ac sine ullâ incitatione, aut tumore fibras *tendineas* subeunt, *carneas* adeò inflare, si mûlq; in spatia breviora impellere queant.

Ad hunc effectum producendum, spirituum è *fibris tendineis* insilientium copiar, non videntur per se solæ sufficere; verùm insuper alijsmodi particulas quasdam *fibris carneis* insitas, supponere debemus, quibuscum alteræ è *tendinibus* affluæ, occurrentes, illicò luctantur, undè mutua ipsarum rarefactio, & turgescencia, corporum autem continentium subita inflatio, simul & abbreviatio oritur; haud prorsus dissimili ratione, ac cum *ignis* corpuscula corrigiam subeuntia, ejusq; insitas particulas (quibus mox irretiuntur) variè huc, illuc impellentia, ipsam adeò infarciunt & corrugari faciunt; pariter etiam spiritus animales, etsi *tendines*, ubi solitarii sunt, immotos (sicut caloris effluvia intra metalla, & corpora sicciora) pertranseunt; in carnes verò delati, quatenus ibidem cum particulis alijsmodi elasticis congressæ expanduntur, fibrarum continentium subitas inflationes, & corrugationes inferunt. Tales autem particulas, à spirituum indole prorsus diversas, atq; heterogeneas, satis copiosè ac facilè musculis suggeri posse, alibi ostendimus: Enimverò *αὐτοψία* patet, *sanguinem* fibras omnes carneas ubiq; perluere, & exterius irrigare, quas insuper, siquidem non modò nutrire, sed & circa functionis animalis munera actuare deprehenditur; ecquid minùs suspicari possumus, quàm eum in illarum tubos, liquorem quendam subtilem instillare, cujus particulæ à spiritibus subinde influis agitatae, & simul rarefactæ, fibras (sicut modò innuimus) infarciunt, easq; propter insultum utrinq; factum intumefactas, in spatia breviora compellunt?

Quòd autem *musculi* venter carneus, dum contrahitur *intumescat*, non est ut quispiam omnino dubitet, quoniam in vivisectionibus hoc *visu*, & *tactu* evidentissimè percipitur; sc. fibræ omnes carneæ simul corrugatæ, tumidiore, & asperiores fiunt, proindèq; musculum breviorè, sed & crassiorè, latiorèmq; reddunt. In certiorè hujus fidem, cùm è fibris carneis, à reliquarum nexu separatis, quasdam ligarem, aliàsq; iis proximas solutas relinquerem, in omni musculi contractione, inter illas flaccidas, atq; has intumefactas, notabilis differentia apparebat.

Sin verò inquiratur cujus naturæ, sc. an *spirituosa-linea* (prout opinari fas sit) aut cujusnam alterius indolis, sint *spiritus animales* à cerebro in musculos derivati, & deinde utrùm latex alter iis immediatius à sanguine suggestus, *sulphureus*, aut *nitrosus* existat: Super his, quia sensui non constat, nihil temerè aut positivè pronunciamus: Quandoquidem autem in aliis naturalibus, particulæ activæ varii generis, quæ inter se dissimiles, aut mutuò effervesce, aut ab invicem elidi, aut aliàs rarefieri, aut expandi aptæ sunt, reperiuntur, cùmq; solummodò à talium congressibus, *motus* corporum *intestini*, ac præsertim *elastici*, quales sunt musculorum contractiones, procedere possunt; certè præsumere liceat, has omnino à tali causâ pendere.

Circa *motum* igitur *muscularem* in genere, conjecturâ satis probabili ad hanc modum concludimus, sc. spiritus Animales ab *ἐγκεφάλῳ*, nervorum ductu ad unumquemq; musculum advectos, ac (ut verisimile est) à fibrillis membranaceis exceptos, harum commeatu in fibras tendineas deferri, ibidemq; velut in promptuariis idoneis ubertim recondi; qui spiritus, cùm naturâ agillimæ, ac elasticæ fuerint, quousq; valent, ac permittuntur, sese expandentes, *fibras carneas* insiliunt; dein in petu peracto, mox subsidentes in *tendines* relabuntur, ac

ità vicissim : Dum verò iidem spiritus animales ad datum motûs obeundi instinctum, è *fibris tendincis* in *carneas* profiliunt, illic particulis aliis indolis activis, è sanguine suppeditatis occurrunt, & statim mutuò effervescent, ità ut ex ambarum luctâ, & agitatione, fibræ carneæ, utpote laxæ & porosæ, infarciantur & in corrugationes agantur, à quibus omnibus utrinq; simul corrugatis, totius *musculi contractio* procedit; contractione finitâ, spiritus sinceri qui resident, iterùm maximâ ex parte in *fibras tendinosas* recedunt, particulis alteris intra *carnes* relictis; harum impendia *sanguis*, sicut illorum *nervi* resarciunt : Quo *instinctu* contractio muscularis incipit, ac desinit, mox disquiretur.

Ut spiritus animales è *fibris tendinosis* effluentes *carneas* omnes æqualiter subeant, in omni simplici musculo, *bini* habentur *tendines*, qui juxta oppositos angulos ità constituuntur, ut spiritus à duplici metâ accurrentes, e vestigiò totum musculi ventrem impleant, atq; motu subinde peracto, mox citissimè recedant : Si contractio, versùs medias *carnes* indifferenter peragi debet, *tendines* ut plurimùm sunt æquales; sin motus versùs unam aliquam *carnis* regionem magis inclinatur, *tendo* alter (qui sc. majores spirituum copias suppeditat) alterum magnitudine excedit : Si musculus quo sit robustior, magnus & mole amplâ præditus existat, in plures quasi lobos, sive ventres dividitur, iisq; singulis duo ordinantur tendines; in eum nempe finem, ut spiritus animales ubiq; per ductus brevissimos, è *tendinibus* in *fibras carneas* ferantur, resiliantq; : Quippe musculus compositus non semper plures fibrarum motricium series ideò continet, ut motus unâ plures & diversimodos, quin ut eundem sæpe motum cum majori robore perficiat : Nam, prout suprà innuimus, cùm *simplex musculus*, sit quasi *vectis singularis*, *compositus* videtur quasi plures vectes eidem corpori movendo conjunctim inservientes.

Porro hinc observare est in quibusdam musculis, qui simplices & regulares habentur, uti *fibræ* omnes *carneæ* sunt æquales, ita & *tendinosas* unius extremi omnes simul sumptas, etiam omnibus alterius simul sumptis æquales esse; attamen eas singulas quo breviores sunt in uno tendine, esse longiores in altero, atq; ita disponi, ut fibra tendinosa utrinq; summa, & infima, quoad longitudes suas, excessus rationes habeant inversas, simulq; æquales; nempe ut hic longissima brevissima, atq; illic vice versa, brevissima longissima superimponatur; in eum sc. finem, ut sicubi in hoc aut isto musculi latere, aut fine motus robustior edi debeat, in eas partes è longioribus fibris tendinosis spiritus uberiores confluant, & è contrà: Quare in nonnullis musculis minus necessariis, ubi *carnium* pars ossi accrescens, aut immobilis evadit, aut vacuis tantum spatiis implendis inservit, *tendo* unus brevior aut minor existit, & non raro in duritiem cartilagineam, aut osseam degenerat: Porro quoad alios musculos robustos, & maximè motivos, observare est illorum tendines non ita disponi, quasi essent fibrarum carnearum stabilimenta tantum, aut ansulæ, uncive appensi; ita namq; solummodò in extremis finibus constituerentur: Attamen fibræ tendinosæ, quo fiant aptiora spirituum Animalium promptuaria, ferè in omnes musculi partes exporrectæ, utrosq; carnearum fines ubiq; excipiunt; quod equidem in musculis compositis adhuc manifestius apparet, in quantum sc. *unus tendo compositus, extremas amplectitur carnes*, atq; *alter medias ingreditur carnes*, prout supra ostensum erat.

At verò spiritus animales, dum è *fibris tendinosis* in *carneas* profiliunt, ipsis corrugandis per se haud sufficere, sed copulam alteram è sanguine elasticam requirere, multis rationibus arguere licebit. Hoc imprimis ex eo constare videtur, quòd iidem spiritus solitarii intra *tendines*,

dines, densissimè licèt confiti, dum in iis moventur, nihil aut tumoris, aut contractionis cient; quare intra *fibras carneas* in minori copiâ delati, & spatium amplius nacti, nisi aliis particulis congressi expanderentur, multo minùs impetum contractivum ederent: Porro cùm *tendini* solutio continui, aut molestia gravis infertur, musculi venter, seu pars carneâ *tumore* aut *spasmo* potissimùm afficitur; nam spiritus irritati non tam inter se, sed ubi in particulas heterogeneas impinguntur, maximos tumultus, ac inordinationes concitant: Verùm insuper cum fibræ carneæ humore sanguineo supra alias partes, & plus quàm iis nutriendis sufficiat, continuò perfundantur, ecquis alius illius usus assignabitur, nisi ut functioni motivæ contribuât? Præsertim cum advertamus in corporibus macilentis, quæ parcius enutriuntur, musculos sanguine uberiori perfusos, motuum nixus robustissimos edere: Porro non constat quâ præterea viâ, spirituum in musculo continuis motibus aut laboribus arduis absumptorum, impendia resarciantur, ni præter exigua per *nervos* supplementa, alia satîs copiosa è *massâ sanguineâ* suppeditentur: His accedit, quòd membra solito cruoris affluxu destituta, in debilitatem, aut paralyin facillè incidunt; quodq; ex observatione D. *Stenonis* in canè vivo, Aortæ trunco descendente ligato, membra omnia posteriora derepente motu privabantur: Et quamvis mihi nondum satîs constet, utrùm sanguinis à *spinali medullâ*, an ab ipsis *musculis*, vel simul ab utrisq; exclusio, in causâ sit, verùm utcunq; in idem ferè recidit, quatenus nimirùm spiritus animales intra *ἐγκέφαλον* procreati, atq; per appendices medullarem, ac nervosum in membra quæq; exporrecti, absq; sanguinis concursu, potentiam locomotivam exequi haud potuerint.

Explicato hæcenus quo ritu *musculus* in parte carneâ quoad fibras simul omnes contractus, functionem moti-

vam

nam exequitur ; jam proximè quæ sit ratio *instinctus*, quo motus omnis tum regularis, tum irregularis obiri solet, inquirendum erit : Super hoc in genere imprimis constat, motus omnis regularis, immò & quorundam irregularium impulsus, intra *cerebrum* aut *cerebellum* conceptos, illinc per *nervos* ad unumquemq; *musculum* transmitti : Hoc ab effectis, & consequentiis, prout alibi ostendimus, evidentissimè declaratur. At tamen magnæ hîc difficultates subsunt, quomodo nimirum per eosdem ductus, à capite ad unumquemq; *musculum* spirituum animalium *copiæ recentes*, simulq; pro veteribus exercendis, *animæ imperia* convehuntur ; quo insuper discrimine, & spirituum influorum gestu diversimodo utrumq; hoc munus *nervi* exequuntur.

Super his ut conjectare pergam, videtur quòd spiritus animales, qui jugiter ab *ἐγκεφάλῳ* afflui, pro reficiendis *institorum* copiis, per *nervos* ad *musculum* feruntur, eum facillè, & pacatim adpellunt, ibidémq; protenus à *fibris membranaceis* excepti, in *tendines* secedunt : Cujusmodi vectigal, etsi mole perexiguum fuerit, quia tamen ritu constanti dies, noctesq; infertur, ad penum, pro *tendinibus* continuò implendis, sufficientem facillè assurgat : Quòd autem spiritus, ità perpetim musculo allatos, per *fibras membranaceas*, & non per *carneas*, ad *tendines* transferri supponimus ; ratio est, quoniam si has primò subirent, copulæ elasticæ statim occurrentes, *musculum* in motus continuos accierent : Porro siquidem in corde, & respirationis musculis, *fibræ carneæ* exercitio perpetuo agitantur, illæ insuper pro spirituum recentium, ad *tendines* commeatu minimè vacarent.

Quod spectat verò ad *motus muscularis*, sive *obeundi*, sive *sistendi*, aut quovis modo *alterandi*, *instinctus* per *nervos* ab *ἐγκεφάλῳ* traditos ; super his imprimis considerare oportet, spiritus animales motores, quorum aggeries *animæ corporeæ* Hypostasim constituunt, duas hæc pro-

proprietates ipsorum naturæ quasi insitas habere ; nimirum ut donec vegeti, copiosi, ac liberi fuerint, sese exerere, sive expandere affectent, dein impetu peracto, illi paululum diminuti, se sponte recipiant, & quiescant, postea autem resecti, denuò exiliant, ac ita vicissim : Hoc satis manifestò declarant *vigiliæ*, ac *somni*, operis, ac otii alternationes cunctis animalibus ingenitæ. Quapropter ad quorundam musculorum (qui sc. vice perpetuâ contrahi, & relaxari solent) *impulsus*, sive *instinctus*, vix quidquam amplius requiritur, nisi ut illorum tendines, constanti spirituum animalium per nervos influxu suppleantur ; ipsi autem spiritus, ex propriâ indole, siquidem uberes, & expediti, suâ sponte in fibras motrices prosiliunt, dein nisi peracto, post leve impendium, mox recedunt, & subinde statim recreati, rursus expanduntur, ac ita vicissim : Porro illorum actiones (quæ imprimis sunt *pulsus*, & *respiratio*) juxta caloris gradus, aut affectuum *ipsarum*, variè immutantur, in quantum spiritus per nervos advecti, modò remissiùs, modò uberius, aut incitatiùs à cerebello mittuntur.

Porro in quibusvis aliis musculis *appetitûs* imperio subjectis, cum spiritus animales *expansionum*, & *recessuum* vices naturaliter affectent, tantum opus erit, motûs imperati sive obeundi, sive sistendi *signum* dari, quorum utrumq; spiritus *influi*, vario ipsorum ad musculum appulsu, *insitos* in varios aspectus, sive tendentias ordinando, facile perficiunt. Quando musculus contrahitur, *spiritus insiti* ab utroq; *sine*, versùs *medium*, dumq; relaxatur, acie mutatâ, à *medio* versùs utrumq; *finem* aspiciunt, tenduntq;. Dum itaq; *spiritus influi* contractionis obeundæ symbolum ferunt, illi intra nervum *adhibitos* incitati, finem ejus musculo insertum, (ubi densius agglomerantur) plenius inflant, & proinde ibidem contrahi, & abbreviari faciunt ; quo fit, ut iidem

dem *spiritus influi* musculum ingressuri, tunc temporis mero aggestu sistantur, seu potius versùs nervum intumefactum revocentur; quapropter mox tota *spirituum insitorum* series (hinc *πῶν* ipsorum mutatâ) etiam eò spectat, proindèq; tendinum incolæ, è cellulis suis in fibras carneas profluentes, contractionem motivam efficiunt: Dein motus abrumpitur, aut cessat, quamprimum spiritus, versùs nervum priùs revocati, denuò in musculum tendunt, adeòq; exercitiis facie rursus mutatâ, insitorum copiae illicò in tendines coguntur. Rem ità quadantenùs habere, non merâ *Hypotheseos* concinnitate, verùm ex *observatione Anatomica* mihi persuasum est: Quippe olim catulum vivum disseccans, cùm fortè cervicis musculos quosdam divisos, & sepositos intuerer, eodem instanti quo *fibræ carneæ*, etiam *nervi* illis inserti, simul contrahi, ac intumefacti abbreviari videbantur.

Ad promovendos, dum musculus contrahitur, spirituum è *fibris carneis* in *tendines recessus*, *fibrillæ membranaceæ*, quæ ubiq; *carneas* transversim secant, & densissimè intercussant, conducere videntur: Harum textura nunquam satè admiranda in musculo fibris amplis prædito, sc. Bovino, ad teneritudinem cōcto meliùs percipitur: Intali etenim, si *fibras carneas* leniter aperiens, eas in totâ serie ab invicem diduces, singulis harum tubis fibrillas, velut capillares, confertissimè superextensas videbis, quæ sc. priores non modò investiunt, & connectunt, quin & singulis illarum seriebus superstratæ, & obliquis angulis secantes, ipsæ etiam omnes parallelæ, situ ad carneas opposito, à tendine in tendinem feruntur: Dum itaq; musculo contracto, *fibræ carneæ* intumescunt, *fibrillæ* eas amplexantes, ut locum cedant nonnihil distenduntur, dein quamprimum intumescencia remittit, hæ ad solitam strictionem redeunt, carnes ubiq; comprimunt, easq; spiriti-

spiritibus utrinq; expulsis, ad pristinam longitudinem reducunt. Huc facit, quòd dum musculus contrahitur, spiritus per nervos influi à fibrillis membranaceis desistunt, quare hæ depletæ, & laxiores faciliùs distendi poterunt; dum verò musculus relaxatur, spiritus fibrillas denuò subeuntes, eas implent, & quo meliùs carnes stringant, breviores reddunt.

Motuum à musculis obeundorum *instinctus*, ità per nervos traditi, aut à *Cerebro*, appetitu jubente, aut conscio, vel à *Cerebello* missi, juxta naturæ leges, nobis plerunq; insciis, peraguntur: Verùm insuper, musculi nonnunquam præter, vel contra, *appetitûs* aut *naturæ* placita, in motus anomalos, sc. violentos, & *convulsivos*, aguntur, idq; variis modis, & propter diversas causas accidit. Super his olim fusiùs differentes, ostendimus plures *motuum convulsivorum* species, & differentias ex eo oriri, quòd materies spasmodica, vel alicubi *defixa*, circa nervorum *principia*, *medietates*, aut *fines*, subsisteret; vel quòd eadem *vaga* & *soluta*, per totos nervorum ductus, huc, illuc discurreret, adeoq; affectiones spasmodicas è loco in locum variè transferret. Verùm præter istas diversimodas *convulsionum* species, quæ propter vitium ipsis *nervis* alicubi inhærens excitantur, *myologia* hæc nostra, quosdam aliùs generis spasmos, à *musculis* præcipuè affectis oriundos detegit.

Enimverò advertere licet spiritus animales, intra ipsos *musculos* dispositos, propter labem aut à *cerebro* aut à *sanguine*, & forsan non rarò simul ab utrisq; derivatam, particulis quibusdam heterogeneis infici, propter quas in oculis suis subsidere, & requiescere nequeunt, quin irrequieti semper, & agitabundi, è *fibris tendinosi* in *carneas* suâ sponte profiliunt, proindèq; spasmos crebros, & non rarò immanes producant: Hoc autem duplici modo fieri observamus, sc. *primò*, in

quantum spiritus copulâ elasticâ onusti, intra tendines haud diu maneat, quin subinde in fibras carneas pro-
siliantes, musculi spasmos frequentes, sed & breves, seu
quasi subsultus inducunt, vel *secundò*, quòd spiritus
animales, etiamsi intra tendines satis placidè interdum
quiescunt, ex ipsis tamen in carnes inordinatè correpti,
ibidemq; immaniùs explosi, haud statim reprimi, in
ordinem cogi, aut in tendines reduci possunt, quin
nobis utut invitis diu expansi persistunt, proindèq;
musculi contractionem diuturnam, & valde dolorifi-
cam pariunt. Cujusmodi *spasmus* satis vulgò notus,
nostro idiomate (*Cramp*) appellari solèt.

Prior affectio (*subsultus spasmodicus*) dicta, tum in
febris malignis, tum in *scorbuto* familiaris existit.
Quoad istas, passim advertimus, quando crisis aut nul-
la, aut mala obtigerit, demùm à *sanguine*, & *succo ner-
voso* plurimùm vitiatis, particulas heterogeneas non
tantùm in *visceribus* (quorum crases, & functiones per-
vertunt) sed ubiq; ferè in *musculis* deponi, ibidemq;
spiritibus accrescentes, eos velut œstro quodam affi-
cere, proindè ut simul pacatè consistere, aut intra ten-
dines requiescere nequeant, quin divisi, & ab invicem
distracti, manipulatim subinde in carnes prosiliant;
ibidemq; spasmos minores, sed & creberrimos cieant:
Pariter ob spiritus musculorum incolas, *copulâ elasticâ*
ipsis ibidem accrescente, onustos, nonnulli *scorbuto*
inveterato laborantes, membra in eodem situ, haud
diu continere valent, quin necesse habent manus, aut
pedes modò extendere, modò huc illuc agitare, variè
transferre, ac interdum illorum œstra, cursu, saltu,
aliisve duris laboribus subigere.

Olim de *motibus convulsivis* ex professò agentes,
spasmi permanentis, sive *Tetani* Aetiologiam, ferè in to-
tum omisimus, utpotè quæ à musculorum doctrinâ po-
stea tradendâ penderet: Tunc ferè tantùm innuimus,
eius-

ejusmodi contractionem exoriri in uno musculo, quoniam alter Antagonista ejus resolvitur; quod equidem in facie, & quibusdam membris sæpenumerò accidit; in quibus dum partes unius lateris *Paralysi* afficiuntur, oppositæ alterius, velut frænis solutæ, nimis contrahuntur: Attamen hujusmodi spasmus ut plurimum sine dolore est, porrò hic non statim aut faciliè, sicuti nec etiam *paralysis*, quæ illius causa est, pertransit, vel curatur.

Quod itaq; ad spasmi (apud nostrates *Cramp* dicti) rationem formalem pertinet, unusquisq; hoc affectu laborans, in seipso *musculum* unum aut plures involuntariè, ac validissimè contrahi, eosq; aliquandiu ita summè distentos, & quasi rigidos manere persentit; ac interea, in quantum *fibræ carneæ* immaniùs contractæ, *tendinem* utrumq;, eum sc. qui parti immotæ, forsan haud minùs, quàm alterum qui parti movendæ affigitur, violenter convellunt, dolorem molestissimum inferri: Quandoquidem autem hic spasmus, propter spiritus animales sese in *fibras carneas* impetuosè proripientes, excitatus, minimè cessat, donec iidem spiritus in *tendines* regressi, *carnes* relaxari sinant; idcirco *proximæ* ejus *cause* erunt, spirituum animalium intra *fibras carneas* tum *major impetuositas*, quâ illuc injussi profiliunt, tum *diuturnior mora*, in quantum tardiùs, ac difficiliùs in *tendines* recedunt. Pro *causis secundariis*, tum mala *spirituum animalium* dispositio, tum prava *tendinum* conformatio, sc. modò hæc, modò ista, & non rarò simul utraq; haberi debent.

Quoad prius, *hic affectus*, prout cæteri spasmodici, exoriri videtur, in quantum spiritus animales particulis heterogeneis, sive *copulâ elasticâ* onusti, demùm irritati, ad ipsam elidendam incitantur; quæ tamen si quidem crassa, & viscosa, proindèq; tenacior fuerit, non citò, nec faciliè discutitur, quin spiritus eadem

usq; irretiti, atq; intra fibras carneas conclusi, diutius in expansione detinentur : Quod quidem non absimili ritu forsan contingat, ac cum aqua & aer conjunctæ Bullam constituunt ; quæ si ab aquâ in qua aliquantum saponis dissolutum sit, excitetur, tenacior illa, multo amplior, & permanentior evadit, quàm quæ ex meris aquis producitur. Proindè observamus eos, qui humoribus crassis, & tartareis abundant, hujusmodi spasmodicis maximè obnoxios fieri ; ipsosq; insuper à potu aut cibis crassioribus, post crapulam, ac imprimis si lautiori cœnæ mox superdormiunt, atrociores istius morbi insultus pati ; verùm aliquando & ipsi *tendines* in culpa esse reperiuntur, quatenus *constricti* nimis aut obstructi, spiritus è fibris carneis redituros non facile admittunt : *Tendinum obstructio* in causa est quòd *Arthritici* & *Scorbutici*, quorum nempe tendines, humores falsi, & tartarei facillè incurrunt, & obstruunt, hujusmodi spasmodicis dolorificis immaniùs tentari soleant : *Constrictionem* autem *Tendinum*, quandoq; hunc morbum parere, ex eo patet, quòd foemina quædam gravidæ, (utì sæpiùs advertimus) ultimis gestationis mensibus, propter Abdominis mûsculos nimis extensos, crebris spasmodicis tantummodò in ventre excitatis, molestari soleant. Ad *pathologiam* hanc illustrandam, libet hîc casum sequentem adjicere.

Fœmina Illustris, juvenis, ac venusta; olim *affectibus hystericis*, & jam supra biennium, *convulsivis*, & quodammodò *epilepticis* obnoxia : Nuper ob crebriores, atrociorésq; morbi insultus, etiam cachectica & paralytica evasit, ut tandem Abdomen Ascite, & crura tumore œdematoso afficerentur, & deniq; partes omnes inferiores, infra coxendicem motu privarentur; hinc quoties paroxysmi convulsivi infestant, non jam corpus aut membra efferre, & huc illuc agitare solet, sed partes modò hæ, modò istæ Tetano correptæ, variè flectuntur
aut.

aut intorquentur, interim ut ipsa in cathedrâ aut lecto infidens, rigida ac ferè immobilis perstet. Haud pridem est, quòd paroxysmi unius Typum integrum videns, diversimodas spasmorum subinde alteratorum, vices, & mutationes, non sine summâ admiratione observârim. A primo insultu, oculis paululùm huc, illuc celeriter obvolutis, statim ἀναδυσία corripiebatur; deinde mox *capite* versùs partem aliquam inclinato, & contracto, simul *brachii*, & *cruris*, modò lateris unius, modò utriusq; artus omnes *inflexi*, aut *extenti*, statim rigidi fiebant: Post 4, aut 5 forsan horæ minuta, his spasmistum in *capite*, tum in *membris* remittentibus, evestigio alii plerunq; oppositi succedebant; quibus pari sæpe spatio finitis, alii longè diversi oriebantur, adeóq; per duas vel tres horas, *spasmi longiores*, cuiusq; ferè generis, & moris, in toto corpore excitati, se vicissim excipiebant; adeò ut *capite* ad dextram, & lævam, atq; ἐμπροσθεν & ὀπίσθεν, per vices convulso, quin & *membris* omnibus, huc, illuc introrsum *deflexis*, aut extrorsum *distentis*, unius paroxysmi cursus, gestus quoscunq; spasmodicos exhibuerit. Si quando spasmi unius generis in *capite*, & *membris* solito diutiùs durabant, ministrorum astantium mos erat, Nicotianæ fumum, magno cum impetu, Ægrotantis D^{næ} naribus insuffillare; quo factò, cùm spiritus intrò revocarentur, spasmi præsentis illicò remittebant, aliis quibusdam novi generis evestigio succedentibus. Nuper hujus crura à resolutione ità debilitantur, ut stare, ac incedere nequeat, quin & tendines sub utroq; poplite, tumidiores, breviorésq; facti, adeò contrahuntur, ut crura in rectum non possint extendi.

Circa hunc *Nobilissimæ Ægrotantis Casum*, inquirei potest, quamobrem paroxysmo convulsivo ingruente, nullæ, uti in plerisq; *spasmodicis* aut *epilepticis* assolet, *corporis*, aut membrorum *jactationes*, sed *spasmi* tantùm perma-

Permanentes, à partibus aliis, ad alias variè translati ori-
 ebantur ? Pro cuius solutione referri debet, materiem
 spasmodicam non tantùm in *cerebro*, & *nervis*, verùm
 in ipsis etiam *musculis* congeri, atq; spiritibus *tendinum*
 incolis accrescere ; Cùmq; materia illa tenax, spiritus
 autem debiles fuerint, & tali copulæ citò, aut facilè eli-
 dendæ impares, idcirco hi quoties irritati è tendinibus
 in carnes profiliunt, musculis primò occupatis contracti-
 ones fortes, & diuturnas inferunt ; *musculis* interim aliis,
 præsertim Antagonistis à motu impeditis, & obstri-
 ctis, donec priorum spasmi remittuntur ; Hinc mem-
 bra utut convulsa, loco moveri nequeunt ; Quippe
 totius corporis, & membrorum quorumvis *σώμα*, sive
 lationes non nisi multorum musculorum auxilio aut
 obsequio perficiuntur, dum ipsorum alii aliis, aut ritè
 cooperantur, aut saltem obsequuntur, ità nimirum ut
 muscoli quidam respectivi debitam *συμπεσῆιν* observan-
 tes, simul contrahantur, dein illis relaxatis, contractio
 mox aliorum succedat. Sin verò qui dispares &
ἀσύμβολοι fuerint, simul contrahantur, illiq; fortiter con-
 vulsi, ità diu perstent, proinde ut alii interim muscoli
 contrahi nequeant, necesse erit membra huc, illuc de-
 flexa, aut extenta, secundum se tota rigida manere.
 Quòd autem spasmi præsentis à Nicotianæ fumo nari-
 bus insusillato semper remitterent, ratio est, quia animæ
 corporeæ regione, sive parte aliquâ vehementiùs affe-
 ctâ, si fortè passio nova æquè violenta parti alteri infe-
 ratur, prior statim aboletur, aut cessat : Enimverò
 constanti observatione apparet, ubicunq; major, aut
 recentior molestia est, illuc majores spirituum copias
 illicò se proripere, & tumultum facere : Quocircà
 in *cerebro* aut ejus *meningibus*, novâ aliquâ irrita-
 tione concitatâ, inter *musculos* alia quæcunq; exteriùs
 incepta, protinus evanescit aut obscuratur ; dein quam-
 primùm recentior illa pertransit, denuò statim exte-
 riùs,

rius, sed in aliis partibus, ubi plures materiae spasmodicae nondum absumptae aggeries prostant, convulsiones oriuntur. Quod autem spasmi diuturni, aut ob *spiritus* copulâ tenaciori onustos, aut propter *tendines* materiâ viscosâ vel Tartareâ obstructos, aut simul ob utrumq; oriuntur; hinc constat, quoniam hoc morbo ingravescente (prout in D^{na} hujus *Illustrissimæ* casu, & passim in multis aliis contingere advertimus) tendines à materiâ morbificâ uberius aggestâ, ita demùm infarciuntur, ut breviores, ac rigidi evadant, proindeq; spiritibus pro functionis motivæ actibus constantèr obeundis, vix ac ne vix spatia concedant.

Hæc de motu musculari tum naturali, tum convulsivo, quorum utriusq; rationes, summâ quâ licuit diligentia erutas, experimentis Anatomicis cōprobavimus; si quis verò objiciat, ex eo minùs firmas esse, quoniam in vivisectionibus advertimus, *cor* & *respirationis musculos*, atq; *panniculum carnosum* aliquandiù, postquam *nervi*, & *arteriæ* resecantur, contractionum, & relaxationum vices continuare, unde contra hypothesein nostram arguitur, illorum motus non à constanti *sanguinis* & *spirituum* animalium influxu pendere. Huic obvium erit referre, quòd in moribundis, ita interdum contingat, quia animâ tunc distractâ, & dissolutioni appropinquante, spiritus simul omnes insiti, ab influorum commerciis præcisi, sese sponte exerunt, & solitos, (quousq; valent) motus suos perficiunt, quibus aliquanto spatio perennandis, non opus est recentium copiarum subsidiis, quia *veterani*, donec penitus atterantur, pensa assueta obeunt; quin & vetus copula sanguinea, donec tota absumatur, illorum amplexus, constanti vice excipit, & dimittit: Hoc verò in aliis musculis appetitûs imperio subjectis, & pro datâ occasione tantùm exerceri solitis, rariùs succedit.

Porro cùm motuum obeundorum *instinctus* ab ἐγνε-
φάλαξ

πάλιν ad musculum omnino per *nervos* deferri statuimus, cumq; ejusdem nervi singularis truncus, sæpe in plures furculos diremptus, eos variè distribuens, ad plures musculos destinatos mittit, jure ambigitur quomodo spiritus animales, motus obeundi symbolum vehentes, cum delectu quodam, hos, aut illos tantum furculos, seorsim ab aliis ejusdem ramis actuent, & non indifferenter omnes ejusdem propagines subeant; nempe, ut sanguis arteriæ truncum, ejusq; ramificationes ex æquo singulas pervadit. Doctissimus Regius, ut hunc nodum solveret, supponit in *nervis valvulas* quasdam, per similes iis, quæ in organis musicis reperiuntur, quarum apertura spiritus ad partes has aut illas speciatim admittat, cæteris occlusis: Attamen ostendere debuisset, si non ipsas valvulas, saltem quo instinctu, & quali directione, modò hæ, modò illæ referantur, aliis obstrictis: Verum enimverò hîc dicendum erit potius, quòd nervorum furculi omnes, ac minores propagines à partibus quibus inseruntur usq; ad origines suas inter se distinctæ & singulares perstant; ità nimirum ut à cerebro ejusq; medullari appendice, ad unumquemq; musculum, partemq; nervosam, peculiaris spirituum orbita, sive commeatus via pateat: revera nervi licet juxta principia sua, truncis majoribus exoriri videntur; si tamen truncum & ramos istos aperias, facile constabit, quòd in illis plures tantum nervuli, capillamentorum instar, melioris conductus gratiâ, in eundem fasciculum colligantur; quinimo involucriis separatis, sæpe nervulos quosq; singulos ad partes & membra respectiva quibus destinantur, prosequi licebit.

Interim verò, licet pleriq; nervi sint spirituum animalium ductus singulares, sive canales inter se distincti; tamen alii cum aliis per furculos, & propagines invicem emissas, variè communicant; quod quidem ità fieri oportuit, ut cum plures simul nervi a què ac mus-
culi

culi ad motum aliquem requiruntur ; isti omnes propter commercia inter se mutuò habita, in eadem actione conspirent ; hinc in quibusdam membrorum motibus , uti imprimis in citharæ pulsatione, aliisq; actionibus valde complicatis, muscoli plures admirandâ celeritate cooperantur ; ità ut, plurimis licèt simul occupatis, absq; ullâ tamen confusione singuli pensa sua absolvant : Porro nervos inter se mutuò communicare opus erat, propter membrorum, & partium quarundam motus sympatheticos ; neq; enim aliam ob causam diaphragmatis nervus ramis brachialibus inosculatur, quàm ut animalium exercitia , præsertim in cursu, ac volatu juxta respirationis tenorem, proportionentur : Hinc item procedit quòd in passione quavis, præcordiis constrictis, aut dilatatis, vultus & faciei aspectus, immo manuum & membrorum gestus patheticè configurantur : Hujusmodi instantias in particulari nervorum historiâ satis multas proposuimus, ut non opus sit hìc plures adjicere.

Quod superest, ad *Myologiam* nostram illustrandam, quatuor hìc figuras, quæ *musculi simplicis*, & *compositi* quorundam utraq; sc. tum *exteriores*, tum *interiores*, veras & naturales ad vivum repræsentant, addendas curavi.

FIGURA I.

Exhibet musculum simplicem regularem, juxta quædam naturalem, descriptum, in cujus ventre, fibræ carneæ apertæ ab invicem deducuntur, ut fibrillæ membranaeæ meliùs conspiciantur.

A. *Tendo dexter.*

B. *Tendo oppositus sinister.*

C. *Venter carneus, cujus omnes fibræ carneæ æquales, & parallelæ, utrumq; Tendinem angulis obliquis, sed paribus interjacent.*

P

D. *Aper-*

- D. *Apertura fibrarum carnearum, quibus deductis, fibrillæ membranaceæ eas confitissimè decussantes, apparent.*

FIGURA II.

Exhibet musculum simplicem, post Tendinem discissum, ejusq; portiones divulsas, in medio fissum, ut interior fibrarum carnearum series, earumq; cum Tendinibus commissuræ appareant.

- A. A. *Tendo dexter suprà collocatus, cujus divulsi utraq; portiones aliquatenus apparent.*
 B. B. *Tendo oppositus sinister subter confitus, cujus divulsi utraq; portiones, quoad margines solum conspicuæ, maximâ ex parte sub carnibus latent.*
 C. D. *Ventris carnei portiones divisæ, & sepositæ, quæ priùs (hâc illi impositâ) cohærebant, in quibus utrisq; fibræ omnes carneæ æquales pariter obliquè ab uno Tendine in alterum procedunt.*
 E. *Fibrillæ quædam membranaceæ carneas densissimè decussantes representantur.*

FIGURA III.

Exhibet musculum quendam minùs compositum, cujus binis ventribus carneis, etiam bini Tendines compositi, (quatuor simplicibus æquales) destinantur.

- A. *Tendo exterior compositus utraq; carnes completens, qui marginibus ferè tantùm conspicuis, maximâ ex parte sub carnibus latet.*
 B. *Tendo interior compositus medias ingrediens carnes, qui fibras carneas ab utroq; Tendinis exterioris latere missas utrinq; excipit.*
 C. *Fibrarum carnearum venter primus, cujus fibræ omnes æquales, & parallele, Tendinum latera opposita angulis obliquis, & paribus interjacent.*

D. *Carnium*

- D. *Carnium venter secundus, cujus fibræ omnes pariter conformatae eodem ac istæ alterius ventris, spectant.*
- E.E. *Tendinis compositi exterioris, utraq; extremitas.*
- F. *Tendinis compositi interioris extremitas, pariter ac altera opposita, à muscoli fine æquidistans.*

FIGURA IV.

Exhibet musculum regularem compositum in medio divisum, & apertum, ità ut utriusq; ventris facies interior appareat.

- A. *Tendo compositus exterior quadripartitò fissus.*
- B.B. *Lateris unius Tendinei divisi, portiones ab invicem semotæ.*
- C. *Lateris alterius Tendinei pariter divisi, portiones juxtà positæ, quæ maximâ ex parte sub carnibus latent.*
- D.D. *Ventris unius carnes divisæ, & procul ab invicem sepositæ.*
- E.E. *Ventris alterius carnes etiam divisæ, & juxtà positæ.*
- F. *Tendo compositus interior medias carnes ingrediens.*
- G.G. *Ejusdem Tendinis divisi, portiones ab invicem cum portionibus ventrium quos excipiunt, sepositæ.*

*Elenchus Materiae.**De Affectibus Hystericis, & Hypochondriacis.*

Ostenditur affectus, qui dicuntur hystericis, à pulmonibus sanguine flatulento, ad rigiditatem infarctis, oriri non posse, pag. 2, 3.

Imprimis, Quia sanguis nunquam ita turgescit, ut cor, & pulmones penitus infarciat. Hoc constat tum ratione, tum ex partium fabricâ, & usu, pag. 4, 5, 6.

Secundò, Quia dyspnœa, & præfocatio, aliq; pulmonum affectus, non sunt morbi hystericis propriæ passiones, pag. 7, 8.

Tertiò, Quia pulmones, etsi gravissimè laborantes, non possunt in aliis partibus reliqua morbi hystericis symptomata excitare, pag. 8, 9, 10. Hoc duæ historiæ impuberum à polypo cordis obeuntium confirmant, ibid. Contra primam adversarii responsionem ostenditur sanguinem nunquam immodicè in pulmonibus ebullire, quin pariter in toto corpore effervescat, pag. 11, 12. Picâ & malaciâ affectas, non ob sanguinem copiosum, aut nimis elasticum anhelas fieri, sed è contrâ, pag. 13. Cordis anxietas, & palpitatio, non ad sanguinem, sed ad genus nervosum pertinent, pag. 14. Septi motus explicatur, ipsûmq; in convulsionibus interdum superius contrahi manifestò declaratur, pag. 15, 16, 17. Motum muscularem non solummodò attractionem esse ad partem immobilem, pag. 18, 19. Nec ad alterutrum musculi extremum, sed ab utroq; pag. 19, 20. Membranarum motus tum naturalis, tum convulsivus explicatur, pag. 21, 22, 23. Phlebotomia non omnibus hystericis prodest, pag. 24. Convulsiones non semper ab irritatione solitariâ excitari, pag. 25. Succus nervosi existentia ideo requiritur, quia spiritus animales sunt.

sunt maximè subtiles, pag. 26. Recitantur duo casus *hystericarum*, latratu velut canino affectarum, pag. 27, 28. Altera historia mulieris in quâ motus convulsivi, è lumbis in Abdomen translati, symptomata quasi hystERICA excitabant, pag. 29. Observatione crebrâ & vulgari constat, viscera abdominis spasmodicè affecta inflari, & extumescere, pag. 30, 31.

Passionem hypochondriacam ventriculo iniquè imputari, pag. 32. Non esse lienis officium ut foku ventriculum calefaciat, pag. 33. Ejus colorem non à sanguine puro coagulato, pag. 34. Munus ejus fermentativum vindicatur, pag. 35, 36. Pulsationem subtus ventriculum, esse affectum arteriæ cæliacæ, propter lienem obstructum, pag. 37, 38. Aciditatem haud solummodo in ventriculo progigni, nec inde tantum sanguini alijsq; humoribus communicari, pag. 39, 40. Aciditatem à salis fluore provenire, & salem ex elementis quibus naturalia constant unum esse, contra objectiones adversarii experimentis evincitur, pag. 42, 43, 44.

Elenchus Materiæ Exercitationis de Accensione Sanguinis.

In quibusdam morbis spiritus animales, aut ipsam animam immediatiùs quàm humores, aut corpora solida affici, pag. 47. Animam corpoream duabus constare partibus, scilicet flammeâ in sanguine, & lucidâ seu spirituosâ in cerebro, & nervoso genere, radicatis, pag. 48. Ostenditur sanguinem animatum esse, ibid. Animationem istam, seu vitam ab incendio ejus pendere, pag. 49. Ad hoc probandum, primò declaratur, sanguinem in perfectioribus animalibus propter æconomiam ejus, actû incalescere debere, pag. 50. Liquida, è quorum censu est sanguis, tribus tantum modis actû incalescunt, scilicet primò, à calido admoto, secundo, à salinis aut sulphureis quæ diversæ indolis sunt commissis, tertio, ab accensione, pag. 51. Alii calefactionis modi, scilicet fermentatio, putre-

putrefactio, & attritio ad crassiora tantum, aut solida, & non omnino ad liquida pertinent, pag. 52. Sanguis non aestuat à calido admoto, pag. 53. Nec à salium aut sulphuris congressu & luctu, pag. 54. Accendi videtur, quia propriae ignis flammæq; passionēs, soli præterea sanguinis vitæ competunt, pag. 55. Ad flammæ subsistentiam, primò, requiritur pabulum nitrosum, quod variis experimentis probatur, pag. 56. Ejusdem pabuli nitrosi accessus, etiam ad sanguinis vitam sustinendam necessarius, pag. 57, 58. Secundum flammæ sustinendæ requisitum, est pabuli sulphurei constans supplementum, quod etiam à sanguine exigitur, pag. 59. Tertio, flamma accensa eventilationem desiderat, pariter etiam sanguinis vita, pag. 60. Ignis, aut flamma vulgaris, vel ab alio igne succenditur, vel ab intestino particularum motu producitur, pariter quoad sanguinis flammam vitalem in viviparis, & oviparis habet, pag. 61. Pulmonum coloris in recens natis mutatio, item sanguinis venosi, & arteriosi diversæ tincturæ, sanguinis incendium quodammodo declarant, pag. 62, 63. Quantum cor præstat ad sanguinis accensionem diversimodè alterandam, & quæ sint flammæ vitalis differentiæ, pag. 64. Quo ritu lampadis oleum disponatur, ad imitandam sanguinis intra cor, & vasa ejus accensionem, pag. 65. Ostenditur sanguinem particulas ad accendendum aptas, in se continere, p. 66. Flamma vitalis secus ac vulgaris non apparet, quia forma ejus formæ alteri superiori, scilicet animæ corporeæ subordinata est, pag. 67, 68, 69.

Elenchus Materiæ Exercitationis de Motu Musculari.

Animæ corporeæ parti lucidæ, duæ insunt facultates, motiva, & sensitiva, utraq; tum exterior, tum interior, pag. 70. Quomodo motus, & sensus differunt, pag. 71. In omni motu tria consideranda, scilicet actionis origo, instinctus, impetus motivus. pag. 72. Motus origo, sive prin-

(III)

principium fit in cerebro, aut cerebello, ibid. *Motus designati instinctus*, desertur per nervos, unum, aut plures, pag. 73. *Impetus motivus* perficitur per musculos, aut membranas, ibid. *Motus muscularis* sive localis tractione perficitur, sed non uti à veteribus traditum fuit, pag. 74. D. Stenon primus musculi fabricam rectè tradidit, ibid. *Musculi descriptio*, cujus partes sunt tendines, & fibræ carneæ, pag. 74. Aut simplex, aut compositus est, in utroq; singulis carniū ventribus, bini destinantur tendines, pag. 76, 77. Ad musculum etiam spectant membrana, fibrillæ membranaceæ quæ fibras carneas decussant, item arteriæ, venæ, ac nervi, pag. 78. *Musculorum figuræ* à Stenone descriptæ, quomodo in ipsis musculis conspiciantur, pag. 79. *Musculi actio* per vivisectionem optimè detegitur: in quibus advertere est, fibras carneas tantum contrahi, tendinibus immotis: Illas verò ab utroq; sine versùs medium adduci, adeoq; abbreviatas intumescere, pag. 80. *Varia experimenta Anatomica* quibus fibrarum carnearum motus observentur, pag. 81. *Musculi omnes* in contractionum & relaxationum vices sponte sua quodammodo sunt proclives. *Humores* quibus musculi imbuuntur, sunt liquor nervosus, sanguis, & latex è sanguine in fibras carneas instillatus, pag. 82. *Ex musculi phænomenis*, quàm difficile sit functionis motivæ Ætiologiam condere, pag. 83. *Motus localis* est actio composita, cujus virtus robustior in fine est, quàm in principio, aut viâ, pag. 84. *Quibus modis* virtus motiva in mechanicis augeri solet, & qualem cum his analogiam, impetus motivus in musculo auctus habeat, pag. 85, 86. Facile constat particulas elasticas intra musculum recondi, pag. 87. Tales intra fibras carneas plus agitantur, intra tendinosas verò uberiùs aggeruntur, pag. 87. *Particulæ istæ* sive spiritus animales, dum musculus contrahitur, è tendinibus in carnes prosilire, dumq; relaxatur, ab his in illos recedere videntur, pag. 88. *Spiritus* intra tendines
qui eti,

quieti, fibras carneas, quatenus ibidem cum alio humore, nempe sanguineo colluctantur, inflant, ac intumesciunt, pag. 89. Dum musculus contrahitur, fibras carneas abbreviatis intumescere, à totoq; patet, pag. 90. Cujus indolis spiritus animales, cujus item latex sanguineus videntur esse, ibid. Musculi tum simplicis, tum compositi conformationes, planè indicant, spiritus ab utroq; tendine, utrosq; carniū fines incurrere, & ab his in illos recedere, pag. 81. Meri spiritus animales, sine copula altera sanguinea vim motivam exequi nequeunt, pag. 93. Spirituum motorum copiae subsidiariae per nervos ad musculum delatae, à fibris membranaceis, non carneis excipi, perq; illas ad tendines seu promptuaria convehi videntur, pag. 94. Quomodo motus muscularis obeundi, aut sistendi instinctus, per nervum musculo imprimitur, pag. 95, 96. Ad hoc munus quid fibrillae membranaceae conferunt, ibid. Motus convulsivos ob vitium non tantum in nervis sed in musculis latens interdum oriri, pag. 97. Spasmodum à musculis oriundorum binæ sunt species, nempe aut breves & crebri sunt subsultus, aut permanentes, uti tetanos, & affectio dicta (Cramp) pag. 98. Utriusq; causae & fiendi modi explicantur, pag. 99. Casus notabilis posterioris affectus naturam illustrans, pag. 100, 101, 102. Objectiones contra myologiam prædictam solvuntur, pag. 103, 104. Figuræ musculos quosdam ad vivum repræsentantes explicantur, pag. 105, 106, 107.

Errata.

Pag. 3. lin. 9. leg. gnomonici, p. 7. l. 6. leg. suppeditant, p. 9. l. 32. leg. arteriam --monicam, p. 37. l. 7. leg. extruxisti.

Rogandus est lector ut cætera corrigat.

F I N I S.

Fig. I.





Fig. II.






Fig. III.




Fig. IV.

